

新五代史

宋 徐無黨 註宋 歐陽修 撰

中華書局

第

卷五八至卷七四(考世家附録)

册

# 新五代史卷五十八

嗚呼,五代禮樂文章,吾無取焉。 其後世有欲知之者,不可以遺也。 作司天職方考。

#### 司天考第一

微矣。而使一藝之士,布算積分,上求數千萬歲之前,必得甲子朔旦夜半冬至,而日、月、 徒,亦未嘗道也。至於後世,其學一出於陰陽之家,其事則重,其學則末。夫天人之際,遠哉 五星皆會于子,謂之上元,以爲曆始。蓋自漢而後,其說始詳見於世,其源流所自止於如 於書,中星閨餘,略存其大法。而三代中間千有餘歲,遺文曠廢,六經無所述,而孔子之 可一日而差。差之毫釐,則亂天人之序,乖百事之時,蓋有國之所重也。 司。曆者,有常之數也,以推寒暑,以先天道,以勉人事,其法信於天下。術有時而用,法不 而謹察其變者,以爲占。占者,非常之兆也,以驗吉凶,以求天意,以覺人事,其術藏於有 司天掌日月星辰之象。周天一歲,四時,二十四氣,七十二候,行十日十二辰,以爲曆。 然自堯命義、和見

司

未始不本於此

六七

此 是果堯、舜、三代之法歟?皆不可得而考矣。 然自是以來,曆家之術,雖世多不同,而

亡,不復見。 又止藏其家,萬分止行於民間, 曆、正象曆, 用崇玄曆。 行於民間。 時,術者曹士萬始變古法,以顯慶五年爲上元,雨水爲歲首,號符天曆。然世謂之小曆, 上元甲子冬至七曜之會,而起唐天寶十四載乙未爲上元,用正月雨 五代之初,因唐之故,用崇玄曆。 周廣順中,國子博士王處訥,私撰明玄曆于家。 而重績乃用以爲法,遂施于朝廷,賜號調元曆。 南唐有齊政曆。 五代之際,曆家可考見者,止於此。 其法皆不足紀。 至晉高祖時,司天監馬重績,始更造新曆,不復推古 而永昌正象齊政曆,皆止用於其國,今亦 民間又有萬分曆, 然行之五年, 輒差不可用, 而復 而調元曆法旣非古,明玄 水爲氣首。 而蜀有泳昌 初, 唐建 祇 中

世宗即位,外伐僭叛,內修法度。 端明殿學士王朴,通於曆數。 乃韶朴撰定。 歲餘,朴

由斯而節,四方之政,由斯而行。夫爲國家者,履端立極,必體其元;布政考績 則當以數知之。數之爲用也,聖人以之觀天道焉。 臣 .聞聖人之作也,在乎知天人之變者也(1)。人情之動,則可以言知之;天道之 歲月日 時, 由斯而成; 陰陽寒

有爲,必從其日月。是以聖人受命,必治曆數。故五紀有常度,庶徵有常應,正朔行之 必 **《因其歲,禮動樂舉,必正其朔,三農百工,必順其時,五刑九伐,必順其氣,庶務** 

於天下也。

政以立元,測圭箭以候氣,審朓朒以定朔,明九道以步月,校遲疾以推星,考黃道之斜 道,寅畏上天,咨詢庶官,振舉墜典。臣雖非能者,敢不奉韶。乃包萬象以爲法,齊七 正,辨天勢之昇降,而交蝕詳焉。 自唐之季,凡歷數朝。亂日失天,垂將百載。天之曆數,汨陳而已。陛下順考古

經,先用此法,統曆之諸法也。以通法進統法,得七十二萬。 隨法進退,不失舊位,故謂之通法。以通法進經法,得七千二百,謂之統法。自元入 於應變分用,無所不通。故以七十二爲經法。經者, 化成則謂之五行之數。五之,得朞數(il)。 四。 奇偶相命,兩陽三陰,同得七十二。 同則陰陽之數合。 七十二者,**化成之數也**。 夫立天之道, 日陰與陽。陰陽各有數, 合則化成矣。陽之策三十六, 陰之策二十 日、月、五星合在子;當盈縮、先後之中,所謂七政齊矣。 以通法進全率,得七千二百萬,謂之大率,而元紀生焉。 過之者,謂之氣盈;不及者,謂之朔虛。 常用之法也。 氣朔之下,收分必盡,謂 元者,歲、月、日、時皆 百者,數之節也,

司

都於汴。 下候影, 古者,植圭於陽城,以其近洛也。蓋尙慊其中,乃在洛之東偏。開元十二年,遺使天 南距 樹圭置箭,測岳臺唇漏,以爲中數。唇漏正,則日之所至,氣之所應,得之矣。 林邑,北距橫野,中得浚儀之岳臺,應南北弦, 居地之中。 大周 建國,定

日也。 諸曆, 法,率皆平行之數; 日 則疎遠而多失。 日之中,分爲 、皆有盈縮。 入曆旣有前次,而又衰稍 。今以月離朓朒,隨曆校定,日躔朓朒,臨用加減。所得者,入離定 日盈月縮, 九限。 毎限損 則後中而朔。 、益、衰稍有倫。 不倫。 月盈 朓朒之法,可謂審矣。 **一日縮**, **皇極舊術,則迂迴而難用。** 則先中而朔。 自古朓朒之 降及

當斜 祖述之文,而無推步之用。 宿,中交在秋分之宿,則比黃道反直。 者, 謂之中交。 赤道 二至二分遠近,以考斜正, 月軌 內,半在 赤道者,天之紘帶也。 則 也。 日 行 若正交在秋分之宿, 宜 「赤道外,去極 其半在黃道內,半在黃道外, 遲 當直, 乃得加減之數。 則日 二十四度。當與赤道近,則其勢斜,當與赤 今以黄道一周, 其勢圜而 行 中交在春分之宿, 1宜速。 平, 紀宿度之常數焉。 若正 故二分前後加 、去極遠六度。 分為八節; 交、中交在二至之宿, 自古 雖有九道之說, 則比黃道 一節之中,分爲九道;盡七十 其度,二 出黃道,謂之正 黄道者, 益斜。 盖 至前後減 則其勢差斜。 亦知 日軌 岩正交在春分之 (道遠,則其勢直。 而 交; 未群, 以其度。 也。 入黄道, 故 <del>其</del>半在 徒有 校去

二道,而使日月無所隱其斜正之勢焉。 九道之法,可謂明矣。

留而行,亦積微而後多。別立諸段變曆,以推變差,俾諸段變差,際會相合。星之遲 皆非本理,遂至乖戾。今校逐日行分積,以爲變段。然後自疾而漸遲,勢盡而留。自 降無準;今日行分尚多,次日便留;自留而退,惟用平行,仍以入段行度爲入曆之數; 星之行也,近日而疾,遠日而遲。 去日極遠,勢盡而留。自古諸曆,分段失實,隆

射,其理有異。今以日月徑度之大小,校去交之遠近,以黃道之斜正,天勢之昇降,度 仰視、旁視之分數,則交虧得其實矣。 自古相傳, 皆謂去交十五度以下, 則日月有蝕。殊不知日月之相掩, 與闇虚之所

疾,可得而知之矣。

十一卷,草三卷,顯德三年七政細行曆一卷,以爲欽天曆。 曆之常式。今並削而去之。謹以涉归、涉月、涉星、涉發斂爲四篇,合爲曆經一卷,曆 蓋從假用,以求徑捷,於是乎交有逆行之數。後學者不能詳知,因言曆有九曜,以爲注 臣考前世,無食神首尾之文。近自司天卜祝小術,不能舉其大體,遂爲等接之法。

昔在帝堯,欽若昊天。陛下考曆象日月星辰, 唐堯之道也。 天道玄遠,非微臣之

所

温知の。

# 世宗嘉之。韶司天監用之,以明年正月朔旦爲始。

#### 顯德欽天曆

演紀上元甲子,距今顯德三年丙辰,積七千二百六十九萬八千四百五十二算外。

欽天統法:'七千二百。

欽天經法:七十二。

欽天通法:一百。

#### 欽天步日躔術

歲率:二百六十二萬九千七百六十,四十。

軌率: 二百六十二萬九千八百四十四,八十**。** 

朔率: 二十一萬二千六百二十,二十八。

**嵗策:三百六十五,一千七百六十,四十。** 

**軌策:三百六十五,一千八百四十四,八十。** 

歲中:一百八十二,四千四百八十,二十。

軌中: 一百八十二,四千五百二十二,四十。

朔策: 二十九,三千八百二十,二十八。

氣策:一十五,一千五百七十三,三十五。

象策: 七,二千七百五十五,七。

周紀: 六十。

歲差:八十四,四十。

**辰則**:六百;八刻二十四分。

赤道宿次

斗:二十六度。牛:八度。女:十二度。虚:一十度少。危:十七度。室:十六度。壁:九度。

北方七宿九十八度少。

奎:十六度。 婁:十二度。 胃:十四度。 昴:十一度。 畢:十七度。 觜:一度。 參:一十度。

西方七宿八十一度。

**旬天考第一** 

井"三十三度。鬼"三度。柳"十五度。 星"七度。 張"十八度。 翼"十八度。

六七六

南方七宿一百一十一度。

角:十二度。 亢:九度。 氏:十五度。 房:五度。 心:五度。 十八度。

東方七宿七十五度。

中節

子算外,即天正中氣日辰及分秒也。以氣策累加之,秒盈通法從分,分盈統法從日 置歲率,以演紀上元距所求積年乘之,爲氣積。 統法而一,爲日。盈周紀去之, 命甲 日盈

周紀去之, 即各得次氣日辰及分秒也。

朔弦望

之,命甲子算外,卽天正常朔日辰及分秒也。 置氣積,以朔率去之,不盡爲閨餘。用減氣積,爲朔積。 以象策累加之,即各得弦望及次朔也。 統法而一,爲日。盈周紀去

日躔入曆

置歲率,以閏餘減之,統法而一,爲日。歲中以下爲盈;以上,減去歲中爲縮,卽天正

常朔加時所入也。 累加象策,满歲中去之,盈縮互命,即四象所入也。

日躔朓朒

置 |加時入曆分秒,以其日損益率乘之,統法而一,損益其日脁朒數,爲日躔脁朒定數。

#### 赤道日度

渞 宿度及分秒 置氣 積, 以軌率去之,餘統法而一,爲度;命赤道虛八算外, 也。 加歲中,以次命之,即夏至之宿也。 卽天正中氣加時日躔赤

#### 黄道宿次

度少彊,亦限率空。 至前後各九限以減、二分前後各九限以加赤道宿,爲黃道宿及分。就其分爲少、太、半之數。 八,殷二分之宿。自二分至二至,亦如之。各以限率乘所入限度,爲分。 置二至日躔赤道宿度。 其半當四立之宿。 距前後每五度爲限,初率八,每限減一,盡九限, 自後亦五度爲限,初率空,每限增一, 經法而 盡九限,末率 末率空,乃一 一,爲度。二

#### 黄道日度

度及分也。 分,以從之。 置天正 加歲中,以黃道宿次命之,即夏至加時日度及分也。 一中氣加時日躔赤道宿度。 經法而 一,爲分; 盈統法,爲度。 各與所入限率相乘, 用減赤道所躔,即天正中氣加時日躔黃道宿 皆以統法通之; 所入限率乘其

#### 午中日躔

午前以加、午後以減加時黃道日度,爲午中日度及分也。 置二至分, 減去 「半法,爲午後分;不足,反減, 爲午前分。 各以次日躔分加之,滿統法從度。 以乘初日 1躔分, 經法而一,

司

天

六七八

依宿次命之,即次日午中日躔也。

午中日躔入曆

置天正中氣午前分,便爲午中入盈曆日分。 其在午後者,以午後分減歲中, 爲午中入

縮 曆日分。 累加一日,滿歲中卽去之,盈縮互命,爲每日午中入曆也。

岳臺中唇

置午中入曆分, 以其日損益率乘之, 如統法而 爲分;分十爲寸。 用損益其下中

唇數,爲定數也。

**晨昏分** 

各置入曆分, 以其日損益率乘之,如統法而 一,用損益其下晨分, 即所求晨定分也。

用損加、益減其下昏分,即所求昏定分也。

日出入辰刻

置晨昏分,以一百八十加晨、滅昏,爲日出入分。 各以辰則除,爲辰數; 餘滿經法,

刻;命辰數子正算外,則日出入辰刻也。

晝夜刻

置日入分,以日出分滅之,爲晝分。 用減統法,爲夜分。 各滿經法,爲晝夜刻。

#### 五夜辰刻

晨分,五約之,為更用分。 置昏分,以辰則除,爲辰數;經法除,爲刻數。 又五約之,爲籌用分。 用累加甲夜,滿辰則爲辰,滿經法爲刻,卽 命辰數子正算外,卽甲夜辰刻也。 倍

各得五夜辰刻也。

昏曉中星

置昏分,减去半統,用乘軌率,統法除之,爲距中分。 盈統法,爲度。 加午中日躔,爲

昏中星;减之,爲曉中星。

赤道內外數

置入曆分,以其日損益率乘之,如統法而 一,用損益其下內外數; 如不足損, 則反損

之;內外互命,即得所求赤道內外定數也。

九服距軌數

千五百一十三,爲其地戴中數以赤道內外定數,內減、外加之 卽九服距軌數也。 置距岳臺南北里數,以三百六十通之,爲步。一千七百五十六除之,用北加、南減二

九服中晷

置距軌數,二十五乘之,一百三十七除,爲天用分。置之,以二十二乘,六約之,用減

司

六八〇

四千,爲晷法。 又以天用分自相乘,如晷法而一,爲地用分。 相從爲晷分,分十爲寸,即得

#### 九服刻漏

其地中晷也。

漏法。 之,即得其地日出入辰刻、五夜辰刻、昏曉中星也。 减、赤道外以加一千六百二十,爲其地晨分。 經法 通軌 通軌 3中於上,置赤道內外敷於下,以下減上,餘用乘之; 盈漏法,爲漏分。 1中而半之,用自相乘,如其地戴中數而一;以乘二百六十三,經法除之,爲 減統法,爲昏分。置晨昏分,各如岳臺術入 赤道內以

#### 欽天步月離術

雕率:一十九萬八千三百九十三,九。

**交**率: 十九萬五千九百二十七,九十七,五十六。

**雕策: 二十七,三千九百九十三,九。** 

交策: 二十七,一千五百二十七,九十七,五十六。

室策: 一十四,五千五百一十,一十四。

交中:一十三,四千三百六十三,九十八,七十八。

離朔:一,七千二十七,一十九。

交朔: 二,二千二百九十二,三十,四十四。

中準:一千七百三十六。

中限:四千七百八十。

程節:八百。一十三。

月離入曆

置朔積,以離率去之,餘滿統法爲日,即天正常朔加時入曆也。 累加象策, 盈離策去

之,卽弦望及次朔入曆也。

月離朓朒

置入曆分,以日躔朓朒定數,朓減、朒加之,程節除之,爲限數。餘乘所入限損益率,程

節而一,用損益其限朓朒爲定數。

朔弦望定日

日; 有交見初 各以日躔月離朓朒定數,朓減、朒加朔弦望常分,爲定日。 則不 進。 弦望加時日未出,則退一 日; 日雖出有交見初亦如之。 定朔加時日入後,則進一 元日有交

司天

考

第

則消息定之。 定朔與後朔干同者,大;不同者,小;無中氣者,爲閏。

#### 朔望加時日度

滅之。 日損益率,統法而一,損益其下盈縮數,爲定數。 各置日躔入曆,以日躔月離朓朒定數, 各命以多夏至之宿算外,卽所求也。 朓减、 置定朔曆分,通法約之,以定數盈加、縮 **朒加之**,爲定朔加時入曆。 以曆分乘其

#### 月離入交

定數,經法乘之,平離而一,朓減、朒加常分,卽入交定日也。 策去之,即望及次朔所入也。各以日躔朓肭定數,朓减、朒加之,爲入交常日。置月離朓朒 置朔積,以交率去之,餘滿統法爲日,卽天正常朔入交泛日也。 以望策累加之,盈交

#### 黄道正交月度

[時日度] 即朔前月離正交黃道宿度也。 統法通朔交定日,以二百五十四乘之,十九而一。復以統法除,爲入交度。 用減其朔

#### 九道宿次

加

交起,八節後第一限之宿,爲月行其節第一道。 月離出入黃道六度。 變從八節,斜正不同。 起第二限之宿,爲月行其節第二道,即以所 故月有九道。 黃道八節,各有九限。

四

刮

天考

第

起限爲正交後第一限。初率八,每限減一,盡九限,末率空。又九限,初率空,每限增一,末

六八四

置月離正 交 (九道宿度,以入交度加之,命以九道宿次,即其朔加時月離九道宿度也。

#### 九道望月度

次,即所求也。 置朔望加時日相距之度,以軌中加之,爲加時象積。 自望推朔,亦如之。 用加其朔九道月度,命以其道宿

### 月離午中入曆

置朔望月離入曆,加半統,減去定分,各以日躔月離朓朒定數,朓減、朒加之,卽所求也。

#### **晨昏月度**

經法爲度,爲晨昏前後度。 置其日晨昏分,以定分减之,爲前;不足,返減,爲後。 前加、後減加時月,爲晨昏月度。 用乘其日離程,統法而一 , 满

#### 晨昏象積

置加時象積,以前象前後度, 前減、後加,又以後象前後度,前加、後減之,即所求也

#### 每日晨昏月度

加減每日離度,爲定度。 累計 距 後象離度,以減晨昏象積,爲加;不足,反減之,爲減。 累加晨昏月度,命以九道宿次,即所求。 以距後象日數除之,用

#### 月去黄道度

八十、餘以乘之,五百五十六而一、爲分;滿經法爲度。行陽道,在黃道外;行陰道,在黃 置入交定日。 交中以下,月行陽道;以上,去之,月行陰道:皆以經法通之。用減九百

日月食限

道內,卽所求月去黃道內外度也。

爲距交分。朔視距交分,陽道四千二百一十九、陰道一萬三百八十三以下,日入食限。望 視距交分陰陽道皆六千九百九十五以下,月入蝕限。 置定交行陰陽道日。半交中以下,爲交後,以上,用減交中,爲交前:皆以統法通之,

日月食甚加時定分

百二十相減,餘以二百四十五乘之,三百一十三而一;用減二百四十五,餘以損益望定分, 而 二。半統以下,以減半統;以上,以加朔定分:爲日食加時定分。 望以其日晨分與一千六 置朔定分。半統以上,以半統減之;半統以下,用減半統:爲距午分。十一乘之,經法

日食常準

爲月食加時定分。

半畫分以乘之,半畫分而一,赤道內以減、赤道外以加中準,爲日食常準。 置中準,與其日赤道內外數相乘,二千五百一十三除,爲黃道出入食差。 以距午分減

#### 日食定准

千七百七十二,爲黃道斜正食差。以距午分乘之,半晝分而一,以加常準,爲定準。 分後;以上,減去九千八百六十一,爲二至前。各三約之,二至前後用減、二分前後用加二 以上,减去三千二百八十七,爲二分前。六千五百七十四以上,用減九千八百六十一,爲二 置日躔入曆,以經法通之,三千二百八十七以下,用減三千二百八十七,爲二至後;

#### 日食分

命小分以半及疆弱。 距食分。各置距食分,皆以四百七十八除,爲日食之大分;餘爲小分。命大分以十爲限; 爲距食分。不足滅者,不食。其陽道距交分,定限以下,爲入定食限,即用減陽道定限,爲 以下,雖日陰道,亦爲陽道食;即加陽道定限,爲距食分。其有限外分者,即減去限外分, 陰道距交分, 定準以上, 定限以下, 爲陰道食; 卽置定限, 以距交分減之, 爲距食分。 定準 以定準加中限,爲陰道定準;減中限,爲陽道定限。不足減者,反減之,爲限外分。視

#### 月食分

食之大分;餘爲小分。命大分以十爲限;命小分以半及彊弱。 視距交分,中準以下,皆旣;以上,用減食限,爲距食分。 置之,以五百二十六除,爲月

#### 日食泛用分

乘之,七百三十五而一;以减五百一十七,爲泛用分。九百五十六以上,以距食分自相乘, 二千三百六十二除之;用減三百八十七,爲泛用分。 二除之,以減六百四十七,爲泛用分。九百五十六以下,用減一千九百一十二,餘以通法 置距食分,一千九百一十二以上,用減四千七百八十,餘自相乘,六萬三千二百七十

#### 月食泛用分

而一;用減四百一十七,爲泛用分。 減五百六十七,爲泛用分。一千五十二以下,以距食分滅之;餘自相乘,二千六百五十四 之;以減七百一十一,爲泛用分。一千五十二以上,用減二千一百四十;餘,七除之;以 置距食分,二千一百四以上,用減五千二百六十;餘自相乘,六萬九千一百六十九除

## 日月初末加時定分

爲辰,經法除之,爲刻:即初、甚、末之辰刻也。 爲復末。加時常分,如食甚術推之,得虧初、復末定分。置初、甚、末定分,各以辰則除之, 各置泛用分,以平離乘之,其日離程而一,爲定用分。以減朔望定分,爲虧初。加之,

#### 虧食所起

新

後,一理偏南,一理偏北,及消息所食分數多少,以定初、甚、末之方,即各得所求也。 道斜正也。 分多,則日食偏南,月食偏北;陽道交後,陰道交前,食分多,則日食偏北,月食偏南:此九 立秋後,立冬前,食分多,則日食偏北,月食偏南:此黃道斜正也。陽道交前,陰道交後,食 渞 則日食偏北,月食偏南:此常數也。 B 食起虧自西,月食起虧自東。其食分少者,月行陽道,則日食偏南,月食偏北;陰 黄道比常數所偏差少,九道比黃道所偏又四分之一:皆據午而言之。 立春後,立夏前,食分多,則日食偏南,月食偏北; 若午前午

#### 帶食出入分

各置帶食差,以距食分乘之,定用分而一,日以四百七十八、月以五百二十六除,爲帶食之 以出入分減復末定分,爲帶食差。 視其日出入分,在虧初定分已上,復末定分已下,即帶食出入。食甚在出入分已下者, 餘爲小分。 食甚在出入分已上者,以虧初定分減出入分,爲帶食差。

#### 食入更籌

爲更數。 各置 餘,籌用分而一,爲籌數。 一初、甚、末定分。 晨分已下, 以昏分加之,昏分已上,昏分减之一皆更用分而一,

周率: 二百八十七萬一千九百七十六,六。

二十四萬二千二百一十五,六十六。

周策: 三百九十八,六千三百七十六,六。 二百六十二萬九千七百六十一,七十八。

曆中: 一百八十二,四千四百八十,八十九。

變度

三三十七

一十六六十三

二九

二二十四

一十一一十三 一二十九

二十七

退遲

一十四

前留

二十六三十二

順遲

二十五

晨見

一十七

變

段

變

日

順疾

九十

四三十八

四三十八

司 天

考

第一

空二十八 一三十七

三十七

六八九

退遲

後留

二十六三十 一十四

<u>一</u>十二

空二十八

九十 一十七

順疾

夕伏

順遲

二十五

熒惑

周 率 : 五百六十一萬五千四百二十二,一十一。

變率:

二百九十八萬五千六百六十一,七十一。

三三十七

一十六六十三

二九

一二十九 一十一一十三

二二十四

曆率: 二百六十二萬九千七百六十,空。

周策: 七百七十九、六千六百二十二、一十一。

曆中: 一百八十二,四千四百八十,空。

變

度

變 日

**晨見** 

鐩

段

七十三

七十三

順疾

五十三六十八

五十一一

五十五十八 變 曆

四十八三

六九〇

**次** 次 疾 遲 順遲 後留 退遲 退疾 退疾 退遲 前留 順遲

鎭星

正 一十五十八

华四十四

一十九二十九四十五三十三

四十六六十九

一 七 四 十 九 一 五 十 八 六 六 六

六九

周率 二百七十二萬二千一百七十六,九十。

變率: 九萬二千四百一十六,五十。

二百六十二萬九千七百五十九,八十。

周策: 三百七十八,五百七十六,九十。

曆中: 一百八十二,四千四百七十九,九十。

二七

六三十八

空六十三

曆

一一十四

空三十五 三五十一

二三十五 二三十五

空六十

空一十四

退疾

一 二 十 六 三

退疾

三十三

前留

三十七三

順遲

一十九

順疾

六十五

是見

一十九

變

段

變

日

變度

退遲

一十六

空四十三

空六十

空一十四

空四十三

六九二

	順遲	次遲	次疾	順疾	夕見	變段	曆	周策	曆	變	周		夕伏	順疾	順遲
司天考第一	二十四	三十三	七十二六	四十二	變日	曆中: 一百八十二,四千	: 五.	: 	變率: 四百二十萬四千	周率:四百二十萬四千一	太白	一十九	六十五	一十九	
	一十一六十一	三十四一	八十三十七	一百二十一五十七	五十三四十	變度	八十二,四千四百七十五,二十八。	百八十三,六千五百四十三,九十六。	百六十二萬九千七百五十,五十六。	四百二十萬四千一百四十三,九十六。	一百四十三,九十六。		二七	六三十八	空六十三
六九三	一十一二十四	三十二四十	七十七二	一百一十六三十九	五十一一十七	變曆							一 十四	三五十一	空三十五

周銮		<b>晨</b> 伏	順疾	次疾	次遲	順遲	後留	退遲	退疾	<b>晨</b>	夕伏	退疾	退遲	前留
[率:八十三萬四千三百三十五,五十二。	辰星	四十二	九十六	七十三	三十三	二十四	六六十九	四	六	七	七	六		六六十九
三十五,五十二。		五十三四十	一百二十一五十七	八十三十七	三十四一	一十一六十一		1 = + : 1	三六十五	四四十	四四十	三六十五	一 二 十 二	
		五十一二十七	一百一十六三十九	七十七二	三十二四十	一十一二十四		空三十一	<u> </u>	一三十七	一三十七	] = 1+1	空三十一	

晨見 順遲 順疾 順疾 後留 夕伏 前留 夕見 變 段 曆中: 百八十二,四千四百八十,二十二。

司 天 考

第

六九五

周策:

八十三萬四千三百三十五,五十二。

二百六十二萬九千七百六十,四十四。

一百一十五,六千三百三十五,五十二。

一 一 一 十 十 十 六 一 七 二六十八 二六十八 ー ー ー 十 十 七 ー 六 ++ 日 變度 一十八二十四十三 三十四一 一十一四十三 一十八二十四 三十四一 <u>+</u> + 一十六四 變 二十九五十四 <u>-</u>+-+ 一十六四 二十九五十四 曆

六九六

#### 中日中星

度, 段變度順加、退滅之,即得逐段中星。 正中氣後合。如不足減,則加歲率以減之,爲次前年天正中氣後合。各以統法約之,爲日、爲 即所求平合中日、中星也。 置氣積, 以其星周率除之,爲周數;不盡爲天正中氣積前合〔三〕。用減歲率,爲前 置中日,以逐段變日累加之,卽逐段中日 金水夕伏晨見,皆退變也。 也。 置中星,

#### 入曆

中,爲後:即所求平合入曆。 置 | 變率。以周數乘之,以曆率去之,餘滿統法爲度。 以逐段變曆累加之,得逐段入曆也。 曆中以下, 爲先,以上,減去曆

#### 先後定數

置入曆分,以其度損益率乘之,經法而一,用損益其下先後數,卽所求也。

#### 常日定星

星,以其年天正中氣日躔黃道宿次加而命之,得逐段末日加時宿度也。 疾後次遲次疾疾、辰星順伏見及前疾後遲,並先減、後加之,卽各爲其段常日定星。 置中日中星,各以先後定數,先加、後滅之,留用前段先後數,太白順伏見及前順疾次 置定

#### 盈縮定數

置常日, 如歲中以下,爲在盈;以上,減去歲中,餘爲在縮:即常日入盈縮曆也。 置曆

分。 以其日損益率乘之,經法而一,用損益其下盈縮數,即得所求也。

定日

置常日, 以盈縮定數盈減、縮加之,爲定日。 以其年天正中氣加而命之,卽逐段末日

加時日辰也。

入中節

置定日,以氣策除之,命起冬至,即所入氣日數也。

平行分

置定日,以前段定日减之, 爲日率;定星與前段定星相減,爲度率。通度率,以經法乘

之,通日率而一,爲平行分。

初末行分

平行分; 段平行分,合而半之,為前段末日、後段初日行分。 段遠伏行分。 近伏段與伏段平行分,合而半之,爲其段近伏行分。以平行分減之,餘減平行分,爲其 平行分少,則減平行分,即前段初日、後段末日行分。 近留段近留行分空。倍平行分爲其段遠留行分。其不近伏留段,皆以順行二 各與其段平行分相減, 平行分多, 其不近伏留段,退行則以遲 則加

司

段近 ?疾行分,爲疾段近遲行分,所得與平行分相減,平行分多,則加之,少則減之:皆爲遠遲

### 初行夜半宿次

行分也。

置經法, ,以前段末日加時分減之; 餘乘前段末日行分, 經法而一 ;用順加、退減前段

末日加時宿度,爲其段初行昏後夜半宿度也。

每日行分

也。 减, 差。 爲每日行分。 半日差, 初 定末行分相減,爲差率。 以減多、 以每日行分順加、退減初行昏後夜半宿度, 加少爲其段初末定行分。置初定行分,用日差末多則累加、末少 累計其段初行昏後夜半距後段初行昏後夜半日數除之, 為每日昏後夜半星所至宿度 爲日 則 累

## 先定日昏後夜半宿次

合初日而半之,以所累計日乘之,用順加、退減其段初行昏後夜半宿次,即所求也。 自 初 日累計 距所 求日數,以乘其段 日差; 末多用加、末少用減 初日 行分,爲其日行分。

#### 欽天步發斂術

五,五百二十四 则 + 五

六,六百二十九,三十四。

三,三百一十四,六十七。

維策 一十二,一千二百五十八,六十八。

朔虚: 氣 盈 : 三千三百九十九,七十二。 一千五百七十三,三十五。

氣候圖

十一月中 蚯蚓結

冬至

鴈北 鄉

雞始 乳

東 風 解凍

蟄蟲

近始振

獺祭魚

玄 鳥 至

春分

二月中

阴

三月節

司

灭

第

驚蟄

一月節

雨

水

正

月中

立

春

正月節

大

寒

十二月中

小

寒

十二月節

桃始 菙

倉

庚

鳴

鷹化爲鳩

鴻

鴈

來

桐 始 推

田 雷 乃 發聲

鼠 化爲絮

虹 始 六九九 見

麋 角 解

鵲始 鷙鳥厲疾 巢

魚上 水澤腹 冰 堅

草木萌動

始

雉

始

雊

水

泉

動

= 1 1	
にいて	-
き争りにろ	

小雪 十月中	立多 十月節	霜降 九月中	寒露 九月節	秋分 八月中	白露 八月節	處暑 七月中	立秋 七月節	大暑 六月中	小暑 六月節	夏至 五月中	芒種 五月節	小滿 四月中	立夏 四月節	穀雨 三月中
虹藏不見	水始冰	豺 祭 獸	鸿鴈來賓	雷乃收聲	鸿鴈來	鷹祭鳥	涼風至	腐草爲螢	温風至	鹿角解	螗螂生	苦菜秀	螻蟈鳴	萍始生
天氣上騰地氣下降	地始凍	草木黃落	雀入水爲蛤	蟄蟲坯戶	玄鳥歸	天地始肅	白露降	土潤溽暑	蟋蟀居壁	蜩始鳴	<b>鵙始鳴</b>	靡草死	蚯蚓出	鳴鳩拂其羽
閉塞成多	雉入水爲屠	蟄蟲咸俯	<b>菊有黃華</b>	水始涸	羣鳥養羞	禾乃登	寒蟬鳴	大雨時行	鷹乃學習	半夏生	反舌無聲	小暑至	王瓜生	戴勝降于

穀雨 清春 驚明 分蟄 立 雨立大小多 水 春 寒 寒 隱 {震 {震 {震 }坎 {坎 {坎 {坎 {坎 六三 六二 六 初九 九 上 上六 九五 六 加 几

天

考第

辟大辟大辟大辟大辟大辟大辟大辟 夫 夫 夫 夫 夫 夫 % (家) (乾) (師) (夬) (訟) (大) (陇) (泰) (蒙) (臨) (謙) (復)

寒露 立 霜 秋 白 處 小 立 大 小 久 路 分 暑 秋 () (兌 **经** [兌 **没** 没 離 額 避 六五 九四 九二 上九 初九 九四 侯 侯 公 侯 公侯 公 侯 侯 {歸 {責 {巽 ₹長 禄 損 恆 {履 {大 外 {過 外 **妹** 外 外 外 外 辟 辟 辟 大 辟 辟 大 大 大 大 大 夫 夫 夫 夫 夫 夫 蹇 钟 {旣 **无**妄 [觀 [萃 ]否 [節 剝 遯 {濟 卿 侯 卿 侯 侯 卿 卿 侯 侯 卿

明,夷

歸妹

内

大畜

**(巽** 內

洞人

恆

{ 渙

卿 飅

{未

**頻繁** 

{}艮

各置 中節, 即初候 也。 以 候 策累加之, 卽 次 候

抽

七十二候

六十四 佳

置 中氣, ,即公卦· 也。 以卦策累加之, 卽 次 卦 也。 置 候 卦,以 外策加之, 卽 外

掛 也。

### 五行用事

置四立之節而命之,卽春木、夏火、秋金、冬水用事之初也。 置四季之節,各以維策加

之,即土用事也。

#### 沒日

中節分五千六百二十六秒六十五已上者,用減統法,爲有沒分。 通氣策以乘之,氣盈

#### 滅日

而

,滿統法爲日,用加其氣而命之,卽所求沒日也。

常朔分朔虚已下者,爲滅分。以朔率乘之,朔虚而一,盈統法爲日;用加其朔而命之,

即所求滅日也。

|朴曆世既罕傳,予嘗問於著作佐郎劉義叟, 義叟為予求得其本經,然後|| 人曆大備。 | 養叟 之中數作大衍曆,最爲精密。後世善治曆者,皆用其法,惟寫分擬數而已。至朴亦能自爲一 好學知書史,尤通於星曆,嘗謂予曰:「前世造曆者,其法不同而多差。至唐一行始以天地 右朴所撰欽天曆經四篇。舊史亡其涉發斂一篇,而在者三篇,簡略不完,不足爲法。

司天

漸,而五緯齊矣。然不能宏深簡易,而徑急是取。至其所長,雖聖人出不能廢也。」義叟之 朒,而朔望正矣。校赤道九限,更其率數,以步黃道,使日躔有常度;分黃道八節,辨其內 言蓋如此,覽者得以考焉。 會密矣。測岳臺之中晷,以辨二至之日夜,而軌漏實矣。推星行之逆順、伏留,使舒亟有 外,以揆九道,使月行如循環,而二曜協矣。觀天勢之升降,察軌道之斜正,以制食差,而交 朴之曆法,總日躔差爲盈縮二曆,分月離爲遲疾二百四十八限,以考衰殺之漸,以審朓

### 校勘記

- (1) 在乎知天人之變者也 各本原無「人」字。薛史卷一四〇曆志作「在乎識天人之變者也」。按下 文以「人情之動」與「天道之動」對比,則當有「人」字,據補。
- (三) 五之得春數 「之」指七十二;據下文,「朞」指三百六十。「五之,得朞數」,意卽五乘七十二,得三百六十。「行」 「五」下各本原有「行」字。 薛史卷一四○曆志作「五之得**春之數**」。按:據上文,
- = 不盡爲天正中氣積前合 按下文「天正中氣後合」語兩見。 「積」字疑行。

字衍

1,據删

# 新五代史卷五十九

## 司天考第二

昔孔子作春秋而天人備。予述本紀,書人而不書天,予何敢異於聖人哉!其文雖異,其

意一也。

以天參人。絕天於人則天道廢,以天參人則人事惑,故常存而不究也。 變之類,孔子未嘗道其所以然者,故其弟子之徒,莫得有所述於後世也。 自堯、舜、三代以來,莫不稱天以舉事,孔子删詩、書不去也。蓋聖人不絕天於人,亦不 春秋雖書日食、星

吾不知,吾見其虧益於物者矣。草木之成者,變而衰落之,物之下者,進而流行之。地,吾不 知,吾見其變流於物者矣。人之貪滿者多禍,其守約者多福。鬼神,吾不知,吾見人之禍福者 而明者也。其於天地鬼神,以不可知爲言;其可知者,人而已。夫日中則昃,盛衰必復。天, 而 [益謙,地道變盈而流謙,鬼神害盈而福謙,人道惡盈而好謙。] 此聖人極論天人之際,最詳 然則天果與於人乎。果不與乎。曰:天,吾不知,質諸聖人之言可也。揚曰:「天道虧盈

聽。」未有人心悅於下,而天意怒於上者,未有人理逆於下,而天道順於上者。 其與人無所異也,則修吾人事而已。人事者,天意也。書曰:「天視自我民視,天聽自我民 人無以異也。 日變流,日害福。若人,則可知者,故直言其情日好惡。其知與不知,異辭也,參而會之,與 矣。天地鬼神,不可知其心,則因其著於物者以測之。故據其迹之可見者以爲言,曰虧益, 。其果與於人乎,不與於人乎,則所不知也。以其不可知,故常尊而遠之,以

備司天之所考。 行事詳矣,其興亡治亂可以見。至於三辰五星逆順變見,有司之所占者,故以其官誌之,以 息,不能無盈縮差忒之變,而占之有中有不中,不可以爲常者,有司之事也。本紀所述人君 然則王者君天下,子生民,布德行政,以順人心,是之謂奉天。至於三辰五星常動而不

也。 予之所述,不得不異乎養秋也,考者可以知焉。 嗚呼,聖人旣沒而異端起。自秦、漢以來,學者惑於災異矣,天文五行之說,不勝其繁

開平二年夏四月辛丑,熒惑犯上將。甲寅,地震。四年十二月庚午,月有食之。

二星。戊申,月犯心大星。四月甲寅,月掩心大星。壬申,彗出於張,甲戌,彗出靈臺。 一元年春正月丙戌朔,日有食之。五月,客星犯帝坐。二年正月丙申,熒惑犯房第

之。 亥朔,日有食之。甲子,熒惑犯左執法。 白晝見。 戊子 , , 熒惑犯星。 丁未,天狗墮,有聲如雷,野雉皆雊。 同光元年十月辛未朔,日有食之。 庚寅, 衆星流, 自二更盡三更而止。辛卯, 衆小星流于**西**南。 十一月丁巳,地震。三年三月丙申,熒惑犯上相。戊申,月有食之。四月癸 六月甲子,太白晝見。 二年六月甲申,衆星交流;丙戌 丙辰,太白、歲相犯。 <del>+</del> 丙寅,歲犯右執法。 己巳,太 月甲寅,地震。 九月甲辰,月有食 衆星交流。八月

亥,月入羽林。 辛卯, 熒惑犯鍵閉。 犯金、木、土。十二月戊戌,熒惑犯氐。乙巳,月掩庶子。二年正月甲戌,熒惑、歲相犯。二月 己丑 日有食之。 庚子, 月犯五諸侯。 九月壬子, 歲犯房。 庚申, 月入羽林, 壬申, 至于庚子,日月赤而無光。 癸卯, 太白犯心大星。乙巳, 月犯五諸侯。 十月壬午,月犯五諸侯。癸未,地震。十一月乙卯,月入羽林。辛未,地震;壬申, 己巳,月犯昴。 七月己未, 月犯太白。 庚申, 天成元年三月,惡星入天庫,流星犯天棓。 四月丁亥,月犯右執法;癸卯,月入羽林。六月辛丑,熒惑犯房。八月已卯 。三月戊午,月掩鬼。庚申,衆小星流于西北。己巳,熒惑犯上相。乙 庚午,熒惑犯右執法;己卯,熒惑犯左執法。十月戊子,熒惑犯上相。 丙午,月掩左執法。十一月丁丑,月暈匝火、木。戊寅,月 、太白晝見。乙丑, 四月庚戌,金犯積尸。 六月乙未,衆小星交 辛亥,熒惑犯上將。 九月丁巳,月犯心大 ` 月入南斗魁。八月乙酉朔, 月犯上 日有食 地

司

天

月丁丑,月入南斗。九月丙子,熒惑入哭星。十二庚戌,月有食之,旣。 南斗魁。二月辛酉,月及火、土合于斗。三月壬辰,歲犯牛。六月癸丑,月有食之,旣。七 掩房。十二月壬寅朔,熒惑犯房,金、木相犯于斗。乙卯,月有食之。四年正月癸巳,月入 巳,金、火合于軫。十月庚午,彗出西南。十一月戊子,月掩軒轅大星。 乙未,太白犯鎭,月 申,月犯南斗。乙卯,熒惑犯右執法。庚戌,太白犯右執法。九月庚辰,土、木合于箕。辛 月至于是月,宗人、宗正搖不止。七月乙卯,月入南斗魁。閏八月癸卯朔,熒惑犯上將。 酉,月犯五諸侯;五月丁巳,月掩房距星;六月乙酉,月掩心庶子;癸巳,月入羽林。 十二月癸未,地震。三年春正月壬申,金、火合于奎。二月丁丑朔,日有食之。四月丁 自正

月壬申,太白晝見。十一月己亥,太白犯壁壘。 江。 犯 |磧尸。九月辛酉朔,衆小星交流而殞。十一月壬戌,熒惑犯氐。十二月丙辰,熒惑犯天 日有食之。 二年正月乙亥,太白犯羽林。 庚辰,月犯心距星; 二月丁未,月犯房。 四月甲寅,熒惑 九月丙戌、衆星交流;丁亥、衆星交流而殞。戊子、太白晝見。丁未、雷。十一 長 《興元年六月癸巳朔,日有食之。 乙卯,太白犯天鐏。 八月已亥,月犯南斗。 乙卯,月 五月癸亥,太白晝見。 閏五月乙巳,歲晝見。 六月壬午,地震。 八月丁巳,辰犯端 丙戌,太白 l 犯鍵。 三年四月庚辰,熒惑犯積尸。 四年五月癸卯,太白晝見。六月庚午,衆 九月庚寅,太白犯哭星。十 月甲申

星交流。七月乙亥朔,衆星交流。九月辛巳,太白犯右執法。乙未,雷。

應順元年二月丁酉,衆星流于西北。四月戊寅,白虹貫日。是月改元。

寅,雨雹于京師。冬十一月丁未,彗出虚、危,掃天壘及哭星。 **清泰元年五月己未,太白晝見。六月甲戌,太白犯右執法。九月辛丑,衆星交流。壬** 

子,熒惑犯右掖。十月庚戌,彗出東方。丙辰,熒惑犯進賢。十一月庚子,月犯房。 九月己卯,熒惑犯上將。壬子,彗出于西,掃天市垣。八年四月戊申朔,日有食之。八月丙 朔,日有食之。九月癸未,月掩畢。五年十一月丁丑,月有食之。六年八月辛卯,太白犯軒轅。 月辛巳,太白犯東井北轅;甲午,太白犯五諸侯;五月丁未,太白犯興鬼中星。七月庚子 之。十二月己卯朔,日有白虹二。三年三月壬子,日有白虹二。五月壬子,月犯上將。四年四 天福元年三月壬子, 熒惑犯積尸。二年正月乙卯, 日有食之(1)。七月丙寅, 月有食

癸丑,太白犯辰。二年七月乙未朔,月犯角;壬寅,月犯心前大星。庚戌,歲犯井鉞。八月 丙戌,月有食之。 庚寅,月犯五諸侯;十月癸卯,月入南斗;十一月辛巳,月犯昴。 十二月 東井。八月甲辰,熒惑入南斗。九月庚午朔,日有食之。丙子,月入南斗;乙酉,月食昴。 有食之。四月丁巳,太白犯五諸侯。七月庚辰,月犯熒惑;壬午,月入南斗。甲申,太白犯 開運元年二月辛亥,日有白虹二。壬戌,太白犯昴。己巳,熒惑犯天鑰。三月戊子,月

午朔,太白犯哭星。癸丑,月掩角距星;戊午,月犯心後星。三年二月壬戌朔,日有食之。 甲子朔,日有食之。甲戌,歲犯東井。九月已酉,月犯昴。甲寅,太白犯南斗魁。十一月甲

辛酉,雨木冰。壬戌,月犯昴。癸酉,雨木冰。乙亥,月掩心大星;己卯,月犯南斗。十二 天福十二年四月丙子,太白晝見。十月己丑,太白犯亢距星。十一月壬子,雨木冰。

辛酉、月犯心大星、太白犯木。十一月甲子朔、日有食之。 卯,鎭犯左掖。七月甲申,熒惑犯司怪。八月癸卯,太白犯房; 庚戌,太白犯心大星。十月 者,勾已往來,至是歲十一月辛亥而出母。甲寅,月犯昴。三年二月甲戌,月犯昴。六月乙 酉,鎭犯右執法。丁卯,太白犯歲。鎭自元年八月己丑入太徼垣,犯上將、執法、內屏、謁 戌, 月犯天關, 八月乙亥, 月犯房次將。九月壬寅, 太白犯右執法。 庚戌, 太白犯鎭。辛 丑,歲犯左執法。二年四月壬午,太白晝見。六月癸酉朔,日有食之。壬午,月犯心;丙 月掩心庶子星。八月乙酉,鎭犯太微西垣。戊戌,歲犯右執法。九月丁卯,月掩鬼。十月丁 月乙未,月有食之。 **鼤祐元年四月甲午,月犯南斗。六月戊寅朔,日有食之。乙未,月入南斗。七月甲寅,** 

〇四百四十三日

廣順元年二月丁巳,歲犯咸池。 己未,熒惑犯五諸侯。 三月甲子,歲守心。 己卯,熒惑

未、大霧中二白虹相偶。 四月庚戌,大霧中有蒼白二虹。 上將; 悉書矣。 此其尤異者也。至於吳火出楊林江水中、閩天雨豆之類,皆非中國耳目所及者,不可得而 日之中常七八,其繁不可以勝書,而背氣尤多。天福八年正月丙戌,黄霧四塞。九年正月乙 之象,出沒銷散不常,尤難占據。而五代之際,日有冠珥、環暈、纓紐、負抱、戴履、背氣,十 太白掩右執法。十月壬辰,太白犯進賢。三年四月乙丑,熒惑犯靈臺,五月辛巳,熒惑犯 犯鬼;壬午,熒惑犯天尸。四月甲午,歲犯鈎鈴。二年二月庚寅,太白經天。四月丙戌朔, 日有食之。七月乙丑,熒惑犯井鉞;八月乙未,熒惑犯天鐏。九月辛酉,熒惑犯鬼。 三年正月壬戌,有星字于參。 五代亂世,文字不完,而史官所記亦有詳略,其日、月、五星之變,大者如此。至於氣祲 顯德元年正月庚寅,有大星墜,有聲如雷,牛馬皆逸,京城以爲曉鼓,皆伐鼓以應之。 間 丙申,熒惑犯右執法。七月乙酉,月犯房。十二月戊申,雨木冰。 十二月庚午,白虹貫日。 癸酉,月有食之。 廣順元年十一月甲子, 白虹竟天。 庚辰,

### 校勘記

(二) 二年正月乙卯日有食之 各本「乙卯」下原有「朔」字。按薛史卷一三九天文志載:「天福二年正

月乙卯。先是司天奏正月二日太陽虧蝕。……是日太陽虧十分,內食三分,在尾宿十七度。」 歷代日食考五代日食凌作「一月乙卯二日偏食」。查二十史朔盟凌,是年正月甲寅朔,二日乙卯。

「朔」字衍,據刪。

# 新五代史卷六十

## 職方考第三

成四州 大州 所有 帥疆 益 興衰 分。旣其衰也,置軍節度,號爲方鎭,鎭之大者連州十餘,小者猶兼三四,故其兵驕則逐帥, 其所守,則雖一天下不能以容,豈非一本於道德哉!唐之盛時,雖名天下爲十道,而其勢未 國孰與三代長短?及其亡也,未始不分,至或無地以自存焉。蓋得其要,則雖萬國而治,失 割裂。 ,合五十一州以滅梁。 七十八州以爲梁。 (救難,常倚鎭兵扶持,而侵凌亂亡,亦終以此。 豈其利害之理然歟?自僖、昭以來, 則叛上,土地爲其世有,干戈起而相侵,天下之勢,自茲而分。然唐自中世多故矣,其 鳴 呼,自三代以上莫不分土而治也。後世鑒古矯失,始郡縣天下。而自秦、漢以來,爲 而營、平二州陷于契丹,其增置之州一,合一百二十三州以爲唐。 梁初,天下別爲十一國,南有吳、浙、荆、湖、閩、漢,西有岐、蜀,北有燕、晉,而朱氏 莊宗初起井、代,取幽、滄, 岐王稱臣,又得其州七。 有州三十五,其後又取梁魏、博等十有 同光破蜀,已而復失,惟得秦、鳳、階、 石氏入立, 獻十 日

七二三

職

入于蜀,隱帝時增置之州一,合一百六州以爲漢。 有六州于契丹, 而得蜀金州,又增置之州一,合百九州以爲晉。 郭氏代漢,十州入于劉旻,世宗取秦、鳳、 劉氏之初,秦、鳳、階、成復

自浙 國。 階、成、瀛、莫及淮南十四州,又增置之州五而廢者三,合一百一十八州以爲周。 此中國之大略也。 三州爲南平。 東西十三州爲吳越,自嶺南北四十七州爲南漢,自太原以北十州爲東漢,而荆、歸、峽 自江以南二十一州爲南唐, 合中國所有,二百六十八州,而軍不在焉。 其餘外屬者, 自劍以南及山南西道四十六州爲圖,自湖南北十州爲楚, **疆弱相**丼,不常其得失。 唐之封疆遠矣,前史備載,而羈縻 至於周末,閩已先亡,而在者七 宋興因之。

其可見者,具之如譜。

寄治虚名之州在其間。

五代亂世,文字不完,而時有廢省,又或陷于夷狄,不可考究其詳。

兗	維	洛	汴	州
有暴寧。	有永平。	都	都	梁
有	都	都	有宜武。	唐
有	有晉昌。	都	都	晉
有	有永興。	都	都	漢
有能。	有	都	都	周

13			1 .			l		1		ı		
濮	曹	脚	宿   	徐   	萊	登	棣	齊		靑	密	沂
有	有	有天平。	有	有武寧。	有	有	有	有	有	有平盧。	有	有
有	有	有	有	有	有	有	有	有	有	有	有	有
有	有處信。	有	有	有	有	有	有	有	有	有罷。	有	有
有	有罷。	有	有	有	有	有	有	有	有	有严盧。	有	有
有	有彰信。	有	有	有	有	有	有	有	有	有	有	有

裹	滑	鄭	汝	許	蔡	陳	穎	單	亳	宋	濟
有復爲山南東	有宜義。	有	有	有匡國。	有	有	有	有輝州。	有	有宜武。	
有	有義成。	有	有	有忠武。	有	有	有	有改日單州。	有	有歸德。	
有	有	有	有	有	有	有鎭安。	有	有	有	有	
有	有	有	有	有	有	有單廢。	有	有	有	有	
有	有	有	有	有	有	有復。	有	有	有	有	有太祖置。

			Ι΄	l .	l						1	<u> </u>
犪	孟	蒲	申	安	復	唐	郢	隨	鄧	金	房	均
有	有河陽三城。	有護國。	有	有宜威。	有	有	有	有	有宣化。	有蜀武雄。	有	有
有	有	有	有	有安選。	有	有	有	有	有威勝。	有圖蜀	有	有
有	有	有	有	有罷軍。	有	有	有	有	有	有懷德。尋罷。	有	有
有	有	有	有	有復。	有	有	有	有	有	有	有	有
有	有	有	有	有罷。	有	有	有	有	有威勝。	有	有	有

週	寧	]邠	解	耀	同	商	華	號	陜	絳	晉
岐有	岐 有	岐辭難。有		 	有忠武。	有	有感化。	有	有鎭國。	有	有初日定昌。
有	有	有		有復日耀州。	有區國。	有	有鎭國。	有	有保義。	有	有選雌。
有	有	有		有	有	有	有	有	有	有	有
有	有	有	有隱帝置。	有	有	有	有	有	有	有	有
有	有	有	有	有	有	有	有罷軍。	有	有	有	有

lite	1554	信息	ctc	1605	AH	臣	izar.	l Ki	1-1-1-	1557	l e-P-	1475
岐 		靈		<b>綏</b>	銀	夏	延	丹	坊	     	威	行
岐鳳翎。	有	有朔方。	有	有	有	有定難。	岐忠義。有日	岐有	岐有	岐保大。 有		岐有
有	有	有	有	有	有	有	有彰武。	有	有	有		有
有	有	有	有	有	有	有	有	有	有	有	有高祖置。	有
有	有	有	有	有	有	有	有	有	有	有	有	有
有	有	有	有	有	有	有	有	有	有	有	有改曰環州。	廢

貝	博	魏	乾	鳳	階	成	秦	武	滑	原	巡	隴
有唐	有唐	有天雌。唐	岐李茂貞置。	岐  蜀	岐蜀	岐蜀	岐雄武。蜀天雄。	岐	  岐	岐		岐
有	有	有鄰都。	有	有	有	有	有	有	有	有	有	有
有永清。	有	有淵都。	有	有	有	有	有	有	有	有	有	有
有	有	有淵都。	有	蜀	蜀	蜀	蜀	有	有	有	有	有
有	有	有罷都。	有	有	有	有	有	有廢。	有	有	有	有

	定	祁	易	趙	深	冀	鎭	磁	洛	邢	相	澶	衞
	有義武。唐	有周囲	有周	有周	有   唐	有   唐	有試順。唐	有改曰惠州。唐	有   唐	有保義。唐	有昭德。唐	有牌	有唐
	有	有	有	有	有	有	有成德。	有復日磁州。	有	有安國。	有	有	有
1	有	有	有	有	有	有	有順德(二)。	有	有	有	有影德。	有鎭寧。	有
	有	有	有	有	有	有	有成德。	有	有	有	有	有	有
	有	有	有	有	有	有	有	有	有	有	有	有	有

順	薊	檀	涿	幽	氰	雄	莫	瀛	濱	德	景	滄
唐	唐	唐	唐	唐   鷹龍。			       	唐		唐		唐横海。
有	有	有	有	有			有	有		有	有	有
製丹	製丹	契丹	製丹	製丹			製丹	製丹		有	有	有
製丹	製丹	製丹	製丹	製丹			契丹	製丹		有	有	有
契丹	製丹	製丹	契丹	製丹	有世宗置。	有世宗置。	有	有	有世宗置。	有	有廢。	有

職力考第三

代	忧	寰	武	儒	ൃ為	新	應	雲	朔	蔚	平	營
唐順門。	唐		唐	唐			唐	唐大同。	唐振武。	唐		唐
有	有	有明宗置。	有	有	有	有	有影國。	有	有	有	有契丹	有契丹
有	有	契丹	契丹	契丹	契丹	契丹	契丹	契丹	契丹	—   契  丹	製丹	契丹
有	有	製丹	製丹	製丹	製丹	製丹	製丹	製丹	契	契  升	契丹	製丹
東漢	東	製丹	製丹	製丹	製丹	契丹	製丹	製丹	製丹	製丹	契丹	製丹

遼	沁	潞	澤	爆	慈	汾	拌	府	麟	憲	石	嵐
唐	唐	唐  昭義。	唐	唐	唐	唐	唐河東。	唐	唐	唐	唐	唐
有	有	有安義。昭義(三)。	有	有	有	有	有北都。	有	有	有	有	一有
有	有	有	有	有	有	有	有	有永安。	有	有	有	有
有	有	有	有	有	有	有	有	有罷軍。	有	有	有	有
東漢	東漢	有	有	有	有	東	東漢	有永安。	東漢	東漢	東漢	東漢

泰	海	壽	廬	蘄	舒	黄	光	和	滁	泗	楚	揚
												1120
吳	吳	吳忠正。	吳	吳	吳	吳	吳	吳	吳	吳	吳	吳淮南。
吳	吳	吳	吳	吳	吳	吳	吳	吳	吳	吳	吳	吳
南唐	南唐	南唐清淮。	南唐	南唐	南唐	南唐	南唐	南唐	南唐	南唐	南唐	南唐
南唐	南唐	南  唐	南唐	南唐	南唐	南唐	南唐	南唐	南唐	南唐	南唐	南唐
有	有	有忠正。	有保信。	有	有	有	有	有	有	有	有	有

洪	江	信	饝	池	昇	<del> </del>	歙	宣	常	潤	通	漫
吳鎭南。	——  吳	吳	——  吳	吳	吳	吳武昌。	吳	吳寧國。	吳	吳		吳
	吳	吳	吳	吳	吳	吳	吳	奥	吳	吳		吳
南唐	南唐	南唐	南唐	南唐	南  唐	南  唐	南  唐	南   唐	南唐	南唐		南唐
南唐	南唐	南唐	南  唐	南   唐	南  唐	南唐	南周	南唐	南  唐	南唐		南唐
南唐	南唐	南  唐	南   唐	南  唐	南唐	南唐	南唐	南川唐	南唐	南  唐	有世宗置。	有

1	1	laa	1, .	1,5,,		ļ,, .	1,	1,	,	, -	1	
越	抗	福     	泉	<b>潭</b>   	愈       	汀	<b>建</b>	<b>第</b> (日)	虔	吉	袁	撫
吳越鎭東。	吳越鎭海。		国	国		閩	围		吳	吳	吳	吳
吳越	吳越	閩	閩	閪		閩	暍		吳	吳	吳	吳
吳越	吳越	吳越	南唐留從効	南唐留從効	南唐李景置。	南唐	南唐	南唐李景置。	南唐	南唐	南唐	南唐
吳越	吳越	與  越	南唐留從効	南唐留從効	南唐	南唐	南唐	南唐	南唐	南唐	南唐	南唐
吳越	吳越	吳越	南唐留從効	南唐留從効	南唐	南唐	南唐	南唐	南唐	南唐	南唐	南唐

峽	歸	荆]	秀	陸	婺	衢	處	明	台	温	湖	蘇
蜀	置	南平荆南。		吳越	吳越	奥越	吳越	吳越	吳越	吳越	吳越	吳越
南平	南平	南平		吳越	吳越	吳越	吳越			吳越	吳越	吳越
南平	南平	南平	吳越元瓘置。	奥越			吳越	吳越	奥越	吳越靜海。	吳越	吳越
南平	南平	南平	吳越	吳越	吳越	吳越	奥越	吳越	吳越	吳越	吳越	吳越
南平	南平	南平	吳越	奥越	奥越	奥越	吳越	奥越	吳越	吳越	吳越宣德。	吳越

	i .		1	1	1	1			T			
普	閬	果	遂	梓	劍	嘉	眉	綿	圖	彭	漢	益
蜀	蜀	蜀	蜀武信。	蜀劍南東川。	蜀	蜀		蜀	蜀	蜀	蜀	蜀  成都。
有後蜀	有保等。	有後蜀	有後蜀	有後蜀	有後蜀	有後蜀	有後蜀	有後蜀	有後蜀	有後蜀	有後蜀	有後蜀
蜀	後蜀蜀	蜀	蜀	置	蜀	蜀	蜀	蜀	蜀	蜀	圖	蜀
蜀	蜀	蜀	蜀	置	蜀	蜀		蜀	蜀	蜀	蜀	蜀
蜀	蜀	蜀	置	蜀	蜀	蜀	蜀	蜀		蜀		蜀
			The state of the s					A second				Control of the Contro

七二九

施	黔	龍	文	茂	維	雅	黎	邛	簡	榮	資	陵
蜀	蜀武泰。	圗	蜀	蜀	蜀	圖亦平。	蜀	蜀		蜀		蜀
有	有	有	有	有	有	有	有	有	有	有	有	有
後蜀	後蜀	後蜀	後蜀	後蜀	後蜀	後蜀	後蜀	後蜀	後蜀	後蜀	後蜀	後蜀
蜀	蜀	蜀	蜀	圗	蜀	蜀	蜀	蜀	蜀	蜀	蜀	圖
蜀	蜀	蜀	蜀	蜀	蜀	蜀	蜀	蜀	蜀	蜀	蜀	蜀
蜀	蜀	蜀	蜀	蜀	岡	蜀	蜀	蜀	蜀	蜀	蜀	圖

巴	昌	合	瀘	渝	涪	通	開	利	興	萬	忠	變
								The state of the s				
蜀	蜀	蜀	蜀	蜀	蜀	蜀	蜀	蜀昭武。	蜀	蜀	蜀	蜀鎭江。
有	有	有	有	有	有	有	有	有	有	有	有	有
後蜀	後蜀	後蜀	後蜀	後蜀								
蜀	蜀	蜀	蜀	蜀	岡	蜀	蜀	蜀	蜀	蜀	蜀	蜀
蜀	蜀	置	蜀	蜀	蜀	蜀	蜀	蜀	蜀	蜀	蜀	蜀
蜀	蜀	蜀	蜀	蜀	蜀	蜀	蜀	岡	蜀	蜀	蜀	蜀

道	岳	朗	澧	衡	潭	洋	梁	戎	渠	壁	集	蓬
煙	楚	楚	楚	楚	楚武安。	蜀武定。	蜀山南西道。	蜀	蜀	蜀	蜀	蜀
楚	楚	楚武平	楚	楚	楚	有	有	有	有	有	有	有
		平(公)。				後蜀	後蜀	後蜀	後蜀	後蜀	後蜀	後蜀
楚	楚	楚	楚	楚	楚	蜀	蜀	蜀	圗	蜀	蜀	蜀
  楚	楚	楚	楚	楚	楚	蜀	蜀	蜀	蜀	蜀	蜀	蜀
周行逢	周行逢	周行逢	周行逢	周行逢	周行逢	蜀	蜀	蜀	蜀	蜀	蜀	蜀

India:	l toes	1-Jorg	100	1,,		<b></b>	ļ, <b></b> .	l	1	1.	1.	
蒙	梧	賀	桂	宜	旧四	連	郴	融	辰	全	召  3	永
楚	楚	楚	楚靜江	楚	楚	楚	楚	楚	楚		楚	楚
楚		<b>楚</b>	  楚	  楚	  楚	楚		<b> </b> 楚	楚		  楚	一一一
楚	楚	楚	楚	楚	  楚	楚	楚	<b>楚</b>	楚	楚馬希範置。	楚	楚
南漢	南漢	南漢	南  漢	南漢	南漢	南漢	南漢		  楚 	楚	   楚	
南漢	南漢	南漢	南漢	南漢	南漢	南漢	南漢		周行逢	周行逢	周行逢	周行逢

高	新	春	恩	掛	康	端	邕	容	象	柳	富	嚴
南漢	南漢建武・	南漢寧遠。	   楚	  楚	楚							
南漢	南漢	南漢	南漢	南漢		南漢	南漢	南漢	<b>楚</b>	<b>一</b>   楚	楚	楚
南漢		楚	   楚	楚	<b> 楚</b>							
南漢	南漢	南漢	南漢	南漢	南漢							
南漢	南  漢	南  漢	南漢	南漢	南							

惠	海	濱	横	廣	欽	廉	自	藤	韶	化全	雷	竇
南漢	南漢	南漢	南漢	南漢清海。	南漢	南漢	南漢	南漢	南漢	南漢	南	南  漢
南漢	南漢	南漢	南漢	南漢	南  漢	南  漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢	南漢
南漢	南漢	南漢	南  漢	南漢	南漢	南  漢	南漢	南漢	南漢	南漢	南漢	南漢
南漢	南漢	南漢		南漢	南  漢	南漢	南漢	南	南漢	南漢	南  漢	南  漢

辨	澗	勤	潘	羅	萬安	僧	崖	瓊	雄	英	鬱林
南漢	南漢	南漢	南漢	南漢	南漢	南漢	南漢	南漢			南漢
南漢	南漢	南漢	南漢	南漢	南漢	南漢	南漢		南漢劉獎置。	南漢劉獎置。	南  漢
南漢	南漢	南漢	南漢	南漢	南  漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢

汴州,唐故曰宣武軍。 梁以汴州爲開封府,建爲東都。 後唐滅梁, 復爲宣武軍。

福三年昇爲東京。漢、周因之。

洛陽,梁、唐、晉、漢、周常以爲都。 唐故爲東都。 梁爲西都。 後唐爲洛京。 晉爲西京,

漢、周因之。

雍州,唐故上都,昭宗遷洛,廢爲佑國軍。 梁初改京兆府日大安,佑國軍日永平。 唐滅

梁,復爲西京。 晉廢爲晉昌軍。 漢改日永興,周因之。

曹州,故屬宣武軍節度。 晉開運二年置威信軍。 漢初,軍廢。周廣順一 一年復置彰信軍

,故屬宣武軍節度。 梁初徙置宣武軍。 唐滅梁,改曰歸德。

陳州 ,故屬忠武軍節度。 晉開運二年置鎮安軍。漢初,軍廢。 周廣順二年復之。

許州 ,唐故曰忠武。 梁改日匡國。 唐滅梁,復日忠武。

滑州 唐故曰義成。 以避梁王父諱改曰宣義。 唐滅梁,復其故。

,唐故曰山南東道。 唐、 梁之際改日忠義軍。 後以延州爲忠義,襄州復日山南東

道。

鄧州 、梁置宣威軍。 ,故屬山南東道節度。 唐改曰安遠,晉罷,漢復曰安遠,周又罷。 梁破趙匡凝,分鄧州置宣化軍。 唐改曰威勝。周改曰武勝。

、故屬 護國軍節度。 梁開平四年置定昌軍,貞明三年改日建寧。

金州 放屬 山 南東道節度。 唐末置戏昭軍,已而廢之,遂入于蜀。 至晉高祖時,又置懷 唐改日 1建雄

德軍 尋罷。

陝州 唐故日保義,梁改曰鎮國,後唐復日保義。

唐故 鎮 國, |梁 、改日 感化 後唐 復 日 鎮 國

唐故 百日 匡 國, 梁 、改日 1忠武 後唐 復 三國

降梁 耀州 梁改耀州 本華原 八爲崇州 縣,唐末屬李茂貞 義 勝 建爲 耀州 置義勝軍。 改日 順義 梁末帝時, 茂貞養子温韜以州

日静勝。 後唐復爲耀州

延州 故屬保大軍節度。 梁置忠義軍,唐改日 [彰武。

魏州 唐故 日大名府,置天雄軍,五代皆因之。 後唐建鄴都,晉、漢因之,至周罷。

|府, 後唐日 |興唐。晉曰 [廣晉,漢、周復曰大名。

澶州 故屬天雄軍節度。 晉天福九年置鎮寧軍。

相州,故屬天雄軍節度。 梁末帝分置昭德軍,而天雄軍亂 ,遂人亍晉。 莊宗滅梁,復屬

天雄 晉高祖置彰德軍

那州 故屬昭義軍節度。 昭義所統澤、潞、邢、洺、磁五州。 唐末孟方立爲昭義軍節度

軍。 使,徙其軍額于邢州 梁、晉之爭,或人于梁,或人于晉。 ,而澤、潞二州入于晉。 梁以邢、洺、 方立但有邢、洛 磁三州爲保義軍。 磁三州 莊宗滅梁, 故當唐末有 改日安 兩阳

國。

鎮州, 故曰成德軍。 梁初以成音犯廟諱、 改日武順。 唐復曰成德,晉又改曰順德,漢復

日成德。

應州 放屬大同軍節度。 唐明宗即位,以其應州人也,乃置彰國

新州,唐同光元年置威塞軍。

所州,晉置永安軍,漢罷之,周復。

并州,後唐建北都,其軍仍日河東。

潞州 唐故曰昭義。 梁末帝時屬梁,改日匡義,歲餘,唐滅梁,改日安義。 晉復日昭義

廬州,周世宗克淮南,置保信軍。

壽州 ,唐故日忠正,南唐改日清淮。 周世宗平淮南,復日忠正。

威, 杭州日鎮海,越州日鎮東,江陵府日 五代之際,外屬之州,湯州曰淮南,宣州曰寧國,鄂州曰武昌, | 荆南、益州、梓州日劍南東、西川 洪州曰鎮南, ,遂州日武信,興元 福州

F

'n

考第三

府 武,廣州日清海,皆唐故號,更五代無所易,而今因之者也。其餘僭僞改置之名,不可悉考, 日 「山南西道,洋州日武定,黔州日黔南,潭州日武安,桂州日静江,容州日寧遠,邕州日建

而不足道,其因著于今者,略注于譜。

濟州,周廣順二年置,割鄆州之鉅野、鄆城,兗州之任城,單州之金鄉爲屬縣而治鉅野。

單州,唐末以宋州之碭山,梁太祖鄉里也,爲置輝州,已而徙治單父。 後唐滅梁,

州爲單州。其屬縣置徙,傳記不同,今領單父、碭山、成武、魚臺四縣。

耀州,李茂貞置,治華原縣。梁初改曰崇州,唐同光元年復爲耀州

,漢乾祐元年九月置,割河中之聞喜、安邑、解縣爲屬而治解。

威州 , 晉天福四年置, 割靈州之方渠, 寧州之木波、馬嶺三鎮爲屬而治方渠(八)。 周廣

順二年改曰環州,顯德四年廢爲通遠軍〇。

①五代置軍六,皆寄治於縣,隸於州,故不別出。 監者,物務之名兩,故不載於地理。 皇朝軍監始自置屬縣,與州府並

列矣

乾州,李茂貞置,治奉天縣(九)。

磁州、梁改曰惠州、唐復曰磁州。

景州,唐故治弓高。 周顯德三年廢爲定遠軍,割其屬安陵縣屬德州, 廢弓高縣人東光

縣,爲定遠軍治所。

濱 周顯德三年置, 以其濱海爲名。 初,五代之際,置推鹽務於海傍,後爲膽國軍 周

因置州,割棣州之渤海、蒲臺爲屬縣而治渤海。

雄州 周顯德六年克瓦橋關置,治歸義,割易州之容城爲屬,尋廢。

周顯德六年克益津關置,治永淸,割莫州之文安,瀛州之大城爲屬

通州 本海陵之東境,南唐置靜海制置院,周世宗克淮南,升爲靜海軍,後置通州, 分其

地置靜海、海門二縣爲屬而治靜海。

筠州 南唐李景置,割洪州之高安、上高 、萬載、淸江四縣爲屬而治高安。

南唐李景置,割建州之延平、劍浦、富沙三縣爲屬而治延平。

馬希範置,以潭州之湘川縣爲淸湘縣,又割灌陽縣爲屬而治淸湘。

吳越王錢元瓘置,割杭州之嘉興縣爲屬而治之。

楚王

雄州,南漢劉襲割韶州之保昌置,治保昌。

英州,南漢劉龑割廣州之湞陽置,治湞陽。

曹州 之考城 開 彭 府故統 更日 [戴邑, 六縣。 許州之扶溝、陽陵, 梁開 平元年,割滑州之酸棗、 陳州之太康隸焉。 長垣,鄭州之中牟、陽武,宋州之襄邑 唐分酸棗、中牟、襄邑、隱陵

職方考第三

新 Ŧī 代 史 卷 大 +

太康 五 一縣還其故,晉升汴州爲東京,復割五縣隸焉。

雍 丘 , 晉改曰紀, 漢復其故。

長垣 一,唐改日匡城。

故屬滑州,晉割隸衛州

葉、裏城,故屬許州,唐割隸汝州

楚丘,故屬單州, 梁割隸宋州

密州廖西、故日 「輔唐、梁改日安丘 ,唐復其故,晉改日廖西

渭南,故屬京兆,周改隸華州

同官,故屬京兆府,梁割隸同州, 唐割隸 耀州

美原,故屬 同州,李茂貞置鼎州而治之。 梁改爲裕州 ,屬順義軍節度。 後不見其廢時,

唐 同光三年,割隸耀州

平凉,故屬 涇州 唐末渭州陷吐蕃, 權於平凉置渭州而縣廢。 後唐淸泰 三年, 以故 平

涼之安國、 耀武 兩鎭置 下 涼 縣,屬涇州

臨涇, 故屬 涇州 唐末原州陷吐蕃, 權於臨涇置原州而涇州兼治其民。 後唐清泰三年

割 意隸原州

鄜州咸寧,周廢。

稷山,故屬河中,唐割隸絳州。

慈州作城、呂香,周廢。

滄州 大名府大名,故曰貴鄉。 長蘆 乾符, 周廢入清池; 後唐改日 無棣, 1廣晉 周置保順軍 「漢改日大名。

安陵,故屬景州,周割隸德州。

澶州頓丘, 晉置德淸軍。

博州

武水,

周廢

及入聊城。

博野,故屬深州,周割隸定州。

武康,故屬湖州,梁割隸杭州。

蘇州吳江,梁開平三年,錢鏐置。福州閩淸,梁乾化元年,王審知於梅溪場置。

明州望海,梁開平三年,錢鏐置。

處州長松,故日松陽,梁改日長松。

潭州龍喜,漢乾祐三年,馬希範置。

轍

方

考

绑

=

七四四

1,故屬 揚州。 南唐以 大長 以為軍, 六合爲雄州 周復故。

漢陽,故屬鄂州,周置漢陽軍。

沙川,故屬沔州,周割隸安州。

襄州樂鄉,周廢入宜城。

鄧州臨湍, 漢改曰臨瀨; 菊潭、向城, 周廢。

復州竟陵,晉改日景陵。

監利,故屬復州,梁割隸江陵。

唐州慈丘,周廢。

商州乾元,漢改曰乾祐,割隸京兆。

洛南,故屬華州,周割隸商州。

隨州 唐城, 梁改日漢東, 後唐復舊, 晉又改漢東,漢復舊。

雄勝軍,本鳳州固鎭,周置軍。

秦州天水、隴城、唐末廢、後唐復置。

成州 栗亭,後唐置。

職方之考。其餘嘗置而復廢,嘗改割而復舊者,皆不足書。 世因習,以軍目地,而沒其州名♡。又今置軍者,徒以虛名升建爲州府之重,此不可以不書 也。州、縣,凡唐故而廢於五代,若五代所置而見於今者,及縣之割隸今因之者,皆宜列以備 自唐有方鎮,而史官不錄於地理之書,以謂方鎭兵戎之事,非職方所掌故也。 山川物俗,職方之掌也,五代短 然而後

○ 若今永興,本節度軍名,而今命守臣遂曰知永興軍府事,而不言雍州京兆,是也。

世,無所遷變,故亦不復錄,而錄其方鎭軍名,以與前史互見之云。

#### 校勘記

- [一] 岐忠義有 下文云「梁置忠義軍」,則「忠義」二字應繫在「有」下。
- (三)順德 「鎭州,天福七年正月改爲順國軍節度。」此稱「順德」疑誤。 通鑑卷二八三載"天福七年正月改鎭州爲恆州,成德軍爲順國軍。五代會要卷二四亦云"
- 有安義昭義 按下文叙潞州沿革云:「唐滅梁,改曰安義。晉復曰昭義。」則「昭義」二字應下移

格。

(国) 筠 1 方 本史卷六二兩唐世家載保大十年置筠州。按保大十年,乃周廣順二年,則非始於晉。 垮 第三 校 肋 83

- 至 威武 卷八九地理志及金石萃編卷一一八唐天祐三年王審知德政碑(在福州),皆稱「威武軍」。 九 載 |唐 各本原作「武威」。 威武 軍 節度, 周改彰武軍, 按通鑑卷二六〇載:唐乾寧三年,「升福建爲威武軍」。 皇朝太平興國二年復舊。」又考太平寰宇記卷一〇〇、宋史 元豐九城志卷 明「武
- C 건 武平 順 殷 清請 一,「武平」當 升 南昌、鄂本同、貴池、汲、殿、蜀、劉校本列第一格。 朗 州 爲 移 永 第 順 五. 軍, 格 表 張信節度使」。 又周廣順三年,「升朗州爲武平軍」。 按本史卷六六楚世家載:梁太祖時 是第 格應書「永 馬

威」爲

倒文,今改

- (七) 化 治石 1龍縣 按太平寰宇記卷一六七及元豐九城志卷九俱云: 是南漢時未有 化州。 本卷辯、化並列,疑誤 化州, 唐辯州, 宋太平興國五 年改化州
- (元) 3 馬嶺 治奉天縣 鎖。 又舊唐書卷三八及新唐書卷三七地理志,慶州領有馬嶺縣。 各本原作「鳥嶺」。 「天」,各本原作「先」。太平寰宇記卷三一載:「乾州,本京兆奉天縣,唐末李茂貞建 按太平寰宇記卷三七、元豐九城志卷三及文獻通考卷三二二均作「馬 明「鳥」爲「馬」之形誤,今改。
- 里梁山。 置。 。一是州以乾陵得名,而乾陵在奉天,則此應爲奉天,非同州之奉先。今改。 乾寧二年以縣置乾州。 舊唐書卷三八地理志亦云:「奉天, 文明元年以管乾陵分體泉

爲乾州。」考新唐書卷三七地理志云:京兆奉天縣,文明元年析醴泉等縣置以奉乾陵,

陵在

北

五

# 新五代史卷六十一

爝火息。故眞人作而天下同。作十國世家。 嶺蜑遭劉。 漢險而貧,貧能自疆,富者先亡。閩陋荆蹙,楚開蠻服。 嗚呼!自唐失其政,天下乘時,黥髠盜販,衮冕峨巍。吳暨南唐,姦豪竊攘。 百年之間,並起爭雄,山川亦絕,風氣不通。 剝剽弗堪, 吳越其尤。 語曰:清風興,羣陰伏;日月出 牢牲視人, 蜀險而富

#### 吳世家第一

## 楊行密子渥 隆演 溥

滿戍還,而軍吏惡之,復使出戍。 起, |行密奮然日:「惟少公頭爾!」即斬其首,攜之而出,因起兵爲亂,自號八營都知兵馬使。 行密以爲盜見獲,刺史鄭棨奇其狀貌,釋縛縱之。 楊行密字化源,廬州合淝人也。 行密將行,過軍吏舍,軍吏陽爲好言,問行密行何所欲。 爲人長大有力, 能手舉百斤。 後應募爲州兵,戍朔方,遷隊長。 唐乾符中, 江、 准零盗 歲 刺

吳世

家

Ŋ

楊行

密

史郎幼復棄城走,行密遂據廬州。

之,師鐸大敗,單騎走入城,遂殺高駢。 岡 乔于東塘, 行密遂入揚州 馬 行密率兵數千赴之,行至天長, 師鐸兵衆數萬擊行密,行密陽敗,棄營走,師鐸 唐 卽拜行密廬州 刺 師鐸 史。 行密聞財死, 已囚 淮南節度使高駢爲畢師鐸所攻, 財, 召宣州秦彦入楊州 兵飢, 編軍 -向城哭三日,攻其西門,彥及師鐸 乘勝爭入營收軍實, , 行密 脚 不得入, 表行密行 行密 屯于蜀 反 兵撃 軍 司

用乎? 日:「海陵難守,而廬州吾舊治也,城廩完實, 軍 行密乃以軍令召霸,霸率其兵入廣陵,行密欲使霸守天長,襲曰:「吾以疑霸而召之,其可復 攻必克,此諸將持兩端 合,行密閉 「吾以新集之衆守空城,而諸將多駢舊人,非有厚恩素信力制而心服之也。 擒 霸 是時,城中倉廩空虛 族之,得其兵數千。 且吾能勝儒,無所用霸,不幸不勝,天長豈吾有哉 不能守,欲走。 城不敢 出。 已而宗衡 因強弱、擇嚮背之時也。 , 而蔡州秦宗權遣其弟宗衡掠地淮南, 飢民相殺而食,其夫婦、父子自相牽, 已而孫儒殺秦彦、畢師鐸,幷其兵以攻行密,行密欲 爲偏將孫儒 可爲後圖。」行密乃走廬州。 所殺,儒攻高郵破之,行密 海陵鎮使 一不如殺之,以丼其衆。」行密因犒 高霸,駢之舊將,必不爲吾用。」 彦及師鐸還自 就屠賣之, 益 懼。 久之, 未知所嚮, 屠者 今儒兵方盛,所 東塘,與宗 其客袁襲日: 走海陵。 刲 剔 如 衡

敵,此可取也。」行密乃引兵攻蝗,戰于曷山,大敗之。 進圍宣州,蝗棄城走,追及殺之,行密 陵 問襲日:「吾欲卷甲倍道,西取洪州可乎?」襲日:「鍾傳新得江西,勢未可圖,而秦彥之入廣 也, 召池州刺史趙鍠委以宣州。今彦且死,鍠失所恃,而守宣州非其本志,且其爲人非公

**遂**入宣州

以敗我,使我有將如公者,其可敗邪?」行密收儒餘兵數千,以皂衣蒙甲,號「黑雲都」,常以 潤州。 爲親軍。 爲然。久之,儒兵飢,又大疫,行密悉兵擊之,儒敗,被擒,將死, 敵而可久以敏之。若避而走,是就擒也。」劉威亦曰:「背城堅棚,可以不戰疲之。」 行密以 敗,行密欲走銅官。 乃焚其城。殺民老疾以餉軍,驅其衆渡江,號五十萬,以攻行密。 龍紀元年,唐拜行密宣州觀察使。 二年(二)、取滁、和州。 其客戴友規曰:「儒來氣銳而兵多,蓋其鋒不可當而可以挫, 其衆不可 景福元年, 取楚州。 行密遣田碩、安仁義、李神福等攻浙西, 孫儒自逐行密,入廣陵,久之,亦不能守, 仰顧見威曰:「聞公爲此策 諸將田頵、劉威等遇之輒 取蘇、

以東諸州皆下之。 行密以田頵守宣州,安仁義守澗州。 是歲, 復入揚州, 進攻蘇州、擒其刺史成及。四年,兗州朱瑾奔于行密。初,瑾爲梁所攻, 唐拜行密淮南節度使。乾寧二年,加檢校太傅、同中書門下平章事。 昇州刺史馮弘鐸來附。分遣顧等攻掠,自淮以南、江

吳

世

殺 弱 求 師古 救 得 琪 |晉 勁 而 從周 | | | | | | | 脇 而兵益 李承 收兵走,追 嗣 振。 將勁騎數千助瑾, 至渒河, 是歲,梁太祖遣葛從周、龐 又大敗之。 選敗, 五 因 年, [與俱奔行密。 師古攻行密壽州 錢鏐 攻蘇 州 行密兵皆江 及周本戦 行 密 擊敗梁兵清 准 于白方湖 准 本

馮 敗 答,蘇州 弘 勝 鐸 敗, 叛 復 ,用兵常 襲宣州 入于 越。 事 及田 也 天復元年, 遺李神福攻越, 頵 戰之 戰于曷山 **迎**, 何苦自棄于 , 弘鐸敗, 將入于海, 戰臨安,大敗之,擒其將顧全武 海 島? 吾府雖 行密 小, 自至 東塘邀之, 弘鐸 以歸。 使人謂 感泣 弘鐸

密

從

餘騎

馳

入

其軍

以弘

海為節

度副

使,

以李

神福

代

弘

鐸

爲

昇州

刺

史。

٠,

至 州 大 攻 卦 一吉陽 (怒, 自 清州 吳王 卒從吳王 行密召 是歲 王師範 將以擊 唐昭宗 起事 神福 執神福子承鼎以招之,神福叱左右射之,遂敗壇兵于吉陽。 一,以李慧 茂章、兵號二十 來 以討 今爲大 求救,遣王茂章救之, 在 神福 頏 ,預遣其將王壇逆之, 為鄂岳 、將、忍背德 遣江淮宣諭 ·萬,復爲 招討 而顧妻子 使 使 李嚴 茂章所 大敗梁兵, 以 攻 子? 杜 拜 又遺 洪 行密 敗。 文 殺朱友寧。 神福 荆南 東 田 「斬其使以自絕, 頵 面 書, 成汭 一諸道 以其妻子 襲昇州 救洪, 行營都: 友寧, 神福 統 梁太祖子也公司, 招之。 執李神 軍 敗之于 檢 聞 行密別遣臺蒙 校 之皆 神福 福 太 妻子歸 君 師、 感 Ш 中 :「吾以 書令,

題敗死

州 難制,頗欲除之,未有以發。 天復二年,錢鏐爲其將許再思等叛而圍之,再思召頵攻鏐杭 垂克,而行密納鏐賂,命頵解兵,頵恨之。.頵嘗計事廣陵,行密諸將多就頵求賂,而獄吏 初,頗及安仁義、朱延壽等皆從行密起微賤,及江、淮甫定,思漸休息,而三人者皆猛悍

亦有所求。

題怒曰:「吏欲我下獄也!」歸而遂謀反。

降之,仁義猶豫未決。茂章乘其怠,穴地道而入,執仁義,斬于廣陵。 十,不當仁義弓之一。」每與茂章等戰,必命中而後發,以此吳軍畏之,不敢近。行密亦欲招 食,遇兵不敢追,仁義復入潤州。行密遣王茂章、李德誠、米志誠等圍之。吳之軍中推朱瑾 曰:「李遇乃敢辱我如此,其必有伏兵。」遂引軍却,而伏兵果發,追至夾岡,仁義植幟解甲而 仁義聞之亦反,焚東塘以襲常州。 常州刺史李遇出戰,望見仁義大駡之。仁義止其軍

延壽至,行密迎之寢門,刺殺之,出朱夫人以嫁之。 喪其目,是天廢我也!吾兒子皆不足以任事,得延壽付之,吾無恨矣。」夫人喜,急召延壽, 使者,必錯亂其所見以示之。 嘗行,故觸柱而仆,朱夫人扶之,良久乃蘇。 泣曰:「吾業成而 延壽者,行密夫人朱氏之弟也。題及仁義之將叛也,行密疑之,乃陽爲目疾,每接延壽

天祐二年, 遺劉存攻鄂州, 焚其城, 城中兵突圍而出, 諸將請急擊之, 存曰:「擊之復入,

世

郭

楊行

奔于行密。 則! ,陵日興陵。 城 愈固 聽其去,城可取也。」是日城破,執杜洪,斬于廣陵。 十一月,行密卒,年五十四,諡曰武忠。 子渥立。 溥僭號,追尊行密爲太祖 九月,梁兵攻破襄州, 趙匡 武 凝

|際: 曰:「汝,欲賣吾國者,復何面目見楊氏乎?」遂殺之。 薦 密 詞病甚, 未出,而温 大將劉威,行密未許。 一有疾而出嫡嗣, 渥字承天, 行密長子也。 命判官周隱作符召渥, 見隱作召符猶在案上,急取遣之。渥見温使,乃行。行密卒,渥嗣立, 必有姦臣之謀, 若它日召子, 温與嚴可求入問疾,行密以隱議告之,温等大驚, 行密病,出渥爲宣州觀察使。 隱慮渥幼弱不任事, 非温使者慎無應命。」渥涕泣謝温 以王茂章爲宣州觀察使。 勸行密用舊將有威望者代主 右衙指揮使徐温私謂屋曰:「今 **遽詣隱所計** 召周隱駡 丽 軍政,乃

渥之入也,多輦宣州庫物以歸廣陵,茂章惜而不與,渥怒,命李簡以兵五千圍之,

奔于錢塘。

赦匡時。

以秦裝爲江西制置使。

立,以兵攻匡時。 天祐三年二月,劉存取岳州。 渥遣秦裴率兵攻之。 四月, 九月,克洪州,執国時及司馬陳象以歸,斬象於市 江西鍾傳卒,其子匡時代立,傳養子延規怨不得 吳世家第一 楊行密

太祖代唐,改元開平, 渥仍稱天祐。 鄂州劉存、岳州陳知新以舟師伐楚,敗于瀏陽

下,今日之敗, 人執存及知新 乃天亡我, 以歸。 楚王 我肯事汝以求活耶?我豈負楊氏者。」殷知不可屈,乃殺之, 馬殷素聞其名, 皆欲活之, 存等大罵殷曰:「昔歲宣城脫吾刃

復入于楚。

能 功, 典牙兵,召燔等為東院馬軍以自衞。 止,由是 共惡 初,渥之入廣陵也,留帳下兵三千於宣州, **潘等**侵 (失政,而心憤未能發,温等益不自安。 以其權。 兀 年正 百,渥 視事,璠等侍側,温、顥擁牙兵入,拽蹯等下,斬之,渥不 而温 興左 一衙都指揮 以其腹心陳璠、范遇將之。 使張顥皆行密時舊將,又有立 旣入立, 惡徐温 渥之

惟 紀 祥不從, 五. 年五 月, 執渥縊殺之, 時年二十三, 諡曰景。 温、顥共遣盜 二入寢中 殺渥, 渥 說羣盜能 弟隆演立。 反殺温等者皆爲刺史。 溥僭號, 追 尊渥爲烈宗景皇 羣盜皆諾,

帝

", 陵 曰

一紹陵。

也。 及 渥 」明日 死 隆演字鴻源,行密第 願欲 灝 列劍戟 背約 自立。 府中, 温 召諸將議事,自大將朱瑾而下, 一子也。 思之, 問其客嚴可求,可求 初名臟,又名涓。初,温、願之弒 曰:「顯雖 皆去衛從然後入。 一剛愎, 渥也, 而 約分其地以 開 於 成事 顧問諸將, 臣於梁, 此 易為

無能爲,隆演乃得立。 袖 不幸,隆演以次當立,告諸將以無負楊氏而善事之。辭旨激切,聞者感動。 立者? 中,率諸將入賀,諸將莫知所爲。 不若輔立幼主 且今外有劉威、陶雅、李簡、李遇皆先王一等人也, 諸將 莫 敢 劉。 一,漸以歲時,待其歸心,然後可也。」 顯不能對。 顯三問,可求前密啓曰:「方今四境多虞,非公主之不 及出教宣之,乃渥母史氏教, 公雖自立, 言楊氏創業艱難 可求因趨出,書一教內 未知 此輩能 願氣色皆沮,卒 · 可, 降心 然恐爲之 丽 以 嗣

意 亦陽謝曰:「公等見留,不願去也。」由是不行。行軍副使李承嗣與張顥善,覺可求有附温 願曰:「事已行矣,安可止乎?」可求曰:「甚易也。」明日,從願與諸將造温,可求陽責温曰: 温患之,可求因說顯曰:「公與徐温同受顧託,議者謂公奪其衙兵,是將殺之於外,信乎? 十人,就衙堂斬願,因以弒渥之罪歸之。温由是專政,隆演備位而已。 「古人不忘一飯之恩,況公楊氏三世之將,今幼嗣新立,多事之時,乃求居外以苟安乎?」温 ,諷願使客夜刺殺之,客刺可求不能中。 願由此與温有隙,諷隆演出温潤州。 可求謂温曰:「今捨衙兵而出 明日,可求詣温, 謀先殺顯, 陰遣鍾章選壯士三 外郡, 禍 行至矣。」

嚴 可求問誰可用者。 六月,撫州危至諷叛,攻洪州,袁州彭彦章、吉州彭玕、信州危仔倡皆起兵叛。 可求薦周本,時本方攻蘇州敗歸,慚不肯出,可求疆起之。本曰:「蘇

吳,吳兵三等,如公此衆,可當其下將爾,非得益兵十萬不可。」而全諷卒以此敗。 謂曰:「聞公欲大舉,願見公兵,以知濟否。」全諷陣兵,與茂章登城望之,茂章曰:「我素事 王攻趙鍠,至諷屢饟給吳軍。」乃釋不殺。初,至諷欲舉兵也,錢鏐送王茂章于梁,道過至諷 于象牙潭,敗之,執全諷、彥章,而环奔于楚,仔倡奔于錢塘。 州之敗,非怯也,乃上將權輕,而下多專命爾。 若必見任,願無用偏、裨。」乃請兵七千。 全諷至廣陵,諸將議曰:「昔先

薨以示衆,若本無心,何不隨薨以出。」遇自以無反心,乃隨薨出,温諷再用伺其出,殺之, 用事,嘗曰:「徐温何人?吾猶未識,而驟至於此。」温聞之,怒,遣柴再用以兵送王壇代遇, 井族其家。 且召之。遇疑不受命,再用圍之,隆演使客將何薨諭遇使自歸。薨因說曰:「公若欲反,可殺 八年,徐温領昇州刺史,治舟師於金陵。宣州李遇自行密時爲大將,勳位已高,憤温

遣王茂章攻壽春,温敗之霍丘。十二年封徐温齊國公、兩浙都招討使,始鎭潤州。 知訓 爲行 九 軍 温率將吏進隆演位太師、中書令、吳王。温爲行軍司馬、鎭海軍節度使、同中書 ·副使,秉政,而大事温遙決之。多,濬楊林江,水中出火,可以燃。 陳章攻楚取岳州,執其刺史苑政。十年,越人攻常州,徐温敗之于無錫。梁

十三年,宿衞 將李球、馬謙挾隆演登樓,取庫兵以誅知訓,陣于門橋。 知訓 與戰,頻却,

世

家第

楊行始

宣 祺 亂兵 瑾 | 諭使李儼以止亂,遂秉 病 皆 適自 ,以劉信代之。 外 來 十四年 以一 , 騎前 四月,副 徐温徙治金陵。 政。 視 其陣,日:「此 都統朱瑾殺徐知訓 十 五年,遣王祺 不 足爲 也。」 強自殺。 會洪 因反顧一麼, 、、、、信三州兵攻虔、韶 潤州徐知誥聞亂, 外兵 争進 遂斬球、謙 率兵入,殺唐 ,久之不 而

以 訓 侍 爠 璍 知 事不 內。 已殺 訓 酒 被 愈辱之。 徐 甲率 知訓爲參軍, | 蓮念 克, 氏之專政也, 知 訓 其家兵 使 然,以首 人偽從湖南境 攜 左右扶隆演起去, 其首 至天 隆演鶉衣髽髻爲蒼鶻。 擊柱,提劍 1馳府 隆演幼儒 興 門 中示隆演日:「今日爲吳除患矣。」隆演日:「 E 問 來告軍捷,召諸 遊 丽 所 不能自持, 知訓殺吏一人,乃止。 出,府門已闔,踰垣 在,開強 知訓 死,乃還。 而 將入賀, 知 嘗使酒駡坐,語侵隆演 訓尤凌侮之。 一,折其足,遂自刎死。 徐温 擒 志誠斬之。 吳人皆仄目。 疑志誠助 嘗飲酒樓上,命優人高貴 連 劉 此事 信克虔州 一,遣 知訓 隆演 非語 使殺之。 米志誠聞 又 愧 與朱瑾有隙 政知。」 **恥涕泣** 執 嚴 瑾 全播 殺 遽 可求 iiii

孝武 吳王 位。建宗 ·六年, 廟號 太祖 、廟、社 春 二月 渥景王 稷 少,設 温率將 百官 廟 吏請隆演 號 如天子之制, 烈祖 的天子 拜温 改 人丞 天祐 位, 相、称督 不許。 + 六 、年爲武 夏 中外諸 [四月, 義 軍 元 温 年, 事 奉玉 大赦 封 東 册、寶綬 海 境 郡王 內, 尊 追 以 隆演 奪 徐 知 卽

梷 世 家 绑 楊 ίï 密

內樞 盧擇 爲 為 密使,江西 左僕射、參知政事,嚴可求爲門下侍郎, 《吏部尙書,|李宗、陳章爲左、右雄武統軍 劉信 征南大將軍,鄂州李簡鎭西大將軍,撫州 ,駱知祥爲中書侍郎,殷文圭、沈顏 柴再用、錢鏢爲左、右龍武統 李德誠 平南大將軍 軍, 爲翰林學士, 干,廬州 王令謀爲 張

安西大將

軍

海州王綰鎭

東

大將軍

了,文武以次進位。

封宗室皆郡公。

於楚州 其能 然吳所以征 1 屈節乎? 温之徙鎮金陵也,以其養子知誥守潤州。嚴可求嘗謂温曰:「二郎君非徐氏子,而推 ,人望頗歸,若不去之,恐爲後患。」温不能用其言。 可求懼, 伐四方,而建基業者,常以興復爲辭。 宜於此時先建國以自立。」温深然之,因留可求不造,方謀迫隆演僭號 **詣金陵見温謀日:「唐亡於今十二年,而吳猶不敢改** 今聞河上之戰,梁兵屢絀,若李氏復興, 及知誥秉政, 天祐 其語泄, 可謂 知誥出可求 不負唐矣。

復進食,遂至疾卒,年二十四,諡曰宣。 二年五月,隆演卒。 隆演 少年嗣位,權在徐氏,及建國 弟溥立,僭號,追尊爲高祖宣皇帝,陵日 稱制,非其意 ,常怏怏, 酣飲, 稀 「肅陵。

義 ·欲長 赦境內。 溥 君 ,行密第四子也,隆演建國,封丹陽郡公。 乃立 冬十一月, 祀天於南郊。 溥。 七月, 改昇州大都督府爲金 御天興樓,大赦。 陵府, 隆演卒,弟廬江公濛 拜徐温 拜徐温太師,嚴可求右僕射。 金陵 尹 次當立,而徐 明年二月, 改元順 氏秉政

唐莊宗滅梁。 遣司農卿盧蘋使于唐,嚴可求密條數事授廣以行。 頭見洛陽,

宗問之, 蘋次第以對, 皆如所授。

四年,溥至白沙閱舟師,徐温來見,以白沙爲迎鑾鎭

較射於淮上也。」乃酌大巵,望牙旗鎞首百步,謂昭文曰:「一發而中,願以此巵爲壽,否則亦 昭文曰:「天子新有河南,未熟公名也。」信曰:「漢有韓信,吳有劉信,君還,其語亞次,當來 Ŧi. 年,唐遣諫議大夫薛昭文使福州,假道江西, 劉信出勞之,謂曰:「亞次聞有信否?」

同平章事。 六年,追爵大丞相徐温四代祖考,立廟於金陵。左僕射徐知誥爲侍中, 是歲,莊宗崩,五月丁卯,韶爲同光主輟朝七日 右僕射嚴可求

以自罰。」言訖,而箭已穿矣。

文明殿卽皇帝位,改元日乾貞,大赦境內,追尊行密武皇帝, 知誥爲太尉兼侍中, 七年,大丞相徐温率吳文、武上表勸溥卽皇帝位,溥未許而温病卒。 拜温子知詢 輔國大將軍、金陵尹,治温舊鎭。 渥景皇帝, 諸子皆封 隆演宣皇帝。 十一月庚戌, 溥御

府定江王,金山 ,獲其將吏三十四人來獻。 年正月,封東海 下水府 爲廣 鎭江 王。 (德王, 江<u>瀤</u>廣源王, 淮<u>濠</u>長源王, 馬當上水府寧江王, 采石 六月,荆南高季興來附,封季興秦王。 九月,季興敗楚師於 中水

周廷望。以徐知諤爲金陵尹。 三年十一月,金陵尹徐知詢來朝,知誥誣其有反狀,留之不遣,以爲左統軍,斬其客將 溥加尊號睿聖文明孝皇帝,大赦境内,改元大和,以徐知誥

爲中書令。

執政。 月,金陵火,罷建都,廢臨川王濛爲歷陽公,知誥遣親信王宏以兵守之。拜令謀司徒,宋 齊丘司空。 射王令謀、石僕射宋齊丘皆平章事。 二年、册其子江都王璉爲太子。 知誥召景通還金陵,爲鎭海軍節度副使,以其子景遷爲太保、平章事,與令謀等 四年, 三年,以徐知誥爲金陵尹,以其子景通爲司徒,及左僕 封知誥東海王。 五年, 建都於金陵。 六年閏正

璘奉册禪位於齊王。 建齊國,立宗廟、社稷,置左、右丞相已下,以金陵爲西都,廣陵爲東都。多十月,溥遣江夏王 師、天下兵馬大元帥,封齊王。二年,景遷病,以次子景遂爲門下侍郎、參政事。 七年九月,溥加尊號日睿聖文明光孝應天弘道廣德皇帝,大赦,改元天祚。知誥進位太 十二月,溥卒於丹陽〔言,年三十八,諡曰 睿 三年,知誥

族。 昇元六年, 周先鋒都部署劉重進得其玉硯、馬腦碗、翡翠瓶以獻,楊氏遂絕 李昪遷其子孫於海陵,號永寧宮,嚴兵守之,絕不通人。 顯德三年,世宗征淮南,下詔撫安楊氏子孫,而李景聞之,遣人盡殺其 久而男女自爲匹

吳世家

第

楊行密

徐

223

#### 七六〇

#### 徐溫

陶雅之徒,號三十六英雄, 徐温字敦美, 海州 胸山人也。 獨温未嘗有戰 少以販鹽爲盜,行密起合淝, 功。 及行密欲殺朱延壽等,温用其客嚴可求謀,教 隸帳下。行密所與起 事 劉威

探其意 明日,鍾章殺顥,温因盡殺紀祥等,歸弒渥之罪於顥, 隙,使鍾章殺之。 行密陽爲目疾,事成,以功遷右衙指揮使,始預謀議 吾兒年幼, 及行密病,平生舊將,皆以戰守在外,而温居帳下,遂預立屋之功。及弒屋,又與張顥有 ,陽謂曰:「温有老母,懼事不成,不如且止。」章曰:「言已出口,寧可已乎?」温乃安。 禍亂若此,得保百口以歸合淝,公之惠也。」 章許諾,選壯士三十人,椎牛享之,刺血爲盟。 以其事入白渥母史氏。 温%疑章不果, |史悸而泣日: 夜半使人

裨將 再用 温 溷 曹筠奔于越,濤敗被執。 行 族遇於宣州。 隆演立,温遂專政,遷昇州刺史,治舟師於金陵。 大將李遇怒温用事, 出嫚言, 軍 司 馬、潤州 行密舊將,人人皆自疑,温因僞下之,恭謹如見行密,諸將乃安。八年, 刺史、鎭海軍節度使、同平章事。 温間遣人語筠曰:「吾用汝爲將,汝軍有求,吾不能給,是吾過 十年,遣招討使李濤攻越,戰于臨安, 温使柴

温城昇州,建大都督府。十四年,徙治之,以其子知訓輔隆演於廣陵,而大事温遙決之。 兵。十二年,封温齊國公,兼兩浙招討使,始就鎭潤州 」赦筠妻子不誅,厚遇之。秋,越人攻毗陵,温戰于無錫,筠感温前言,臨戰奔歸,遂敗越 ,以昇、潤、宣、常、肔、黃六州爲齊國。 知

訓爲朱瑾所殺,温養子知誥自潤州先入,遂得政。

術,温急召信至<u>廣</u>陵,以爲左統軍,託以內備,遂奪其地。 心,當成渾花。」温遽止之,一擲,六子皆赤,温慚, 之,因自獻捷至金陵見温,温與信博,信斂骰子厲聲祝曰:「劉信欲背吳,願爲惡彩,苟無 之,日:「吾以笞信也。」因命濟師,遂破全播。 温怒曰:「信以十倍之衆,攻一城不下,而反用說客降之,何以威敵國?」 答其使者而 温雖姦詐多疑,而善用將吏。 江西劉信圍虔州,久不克,使人說譚全播出降, 人有誣信逗留陰縱全播 自以巵酒飲信,然終疑之。 言信將反者, 及唐師伐王 遣使報 信聞

爭取 用問 金帛、温獨據餘囷,作粥以食餓者。十六年,温請隆演卽皇帝位,不許,又請卽吳王位, 知祥,吳人謂之「嚴、駱」。 七年,温又請溥卽皇帝位,溥未許而温病卒,年六十六,追封齊王,諡曰武。 温客尤見信者,惟駱知祥、嚴可求,可求善籌畫,知祥長於財利,温嘗以軍旅問 、國改元,拜温大丞相、都督中外諸軍事,封東海郡王。 温亦自喜爲智詐,尤得吳人之心。初隨行密破趙鍠,諸將皆 隆演卒,温 越次立其弟溥。 可求, 或

第

徐溫

號温爲義祖。

邪 ? 年。 明日,果來。 力,裴回三主,不敢輕取之,何也?豈其恩威亦有在人者歟曰! 嘗駡其將<u>劉信,信私,奔孫儒,</u>行密戒左右勿追,曰:「信負我者邪?其醉而去,醒 悉毁行密墳墓,及傳敗,而諸將皆請毀其墓以報之。行密數曰:「傳以此爲惡,吾豈復爲 」嘗使從者張洪負劍而侍,洪拔劍擊行密,不中,洪死,復用洪所善陳紹負劍,不疑。 及渥已下,政在徐温。 嗚呼,盜亦有道,信哉,行密之書,稱行密爲人,寬仁雅信,能得士心。其將蔡儔叛於廬 行密起於盜賊,其下皆驍武雄暴,而樂爲之用者,以此也。 於此之時,天下大亂,中國之禍,篡弒相尋,而除氏父子,區區詐 故二世四主 必復來。 垂五 + 叉

據吳錄、運歷圖、九國志皆云行密以唐景福元年,再入揚州,至晉天福二年,為李昇所篡,實四十六年。 而舊唐書、 **簷五代史皆云:大順二年入揚州,至被篡,四十七年。** 而唐末喪亂,中朝文字多差失,故今以餘、潁所記爲定。 **吳錄徐鉉等撰,選歷圖獎穎撰,二人皆**江南故臣,所記宜得

#### 校勘記

(1) 二年 按此承上文「龍紀元年」。而龍紀只一年,次年正月,卽改元大順。 楊行密取滌、和州

通鑑載在大順二年四月。「二年」上當脫「大順」二字。

(三) 友寧梁太祖子也 按本史卷一三梁家人傳,友寧爲梁太祖兄朗王存之子。又五代會要卷一一有

梁開平二年「追封皇從子友寧爲安王」文。「太祖」下蓋脫「兄」字。

(三) 十二月溥卒於丹陽 按本史卷六二南唐世家及通鑑卷二八一,楊溥禪位於天福二年(即天祚

三年)冬十月,徐知酷改元界元。次年十一月,溥卒。此承天祚三年云「十二月溥卒」,當有

脫誤。

吳

世 家

# 新五代史卷六十二

### 南唐世家第二

### 李昇 子景 景子煜

及聞。 金陵。 以昇、池等六州爲屬,温聞昇理昇州有善政,往視之,見其府庫充實,城壁修整,乃徙治之, 而遷昇潤州刺史。 務賦斂爲戰守,昇獨好學,接禮儒者,能自勵爲勤儉,以寬仁爲政,民稍譽之。徐温鎭潤州, 姓徐氏,名知誥。及壯,身長七尺,廣顙隆準。爲人温厚有謀。 泗間,楊行密攻濠州,得之,奇其狀貌,養以爲子。而楊氏諸子不能容,行密以乞徐温,乃冒 李昪字正倫,徐州人也。 |昇| 柴再用攻宣州,用其兵殺李遇,昪以功拜昇州刺史。時江淮初定,州、縣吏多武夫, [潤州, 近廣陵, 得先聞, 即日以州兵渡江定亂, 遂得政。 昪初不欲往,屢求宣州,温不與。 世本微賤,父榮,遇唐末之亂,不知其所終。 既而徐知訓爲朱瑾所殺,温居金陵,未 爲吳樓船軍使,以舟兵屯 昪少孤,流寓豪、

南

唐

世

家第

李舜

追殺 覲, 劍 + 知訓 之,及於中塗而還,紿以不及,由是得免。 昇 害之, 事 與飲 一徐温 於山光寺, 行酒 甚孝 吏刁彦能覺之, 温嘗駡其諸子不如昪,諸子頗不能容,而知訓尤甚,嘗召昪飲 又欲害之,徐知諫以其謀告昪,昪起遁去。 酒至昪,以手爪掐之,昪悟起走, 後昇貴,以彥能爲撫州節度使。 知訓以劍授刁彦 乃免。 後昇自潤州入 能,使 酒 伏

必 做 推 却之, 開 恩 之。 信, 知 訓 日:「士衆佾多暴露,我 起延賓亭以待四方之士,引宋齊丘、駱知祥、王令謀等爲謀客,士有羈旅於吳者,皆 嘗陰使人祭視民間有婚喪匱乏者,往往賙給之。 之用事 也, 一管凌弱楊氏而驕侮諸將,遂以見殺。 何用此? 以 故 温 雖 遙秉 大政,而吳人頗已歸昇。 及昇秉政, 盛暑未嘗張蓋、操扇, 欲收人心, 左 乃寬刑法、 石 進

景通 以 廣 知 陵 爲 韵 短 謀代昪秉政。 義元年, 拜左僕射, 爲 司 右 徒 統 同 平 軍 章 楊 事 會温病卒, 溥僭號, ,以王令謀宋齊丘 參知 拜昇太尉、中書 知詢 政 事 奔還 温行 爲左、 金陵, 軍 右僕 令。 司 玠 馬徐玠數勸温以己 反爲昇謀, 以射同平 大和三年 章事 ||知||知| 出鎭金陵, o 几 年, 以 子代昇 》罪,斬 封昇 如温 東 其客將 温 之制 海 造子 郡 周廷望 留 知詢入 其子

見宋齊丘 昇 照 一,謀禪 鑑 見 白 代 鬚 齊丘 顧 其 以爲未 、東周宗嘆日:「功業已就 可, 請斬 宗以 謝 吳 而 吾 昇黜宗為 老矣,奈何? 池州 刺 宗 史。 知 其意 詣 廣陵

吳臨江王濛者,怨徐氏捨己而立溥,心嘗不平,及昇將謀篡國 先廢濛爲歷陽公, 使吏

本曰:「此吾故主家郎君也,何忍拒之!」遽自出迎,祚閉門遮本不得出,縛濛送金陵,見 以兵守之。 濛殺守者,奔廬州節度使周本。 一本,吳舊將也,聞潔至,欲納之,爲其子祚所 الج

殺。

武皇帝,封子景爲吳王,封徐氏子知證江王,知諤饒王。周本與諸將至金陵勸進,歸而嘆 元。 宗廟社稷,以宋齊丘、徐玠爲左、右丞相。十月,溥遣攝太尉楊璘傳位於昇,國號齊,改元昇 曰:「吾不誅篡國者以報楊氏,今老矣,豈能事二姓乎!」憤惋而死。 昪以册尊溥曰:「受禪老臣知誥, 謹上册皇帝爲高尚思玄弘古讓皇帝。」追尊徐温爲忠 五年,昪封齊王。 已而閩、越諸國皆遣使勸進,昪謂人望已歸。天祚三年,建齊國

一年四月, 遷楊溥於潤州丹陽宮。以王興爲浙西節度使、馬思讓爲丹陽宮使,以嚴兵

守之。

氏子孫皆封王、公,女封郡、縣主。 皇帝,廟 孫,改國 名日昇。 徐氏諸子請昇復姓,昇謙抑不敢忘徐氏恩,下其議百官,百官皆請,然後復姓李氏,改 號成宗,祖志孝安皇帝,廟號惠宗,考榮孝德皇帝,廟號慶宗。 |號日唐。 自言唐憲宗子建王恪生超, 立唐高祖、太宗廟,追尊四代祖恪爲孝靜皇帝,廟號定宗; 以門下侍郎張居詠、中書侍郎李建勳、右僕射張延翰同 超生志, 爲徐州判司;志生榮。 乃自以爲建王四世 奉徐温爲義父,徐 會祖超爲孝平

南

唐

世家

第

李昪

平章事。十一月,以步騎八萬講武於銅橋。

聞人呼公主,則嗚咽流涕而辭,宮中皆憐之。溥本,以璉爲康化軍節度使,已而以疾卒。 楊溥卒於丹陽宮。溥子璉爲吳太子時,昇以女妻之,及昇篡國,封其女永興公主。

許。 口,每食設廣席,長幼以次坐而共食,有畜犬百餘,共一牢食,一犬不至,諸犬爲之不食。 州、縣言民孝悌五代同居者七家,皆表門閭,復其繇役;其尤盛者江州陳氏,宗族七百 三年四月,昪郊祀昊天上帝於圓丘,禮畢,羣臣請上尊號。昪曰:「尊號,非古也。」不

之,昪以甲士臨淮拒之,乃止。 晉將馬全節、安審暉戰安陸南,三戰皆敗,承裕與裨將段處恭皆死,都監杜光鄴及其兵五百 人被執送于京師,高祖厚賜之,遣還。昇致書高祖,復送光鄴等,請以敗軍行法,高祖又遣 四年六月,晉安州節度使李金全叛,送款于昇,昇遣鄂州屯營使李承裕迎之。承裕與

賙 《其乏。|錢氏自吳時素爲敵國,昇見天下亂久,常厭用兵,及將篡國,先與|錢氏約和,歸其 六年,吳越國火,焚其宮室、府庫,甲兵皆盡,羣臣請乘其弊攻之,**昪不許,遣使**弔問,厚

:復經營之略也,然吳人亦賴以休息。 |昇容 馮延巳好論兵、大言,嘗誚昪曰:「田舍翁安能成大事!」而昪志在守吳舊地而已, 所執將士,錢氏亦歸吳敗將,遂通好不絕。

逐齊王、諸道兵馬元帥、太尉、中書令,景達爲燕王、副元帥,盟於昇柩前,約兄弟世世繼立。 鍾氏爲皇后。封弟壽王景遂爲燕王,宣城王景達鄂王,景遏前未王,爲保寧王。秋,改封景 國,召景歸金陵爲副都統。 事。 明年,昇鎭金陵,留景爲司徒、同平章事,與宋齊丘、王令謀居廣陵,輔楊溥。 景,初名景通,昇長子也。 昪立,封齊王。昪卒,嗣位,改元保大。 旣立,又改名璟。 徐温死,昇專政,以爲兵部尚書、參知政 尊母宋氏爲皇太后,妃 昇將

封其子冀南昌王、江都尹。

候嚴思、通事舍人邊鎬率兵攻之。遇賢問神、神不復語、羣盜皆懼,遂執遇賢以降。 南康,節度賈浩不能禦。遇賢據白雲洞,造宮室,有衆十餘萬,連陷諸縣。景遣洪州營屯虞 國王,改元永樂,置官屬,羣賊盜皆絳衣,攻剽嶺外,問神所嚮,神曰:「當過嶺収虔州。」遂襲 洛 言禍福輒中。遇賢禱之,神曰:「遇賢是羅漢,可留事我。」是時,南海劉龑死,子旸初立,嶺南 ·贼起,羣盜千餘人,未有所統,問神當爲主者,神言遇賢, 遂共推爲帥。 多十月,破虔州妖賊張遇賢。遇賢,循州羅縣小吏也二。初,有神降羅縣民家,與人 遇賢自號中天八

景以馮延巳、常夢錫爲翰林學士,馮延魯爲中書舍人,陳覺爲樞密使,魏岑、查文徽爲副

南唐世家第

4

者。今陛下新卽位,所信用者何人?奈何頓與臣下隔絕!臣老卽死,恐無復一見顏色。」 因泣下嗚咽,景爲之動容,引與坐,賜食而慰之,遂寢所下令。 朝三十年,見先帝所以成功業者,皆用衆賢之謀,故延接疏遠,未嘗壅隔,然下情猶有不達 召見者,不得入。給事中蕭儼上疏切諫,不報。侍衞軍都處候賈崇詣閣求見景,曰:「臣事先 可用,景不納。十二月,景下令中外庶政委齊王景遂參決,惟陳覺、查文徽得 。夢錫直宣政殿,專掌密命,而延巳等皆以邪佞用事,吳人謂之「五鬼」。夢錫屢言五人者不 奏事 羣臣非

九華山,賜號九華先生,封青陽公,食靑陽一縣。 而岑與覺有隙,潛覺於景,左遷少府監。齊丘亦罷相爲浙西節度使。齊丘不得意,願復歸 幾,齊丘以病罷相,出爲洪州節度使。 初,宋齊丘爲昪謀篡楊氏最有力,及事成,乃陽入九華山,昪屢招之,乃出。昪僭號,未 景立,復召爲相,而陳覺、魏岑等皆爲齊丘所引用。

延政 於建州,國號殷。 月間 子繼昌守福州。 二年二月,閩人連重遇、朱文進弑其君王延羲,文進自立。是時,延羲弟延政亦自立 唐且攻之,遣人給福州曰:「唐兵助我討賊矣。」福州信之,共殺文進等以降,延政遣 王氏兄弟連兵累年,閩大亂,景因其亂遣查文徽及待詔臧循發兵攻建州。 文徽軍屯建陽,福州將李仁達殺王繼昌自稱留後,泉州將留從効亦殺

刺刺

史黄紹頗

皆送款於文徽。

膃 宰相,宋齊丘復自九華召爲太傅,爲稍解之,乃流覺蘄州、延魯舒州。韓熙載上書切諫, 與吳越兵先戰,大敗而走,諸軍皆潰歸。 南,不暇 誅 覺 等, 陳覺皆爲監軍使。仁達送款於吳越,吳越以兵三萬應仁達。 爲言:「兵業行,不可止。」乃以王崇文爲招討使、王建封爲副使,益兵以會之,以延魯、魏岑、 健、信、撫州兵攻仁達。 時魏岑安撫障、泉,聞覺起兵,亦擅發兵會覺。 景大怒,馮延巳等 尺兵致仁達等。 遂欲罷兵,而查文徽、陳覺等皆言:「仁達等餘孽猶在,不若乘勝盡取之。」 陳覺自言可不用 政 ,言甚切直。 之族于金陵。 五年, 几 年八月,文徽 齊丘惡之,貶熙載和州司馬。 北顧。御史中丞江文蔚劾奏宰相馮延巳、諫議大夫魏岑亂政,與覺等同罪而不見貶 以景遂爲太弟, 景大怒,自答其疏,貶文蔚江州司士參軍,亦罷延巳爲少傅、岑爲太子洗馬。 景以覺爲宣論使,召仁達朝金陵,仁達不從。 以延政爲饒州節度使、李仁達爲福州節度使、留從劾爲淸源軍節度使。 |乘勝克建、汀、泉、潭四州,景分延平、劍浦、富沙三縣,置劍州, 景達爲元帥, 是歲,契丹陷京師, 封齊王; 景怒,遣使者鎖覺、延魯至金陵。 南昌王冀爲副元帥, 中國無主,而景方以覺等疲兵東 覺等爭功,進退不相應,延魯 覺慚,還至建州,嬌命發汀 封燕王。 而馮延巳方爲 契丹遺使 遷王 延

六年 漢李守貞反 河中, 遣其客將朱元來求援,景以潤州節度使李金全爲北面行營招 來聘,

南

唐

世家

第

李显

以兵部尚書賈潭

報

遣皇甫暉出海、

泗諸州招納之。

七七二

撫 一使,兵攻沭陽,聞守貞已敗,乃還。 是時,漢隱帝少,中國衰弱, 惟北羣盜多送款於景,

徽 人戰 希萼所弑(三),希萼自立。 潮 日:「人則生變,乘其未定,亟取之。」留誨屯江口,進至西門,伏兵發, ·史陳誨下舟閩江趨應之。福州以兵出迎。| 誨曰:「閩人多詐難信,宜駐江岸徐圖之。」文 八年,福州詐言「吳越戍兵亂,殺李仁達而遯」,遣人請建州節度使查文徽,文徽與劍 大敗之,獲其將馬先進。 景送先進還越、越亦歸景文徽。 是歲, 文徽被擒。 楚王馬希廣爲其弟 海與越

湖 南節度使。 破 九 潭州, 年秋,楚人囚希萼於衡山,立其弟希崇,附于景,楚國大亂。 盡遷馬氏之族于金陵。景以希萼爲洪州節度使,希崇舒州節度使,以 景遣信州刺史邊鎬攻 邊鎬爲

宰相 事 鎬不能守,遯 乎。 廣州 十年, 馮延巳以克楚爲功,不欲取費於國,乃重斂其民以給軍,楚人皆怨而叛,其將劉言攻邊 劉晟乘楚之亂,取柱管,景遣將軍張巒出兵爭之,不克。 分洪州高安、清江、萬載、上高四縣,置筠州。 以馮延巳、孫忌爲左、右僕射同平 楚地新定,其府庫空虛

十一年,金陵大火踰月。

## 十二年,大饑,民多疫死。

徐州, 進急趨 芻糧 殺其刺史王承雋降周。 張紹、舒州 陽,徙浮橋于下蔡。 陽,而重進先至,軍未及食而戰,彥貞等遂敗。 爲獸,號「捷馬牌」; 度使、以距周師。 邊 援。迫奪閩、越,塗炭湘、潭,至於應接慕容,憑陵徐部,沭陽之役,曲直可知。勾誘契丹,入爲 代,寰海未寧,而乃招納叛亡,朋助兇逆。 恵 一,退屯正陽。 ],結連丼壘,實我世讎。 十三年十一月,周師南征,詔曰:「蠢爾准甸,敢拒大邦,盜據一方,僭稱僞號。 稱唐皇帝奉書,願効貢賦,陳兄事之禮,世宗不答。 宋齊丘 正陽, 刺刺 史周祚、泰州刺史方訥皆棄城走,延魯削髮爲僧,爲周兵所獲。 爲洪州節度使, 曰:「唐兵且至, 是時世宗親征,行至圍鎭,聞瀔退軍,曰:「吾軍却, 李穀曰:「吾無水戰之具,而使淮兵斷正陽浮橋,則我背腹受敵。」乃焚其 以皮囊布鐵蒺藜于地。 景遣林仁肇等爭之不得, 景益懼,始改名景以避周廟諱,遣其翰林學士鍾謨、文理院學士李德 罪惡難名,人神共憤。」乃拜李瀔爲行營都部署,攻自壽州始。 宜急擊之。」劉彥貞等聞穀退軍,果以爲怯,急追之。 景召齊丘還金陵,以劉彦貞爲神武統軍,劉仁贍爲淸淮軍節 金全之據安陸,守貞之數河中,大起師徒,來爲應 周兵見而知其怯, 而周師取滁州。 **彦貞之兵施利刃於拒馬,維以鐵索**; 景東都副留守馮延魯、光州 景懼,遣泗州牙將王知朗至 一鼓敗之。世宗營于淝水之 唐兵必追之。 蘄州 神將李福 」遺李重 晉、漢之 又刻 比及 刺 史

南唐

水罷 明 奉 乒 表 稱 世宗不報, 臣 獻 軍 牛五 分兵襲下楊、泰。景遣人懷蠟丸書走契丹求救,爲邊將所執。 百頭、酒二千 石、金銀羅綺數千,請割壽、濠、 河 一、楚、光、海六州,以

史張

承

翰

降周

稱,願 達將朱元 而德明賣國以 之心,必不迫人于險。」德明等還,盛稱世宗英武,景不悅。宋齊丘、陳覺等皆以割地無益 甲兵,農戰交修,士卒樂用,苟不能恢復內地,申畫邊疆,便議班旋,眞同戲劇。 夷,憑凌上國。華風不競,否運所鍾,凡百有心,孰不興憤。朕擅一百州之富庶,握三十萬之 始賜景書曰:「自有唐失御,天步方艱,六紀于茲,瓜分鼎峙。自爲聲教,各擅蒸黎,交結四 
 膜等并晟、崇質皆留行在。
 而膜等請歸取景表,盡獻江北地,世宗許之,遺崇質、德明等還
 訓 屯於渦口 宋齊丘曰:「擊之怨深,不如縱之以爲德。」誠諸將閉壁,無得要戰,故周師皆集於壽州 (輸臣節,孫權事魏,蕭詧奉周,古也雖然,今則不取。 四年三月,景又遣司空孫晟、禮 棄揚州 |等復得舒、蘄、||秦三州。 夏,大雨,周師 、欲再幸揚州 圖利。 ,併力以攻壽春,乃封府庫付主者,遣景舊將按巡城中, 景怒,斬德明。遣元帥齊王景達與陳覺、邊鎬、許文縝率兵趣壽春,景 ,宰相范質以師老泣諫,乃班師, |部尙書王崇質奉表,辭益卑服, 在揚、滁、和者皆却, 但存帝號,何爽歲寒。儻堅事大 以李重進攻廬、壽, 世宗循不答,前遣鍾 諸將請要其險隘擊 秋毫不犯而去, 至於削去尊 向訓守揚 |准

人大悅,皆負糗糧,以送周師。

來之歌,聲聞數十里。 濠州 等以壽州降于周。世宗班師。景遣人焚揚州,驅其士庶而去。 于周,諸軍皆潰,許文縝、邊鎬皆被執,景達以舟兵奔還金陵。 覺與朱元素有隙,以元李守貞客,反覆難信,景遣大將楊守忠代元, 溫 廷謂 ,刺史郭廷謂告于周曰:「臣不能守一州以抗王師,然願請命于唐而後降。」世宗爲之緩 爲鎭淮軍,築二城以夾淮。 五年,景達遣朱元等屯紫金山,築甬道以餉壽州。 遺 人請命于景,景許其降,乃降。 十二月, 屯于楚州之北門。 **周師連破紫金諸寨。景達雖爲元帥,** 又取泗州。 周師步騎數萬,水陸齊進,軍士作檀 二月,世宗復南征,徙下蔡浮橋于 劉仁贍病且死, 多十月,世宗復南征,遂圍 且召之。元憤怒,叛降 兵事皆決於陳覺。 其副使孫羽

取海 破。 請傳國與其世子而 、泰、揚州 世宗親督兵以 交泰元年正月,大赦改元。 世宗幸迎變以臨大江,景知不能支,而恥自屈身去其名號,乃遣陳覺奉表, 聽 洞屋穴城而 命 · 焚之,城壞,彥卿、昭業戰死,周兵怒甚, 周師攻楚州, 守將張彥卿、鄭昭業城守甚堅,攻四十日不可 殺戮殆盡 周 師復

戰 命王環將以下准。 初 周 師 南 征, 無水戰之具,已而 景之水軍多敗,長淮之舟,皆爲周師所得。 屢敗景兵,獲水戰卒,乃造戰艦數百艘,使降卒敎之水 又造齊雲船數百艘,世宗

南

唐

壯

家

第

李昇

表,盡 敵,且 至楚州 時揚、泰、滁、和、壽、濠、泗、楚、光、海等州,已爲周得,景遂獻廬、舒、蘄、黃,畫江以爲界。 五月、景下令去帝號,稱國主、奉周正朔、時顯德五年也。 | 獻江北諸州,如約。」世宗許之,始賜景書曰「皇帝恭問江南國主」,勞其良苦而已。 能至江。 齊雲舟大,不能過,乃開老鸛河以通之,途至大江。景初自恃水戰,以周兵非 及覺奉使,見舟師列于江次甚盛,以爲自天而下,乃請曰:「臣願還國取景

稱天地父母之恩不可報,又請降詔書同藩鎮,遺謨面陳願傳位世子。世宗遣謨等還國,優 贈劉仁瞻太師,追封晟魯國公。世宗遺鍾謨、馮延魯歸國。景復遣謨等朝京師,手自書表, 韶以勞安之。景以謨爲禮部侍郎、延魯戶部侍郎。 初,孫晟使于周,留不遣,而世宗問晟江南虚實,不對,世宗怒,殺晟。 周已罷兵, 景乃

等嘗欲 **謨入朝謝罪** 聽命者、嚴續 殺、欲報 及景立,延魯用事,夢錫每排斥之。景旣割地稱臣,有語及朝廷爲大朝者,夢錫大笑曰:「君 景爲太子時,延魯等皆出入東宮,禮部尚書常夢錫自昪世屢言不可使延魯等近太子, 致君如堯、舜,今日自爲小朝邪?」鍾謨素善李德明,旣歸,而聞德明由宋齊丘等見 其冤,未能發。陳覺,齊丘黨也,與嚴續素有隙。覺嘗奉使周,還言世宗以江南 言不卽割地者,非續謀,願赦之。 之謀,勸景誅續以謝罪。景疑之,謨因請使于周,驗其事。景已割地 世宗大驚,日:「續能爲謀,是忠其主也,朕豈 稱臣,乃遣

殺 (忠臣乎?」謨還,言覺姦詐,景怒,流覺饒州,殺之,宋齊丘坐覺黨與,放還靑陽,賜死。 以

太弟景遂爲洪州節度使,燕王冀爲太子。

景困於用兵,鍾謨請鑄大錢以一當十,文曰「永通泉貨」。謨嘗得罪,而大錢廢。 韓熙載

又鑄鐵錢,以一當二。

許之,乃謚曰明道崇德文宣孝皇帝,廟號元宗,陵曰順陵。 都。而洪州迫隘,宮府營廨,皆不能容,羣臣日夕思歸,景悔怒不已。 遷,惟樞密使唐鎬贊之,乃升洪州爲南昌,建南都。 容汝,可及吾世修城隍、治要害爲子孫計。」景因營緝諸城,謀遷其都于洪州, 怒,貶謨國子司業,立從嘉爲太子。世宗使人謂景曰:「吾與江南,大義已定,然慮後世不能 六月、景卒,年六十四(日)。從嘉嗣立,以喪歸金陵, 九月,太子冀卒〔三〕,次子從嘉封吳王,居東宮。鍾謨言從嘉輕肆,請立紀國公從善,景 建隆二年,留太子從嘉監國,景遷于南 遣使入朝,願復景帝號,太祖皇帝 唐鎬慚懼,發疾卒。 羣臣皆不欲

留監國。 重瞳子。 煜字重光,初名從嘉,景第六子也。煜爲人仁孝,善屬文,工書畫, 而豐額 駢齒,一目 景卒,煜嗣立於金陵。 自太子冀已上,五子皆早亡,煜以次封吳王。建隆二年,景遷南都,立煜爲太子, 母鍾氏,父名泰章。煜尊母日聖尊后,立妃周氏爲國后,

南唐世家第二 李昇

侍 桂 弟 郞 馮延 從善韓王 魯修貢于朝廷。令諸司 ,從益鄭王,從謙宜春王,從度昭平郡公,從信文陽郡公。 四品已下無職事者,日 二員待制於內殿 大赦境內。

宣城公 從劾 禁,煜因下令以一當十。 乾德二年, |陵, 推立副 聞景遷洪州, 泉州留從劾卒。 始用鐵錢, 使張漢思。 懼以爲襲己,遣其子紹基納貢于金陵, 民間多藏匿舊錢,舊錢益少, 漢思老不任事,州人陳洪進逐之,自稱留後, 拜韓熙載中書侍郎、勤政殿學士。 景之稱臣於周也,從效亦奉 商賈 表貢獻于京師,世宗以景故,不納。 多以十鐵錢易一 而從効病卒,泉 封長子仲遇淸源公, 煜卽以洪進爲節度使。 人因并送其族于金 銅錢出境, 次子仲儀 官不可

以 |謂|||穀曰:「江左用吾爲相,當長驅以定中原。」|||瀔曰:「中國用吾爲相,取江南如探囊中物 妓稍 以 論 熙載 章 此難之,左授熙載右庶子,分司 五 事 :稍復還,煜日:「吾無如之何矣 年, 煜嘗以熙載 ·贈之, 北海 命兩省侍郎、給事中、 將家子也,初與李穀相善。明宗時,熙載南奔吳,穀送至正陽,酒酣臨訣,熙 問前世有 盡忠,能直言,欲用爲相,而熙載後房妓妾數十人,多出外舍私 ·此比否?羣臣對曰:「昔劉穆之贈開府儀同三司。」 途贈熙載平 中書舍人、 南都。熙載盡斥諸妓,單車上道,煜喜留之,復其位。已而 ···」是歲,熙載卒,煜嘆曰:「吾終不得熙載爲相也。」**欲** 集賢勤政殿學士,分夕於光政殿宿直, 侍賓客 煜引 與

載

事

牌

談

諸

爾。」及周師之征准也,命穀爲將,以取淮南,而熙載不能有所爲也。

開 寶 四年,煜遣其弟韓王從善朝京師,遂留不遣。 煜手疏求從善還國,太祖皇帝不許。

煜嘗怏怏以國蹙爲憂,日與臣下酣宴,愁思悲歌不已。

御 :史臺爲司憲府,翰林爲文館,樞密院爲光政院,諸王皆爲國公,以尊朝廷。 五年,煜下令貶損制度。下書稱教,改中書、門下省爲左、右內史府,尙書省爲司會府, 煜性驕侈, 好

聲色,又喜浮圖,爲高談,不恤政事。 六年,內史舍人潘佑上書極諫,煜收下獄,佑自縊死。

千牛衞將軍。 求緩師,不答。 七年,太祖皇帝遣使韶煜赴闕,煜稱疾不行,王師南征, 其後事具國史。 八年十二月,王 |師克金陵。九年,煜俘至京師,太祖赦之,封煜違命侯,拜左 煜遣徐鉉、周惟簡等奉表朝廷

京師。 際詳矣。 予世家江南,其故老多能言李氏時事,云太祖皇帝之出師南征也,煜遣其臣徐鉉朝于 | 鉉居江南,以名臣自負,其來也,欲以口 及其將見也,大臣亦先入請,言歐博學有材辯,宜有以待之。 1舌馳說存其國,其日夜計謀思慮言語應對之 太祖笑曰:「第去,非

七七九

南

辭者之過數⊖? 淮南韶,怪其區區擴撫前事,務較曲直以爲辭,何其小也!然世宗之英武有足喜者,豈爲其 于一統。其可來者,來之;不可者,伐之;僭僞假竊,期於掃蕩一平而後已。予讀周世宗征 父子者爲兩家可乎?」越無以對而退。 說。 爾所知也。」明日,蘇朝于廷,仰而言曰:「李煜無罪,陛下師出無名。」太祖徐召之升,使畢其 **鉉曰:「煜以小事大,如子事父,未有過失,奈何見伐?」其說累數百言。太祖曰:「爾謂** 嗚呼,大哉,何其言之簡也! 蓋王者之興,天下必歸

據湯悅所撰江南錄云:「景以保大十五年正月,改元交泰,是歲盡獻淮南十四州,畫江爲界。」保大十五年,乃周顯德 是景立之年改元,不誤,而悅等曹減汪氏、割淮南自各差一年爾。昇自鬥天福二年建國,至皇朝開寶八年國滅,凡 年卽改元,則開運元年爲保大二年,顯德二年爲保大十三年。今江南錄書延義被殺於二年,周師始伐於十三年,則 准。 類,但以悅書爲正,不復參校,遂皆差一年。 盡獻淮南諸州,畫江爲界,當是保大十六年也。悅等南唐故臣,記其目見之事,何其差繆?而九國志、紀年通譜之 JU 年也。 一年也。 或疑景立踰年而改元,則滅閩國當爲三年,周取淮南當爲十五年不差,但江南錄誤於景立之年改元保大,所以 案五代舊史及世宗實錄,顯德四年十月壬申,世宗方復南征,五年正月丙午,始克楚州。二月己亥,景始 今知不然者,以賭費參校,閩人殺王延義,當晉開運元年,周師始伐南唐當顯德二年。 至於景滅閩國,是保大四年,江南錄書於三年,亦差一年,已具閩世家 據景以初立之

記

(1) 循州羅縣 按舊唐書卷四一及新唐書卷四三上地理志、太平寰宇記卷一五九,循州有「博羅縣」,

無「羅縣」。

(三) 楚王馬希廣爲其弟希萼所弑 按本史卷六六楚世家及通鑑卷二八七,希萼乃希廣之兄。

(三) 九月太子冀卒 通鑑卷二九四、陸游南唐書卷二元宗紀都載太子弘冀死在周顯德六年九月。

(1) 景卒年六十四 「六十四」,貴池、汪本同,他本及薛史卷一三四李景傳均作「四十六」。



# 新五代史卷六十三

### 前蜀世家第三

#### 王建子衍

蜀。 還長安,使建與晉暉等將神策軍宿衛 州刺史。已而晏弘摊衆東歸、陷陳、許,建與晉暉、韓建、張造、李師泰等各率一都,西奔于 行至興元,逐節度使牛叢,自稱留後。僖宗即以晏弘爲節度使,晏弘以建等八都頭皆領屬 爲八都,都將千人,建與晏弘皆爲一都頭。復光死,晏弘率八都西迎僖宗于閩,所過剽略, 事,里人謂之「賊王八」。後爲忠武軍卒,稍遷隊將。 僖宗得之大喜,號「隨駕五都」,以屬十軍觀軍容使田令政,令政以建等爲養子。 黃巢陷長安,僖宗在蜀,忠武軍將鹿晏弘以兵八千屬楊復光討賊,巢敗走,復光以其兵 王建字光圖,許州舞陽人也。 隆眉廣顙,狀貌偉然。 少無賴,以屠牛、盜驢、販私鹽爲

前

蜀世家

第三

王建

幸 冒 煙燄 興元 光 中 啓元年 以建 ·過,宿坂下,僖宗枕建膝 為清道 河 中 使, 主 重榮 負玉 與令孜爭 **墾以從**。 艘, 既覺, 鹽池 行 至 涕泣 當 重榮召晉兵犯京師 1塗驛, 一,解 李昌 御 衣 一符焚棧 八賜之。 道 僖宗幸鳳翔。 人。楼 道幾斷 建控僖宗馬, 年 三月,移

瑄 及 母 谿 患之, 以問 弟 洞 也,令孜 僖宗 夷落, 已至 因 有衆八千,以攻閬州 令孜,令孜曰:「王八吾兒也,以一介召之,可置麾下。」乃使人 一興元, 「求爲 令孜以謂天子播 西 川監 軍 ٠, 楊復恭 執其刺 越 代爲軍容使。 ),由己致之, 史楊 行遷, 懼且 又攻 復 恭 得罪, 利州 出 建 爲 西川節度使陳敬 利 壓州 州 刺 刺 史王 史, 招 建 珙棄城 建 乃招 瑄 集亡 令孜 命 儆 同

宗遣左 旌 坚 瑄 瑄 欲 節。 遭 敗之,虜獲萬 悔 至 將 成 .召 東川 一諫議 建 文德元年六月,以宰相韋昭度爲西川節度使。 句惟立 都見陳公, 顧彦 使人止之。 大夫李洵爲兩川 迎建,建擊敗之, 朗與建有 一餘人,橫屍四十 以求 建大怒, 舊, 鎭。」卽以其家屬託彦 建聞令孜召己,大喜, 宣 諭 撃破 里。 遂攻彭 和 協使, 敬瑄發兵 鹿 頭關 州 詔彦朝 敬瑄 取 -漢 ) 期,選精兵二千,馳之成都 萬 遣 州 因至梓州 等 益 眉 罷兵。 行 州 彦朗聞之, 分邓、 章, 刺 史山行 與建相持濛陽、 彦朗 調彦 請以 出 章將兵五萬 |朝日:「十軍 兵 雅爲永平軍 大臣 助建, 5 銀蜀 新 行 都 軍于學射 屯新 阿 至 百 鹿 父 餘 因 召 頭 爲 拜 日 關 我 建節 建 建 昭 敬 敬 我

度

使使

鎮,兵接都畿,公當歸相天子,靜中原以固根本,此蠻夷之國,不足以留公!」昭度遲疑未 决,建遣軍士擒昭度親吏於軍門,臠而食之,建入白曰:「軍士飢,須此爲食爾!」昭度大恐, 不克,建謂昭度曰:「公以數萬之衆,困兩川之人,而師久無功, 不受代,昭宗卽命昭度將彥朗等兵討之。昭宗以建爲招討牙內都指揮使。 奈何? 且唐室多故, 東方諸

山行章屯廣都,建擊敗之,行章走眉州, 以州降建。 建引兵攻成都, 而資、簡、戎、茂、

即留符節與建而東。昭度已去,建即以兵扼劍門,兩川由是阻絕。

寫、邛諸州皆殺刺史降建。

百人而止。後建遷敬瑄于雅州,使人殺之;復以令政爲監軍,旣而亦殺之。 犯其令,幸勍執而見我,我尙活汝,使其殺而後白,吾亦不能詰也。」建入城,軍士剽略,勍殺 日,敬瑄開門迎建。 之恩,心何可忘!然兵討不受代者,天子命也。」令孜夜入建軍,以節度觀察牌印授建。明 建攻成都甚急,田令孜登城呼建曰:「老夫與公相厚,何嫌而至此!」建曰:「軍容父子 建將入城,以張勍爲都虞侯,戒其軍士曰:「吾以張勍爲虞侯矣,汝等無

大順二年十月,唐以建爲檢校司徒、成都尹、劍南西川節度副大使知節度事、管內觀察

處置雲南八國招撫等使。

前

世家第三

正继

東川願彥朗卒,其弟彥暉立。 唐遣官者宗道弼賜彥暉東川旌節,綿州刺史常厚執道弼

之。 還綿州 建 以 厚 定龍 攻梓 · , 戒日:「兵已破厚, **彥暉必出犒** 兵, 十二月,宗滌 州 以唐旌節還道弼 建收兵還 建造 李簡 成 敗彦暉於楸林,斬其將羅璋,遂圍梓州。 都 、王宗滌等討厚。 黔南節度使王肇以其地降 M 出之。 師,卽 彦暉 自彦朗 已得節, 與俱來,無煩吾再 死,建欲圖井東川 辭疾不出犒軍 于 建 舉也。 \_ 年 五月, 」簡等擊厚,敗之鍾陽, 乾寧二年,建遣王宗滌 而未有以發,及李簡 昭宗遣宦者袁易 簡 等 厚 攻

爲 宗 彦 潰 暉 鳳 滌 事 自 翔 諫 几 議 爲 急 殺 節 年 東 度 而 大 宗滌 Jii 使 夫李洵、 有 彦 留 , 李茂貞代建爲 暉將顧彥瑤 叛 復 者,當 後 攻 判官 唐 東 即以宗 齒 JII 此 章莊宣諭 顧 別遣 劍! 城已危, 滌 西川 王宗侃、宗阮等出 為節 及城 節 ||兩川 腹使。 度使, 将破 調諸 詔 於是 彦瑤 將 建 茂貞 麗兵。 東日: 并 與彥暉 (拒命, 峽, 有 事 取渝、 兩 建不 Ш 乃復建官爵。 子公當 召集將 之地 奉 瀘 詔, |生死以之!| 州 乃責 吏飲 五 酒 (授建 月 多七 遂 建自將: 南州 指 與之俱 户, 其 建攻 刺 所 攻東川 史 佩賓 死。 破破 以 海州 郯王 鐵 建 以 劍

韓全海 貞, 李繼業, 許 是 以 等 詩 出 而武定節度使拓拔思敬遂以其地降于建,於是幷有山南西道。 劫天子 兵 鳳翔李 、爲援 幸 茂 鳳翔 勸 負 其 兼 (堅壁 據梁、洋、秦、隴, 梁兵圍之,茂貞 勿 和 遣王宗滌 閉 數以 城 將兵 拒 兵侵 守經年, 五. 建。 萬 肇 天復元 力窘 言 迎 年, 駕 求 與梁 以攻興元 梁太祖 是時, 和 兵誅 建間 荆南 執 宦 其節 遺 成汭死 者 人 度 聘 宦 使 茂

襄州趙匡凝遣其弟匡明襲據之,建乘其間,攻下夔、施、忠、萬四州。 四年,唐遷都洛陽,改元天祐,建與唐隔絕而不知,故仍稱天復。 六年,又取歸州,於是 三年八月, 唐封 建蜀

七年,梁滅唐,遣使者諭建,建拒而不納。 建因馳檄四方,會兵討梁,四方知其非誠實,

皆不應。

并有 三峽。

莊爲左散騎常侍判中書門下事,唐襲爲樞密使,鄭騫爲御史中丞,張格、王鍇皆爲翰林學 也。」故建待格等恩禮尤異,其餘宋玭等百餘人,並見信用。 多智詐,善待士,故其僭號,所用皆唐名臣世族:莊,見素之孫,格,濬之子也。建謂左右曰: 士,周博雅爲成都尹。蜀恃險而富,當唐之末,士人多欲依建以避亂。 鹿、白雀、龜、龍之瑞。秋九月已亥,建乃卽皇帝位。 「吾爲神策軍將時,宿衞禁中,見天子夜召學士,出入無間, 是歲正月,巨人見靑城山。 六月,鳳凰見萬歲縣,黃龍見嘉陽江,而諸州皆言甘露、白 ' 封其諸子爲王,以王宗佶爲中書令,韋 恩禮親厚如寮友,非將相可比 建雖起盜賊,而爲人

子心不自安,與鄭騫等謀,求爲大司馬,總六軍,開元帥府,凡軍事便宜行而後聞。 **卒時掠得之,養以爲子,後以軍功累遷武信軍節度使。後建所生子元懿等稍長,宗佶以養** 武成元年正月,祀天南郊,大赦,改元,以王宗佶爲太師。宗佶本姓甘氏,建爲忠武軍 建以宗

七八八

疑。 内恨 加尊號英武睿聖皇帝。 信創業功多,優容之。 三上,建以問襲, 宗佶入奏事,自請不已,建叱衞士撲殺之,丼賜騫死。 而 外奉宗佶愈謹。 襲因激怒建日:「宗佶功臣, 唐襲本以舞僮見幸於建,宗佶尤易之,後爲樞密使,猶名呼襲, 七月,騶虞見武定。 建聞之,怒曰:「宗佶名呼我樞密使,是將反也。」宗佶求大司 其威望可以服人心,陛下宜卽與之。」建心益 六月,以遂王宗懿爲皇太子。 馬, 襲雖 章 建

二年,頒泳昌曆。廣都嘉禾合穗。

宗侃 岐王 地。 日英武 |李茂貞自爲梁所圍,而山南入于蜀,地狹勢孤,遂與建和,以其子娶建女,因求山南故 敗績,退保西縣,爲茂貞兵所圍。 建怒,不與,以王宗侃爲北路都統,宗佑、宗賀、唐襲爲三面招討使以攻岐。 三年八月,有龍五 睿聖光孝皇帝 一十見洵陽水中。 建自將擊之,岐兵敗,解去,建至興元而還。 十月, ·麟見壁州。十二月,大赦,改明年爲永平元年。 戰于青泥 加尊號

唐入某國之印』,今梁已兄事陛下,奈何卑我如夷狄?」建怒,欲殺梁使者,格曰:此梁有司 來聘,推建爲兄,其印文日「大梁入蜀之印」。宰相張格曰:「唐故事,奉使四夷,其印日『大 于蜀而埋之,二月,尙食使歐陽柔治合孜故第,穿地而得之,以獻。 二年,又加號日英武睿聖神功文德光孝皇帝。 初,田令孜之爲監軍也, 五月,梁遣光祿卿盧 **盗唐傳國璽** 玭

前 罚 111 家 剱 == Ŧ 建 梁之印」。劍州 過過 爾 ·,不可以絕兩國之權。」已而梁太祖崩,建遣將作監<u>李紘</u>弔之,遂刻其印文曰「大蜀入 木連理。 六月,麟見文州。 十二月,黃龍見富義江

不爲 健遺王宗賀以兵討之,元膺兵敗皆潰去。 錫 「太子 耳! 爲 先 酒 置 抱 爲 保 而 興元 ... 符 生 官 唐 m 答之, 備 杜 襲。 屬 毬 讖 三年 謀 」明日 集王宗翰、 節 光 擲馬上, 作 聞 因取之以名諸子, 腹使。 建以元 庭爲之師。 元膺, 正 襲 : 亂, 欲召 図 元膺 一月,麟見永泰。 召兵,以爲誅己,乃與伶人安悉香、軍將喻全殊率天武 [於其家; 馳而 建 樞密 白 已而 膺年少任 次子也, l 諸 將 、 建 到之, 襲罷 [使潘峭、翰林學士毛文錫 唐襲, 峭及文錫離間 召大將徐瑤、常謙 、諸王 歸 初名宗懿,後更名宗坦,建得銅牌子于什仿,有文二十餘字,建以 重、以記事 故又更日 五月, 建之嬖也,元膺易之, 無不中。 |以兵錮之,然後舉 元膺廷疏其過失, 騶虞見壁山,有二鹿隨之。秋七月,皇太子元膺殺太子少 元膺。 語。 ,戒之,令「一切學股所爲, 年十七,爲皇太子, 率兵出 元膺匿躍龍池檻中, 建怒, 元膺爲人猳喙齲齒,多材藝,能射錢 不至, 拒襲, 事 將罪之。 建益 屢謔于朝 爾 !」建疑之,襲請召營兵 元膺怒曰:「集王 不悅。 與襲戰 , 判六軍, 創天武神機營, 元膺出而襲 建懼其交惡,乃罷襲樞密使,出 是月七夕, 明日, 神 則可以保國」。又命道士廣 武門, 人 兵 出而丐食, 入, 示來, (自衞, 襲 元膺召諸 中 建以問之, 流 入入衞。 遣 峭與文錫教之 矢, 人擒峭及文 蜀人識之, 中孔 開永和府, 王大臣置 墜馬死。 元膺初 襲日: 成

以告,建遣宗翰招諭之,宗翰未至,爲衞兵所殺。 建乃立其幼子鄭王宗衍爲太子。 白龍見

邛州江。

南蠻攻掠界上,建遣襲王宗範擊敗之于大渡河。麟見昌州 四 年 荆南高季昌侵蜀巫山,遣嘉王宗壽敗之于瞿唐。八月, 殺黔南節度使王宗訓

以其族來 其宮室。 五 一年,起壽昌殿於龍興宮,畫建像於壁,又起扶天閣,畫諸功臣像。十一月,大火,焚 遣王宗儔等攻岐,取其秦、鳳、階、成四州, 至大散關。 梁叛將劉知俊在岐,於是特

밂 īE 一員官購羣書以實之, 通正 元年,遣王宗綰等率兵十二萬出大散關攻岐,取隴州。 以內樞密使毛文錫爲文思殿大學士。 黃龍見大昌池。 八月,起文思殿,以清資五 十月,

赦。改明年元日天漢二〕,國號漢。

天漢 元年,殺劉知 俊。 十二月,大赦,改明年元日光天,復國號蜀

疾,以 爲變,乃殺之。 用 事 ,交結宦者唐文扆等干與外政。 光天元年六月,建卒,年七十二。 兵 八入宿衞 建因以老將大臣多許昌故人,必不爲太子用,思擇人未得而疾亟,乃以宦者 ,謀盡去建故將。 故將聞建疾,皆不得入見,久之,宗弼 建年老昏耄,文晟判六軍,事 建晚年多內寵,賢妃徐氏與妹淑妃, 無大小、皆決文扆。 等排闥人,言文层欲 皆以 色進 專房 及

贊成之, 衍由是得爲太子。 人擇立之。而徐妃專籠,建老昏耄,妃與宦者唐文晟教相者上言衍相最貴,又諷宰相張格 特,信王宗傑,魯王宗鼎,興王宗澤,薛王宗平。而鄭王宗衍最幼,其母徐賢妃也,以母寵得 知學問,能爲浮豔之辭。元曆死,建以豳王宗輅貌類己,而信王宗傑於諸子最材賢,欲於兩 立爲皇太子,開崇賢府,置官屬,後更曰天策府。衙爲人方頤大口,垂手過膝,顧目見耳,頗 衍字化源。建十一子,日衞王宗仁,簡王元膺,趙王宗紀,豳王宗格,韓王宗智,莒王宗

官,自刺史以下,每一官闕,必數人並爭,而入錢多者得之;通都大邑起邸店,以奪民利。 皇后,後建數日而卒,衍因尊其母除氏爲皇太后,后妹淑妃爲皇太妃。太后、太妃以教令賣 建卒,衍立,諡建日神武聖文孝德明惠皇帝,廟號高祖,陵日永陵。 建正室周氏號昭聖

其中。嘗以九日宴宣華苑,嘉王宗壽以社稷爲言,言發泣涕。韓昭等曰:「嘉王酒悲爾!」 之宮,降眞、蓬萊、丹霞之亭,飛鸞之閣,瑞獸之門;又作怡神亭,與諸狎客、婦人日夜酣飲 昭、潘在迎、顧在珣、嚴旭等爲狎客;起宣華苑,有重光、太淸、延昌、會眞之殿,淸和、迎仙 衍年少荒淫,委其政於宦者宋光嗣、光葆、景潤澄、王承休、歐陽晃、田魯儔等,以韓

前蜀世

諸狎客共以慢言謔嘲之,坐上諠然。 衍不能省也。

德。 **衍自作甘州**曲 裹尖巾,其狀如錐 不祥,禁之。 「醉粧」,國中之人皆効之。 蜀 而喜邀,當王氏晚年,俗競爲小帽,僅覆其頂,俛首卽墮,謂之「危腦帽」。衙以爲 而衍好戴大帽,每微服出遊民間,民間以大帽識之,因令國中皆戴大帽。 述其仙狀, 而後宮皆戴金蓮花冠,衣道士服, 上下山谷,衍常自歌, 嘗與太后、太妃游靑城山,宮人衣服,皆畫雲霞,飄然望之若仙 而使宮人皆和之。 酒酣免冠,其髻髽然,更施朱粉,號 衍立之明年, 改元乾 叉好

乾德元年正月,祀天南郊,大赦,加尊 號爲聖德明孝皇帝

照耀江水,所在供億,人不堪命。 二年多,北巡, 至于西縣, 旌旗戈 甲 連亙百餘里。 其還也, 自閬州浮江而上,龍舟畫

三年正月,還成都。

舸,

五年,起上清宮,塑王子晉像,尊以爲聖祖至道玉宸皇帝, 又塑建及衍像, 侍立於其左

右;又於正殿塑玄元皇帝及唐諸帝,備法駕而朝之。

嚴氏,有絕色,衍通之。 六年,以王承休爲天雄節度使。 是時,唐莊宗滅梁,蜀人皆懼。 天雄軍 秦州 也。 莊宗遺李嚴聘閩,衍與俱朝上清,而 承休以宦者得幸,爲宣徽使,承休妻

等殺之,函首送于繼岌。衍卽上表乞降,宗弼遷衍于天啓宮。魏王繼岌至成都,衍君臣面 宗勳等至三泉,望風退走。衍韶宗弼誅宗勳等,宗弼反與宗勳等合謀,爰款於唐師。衍自 **縛興櫬,出降于七里亭。** 縣谷還成都, 蜀 臣相對涕泣。 懼,遽還。唐師所至,州縣皆迎降。衍留王宗弼守縣谷,遣王宗勳、宗儼、宗县率兵以拒唐師。 風發屋拔木,太史曰:「此貪狼風也,當有敗軍殺將者。」附不省。附至縣谷而唐師入其境,附 平化、漢州三學山。以王承休妻嚴氏故,十月,幸秦州, 一繼岌、郭崇韜伐蜀。 「都士庶、簾惟珠翠、夾道不絕。 而宗弼亦自縣谷馳歸,登太玄門,收成都尹韓昭、宦者宋光嗣景潤澄歐陽晃 百官及後宮迎謁七里亭,衍雜宮人作回鶻隊以入。明日,御文明殿,與其羣 是歲,衍改元日咸康。衍自立,歲常獵于子來山。 嚴見其人物富盛,而衍驕淫,歸乃獻策伐蜀。 **羣臣切諫,衍不聽。行至梓潼,大** 是歲,又幸彭州陽 明年, 唐魏

數千人以東。 氏 捧 母徐氏臨刑呼曰:「吾兒以一國迎降,反以爲戮,信義俱棄,吾知其禍不旋踵矣!」附妾劉 詔 ,鬢髮如雲而有色,行刑者將免之,劉氏曰:「家國喪亡,義不受辱!」遂就死。 忻然就道,率其宗族及僞宰相王鍇張格庾傳素許寂、翰林學士李旻等,及諸將佐家族 莊宗召衍入洛,賜衍詔曰:「固當列土而封,必不薄人于險,三辰在上,一言不欺!」 同光四年四月,行至秦川驛,莊宗用伶人景進計,遣宦者向延嗣誅其族。俗

|王及郭崇韜,求爲西川節度使,魏王曰:「此我家物也,何用獻爲?」 |居數日,爲崇韜所殺。 建待之如初。 宗弼,本姓魏,名弘夫,建錄爲養子。 建病且卒,宗弼守太師兼中書令、判六軍,輔政。 建攻顧彥暉,宗弼常以建語泄之彥暉者,彥暉敗、 | 術已降,宗弼以圖珍寶奉魏

亂, 狮 獨宗壽常切諫之,後爲武信軍節度使。 事建時爲鎭江軍節度使。 宗壽,許州民家子也。 建以同姓,錄之爲子。 **術旣立,宗壽爲太子太保奉朝請,以鍊丹養氣自娛。** 宗壽好學,工琴奕,爲人恬退, 喜道家之 | 桁 爲 淫

軍行軍司馬,封府順正公,許以諸侯禮葬之。宗壽得王氏十八喪,葬之長安南三趙村。 聞莊宗遇弒,亡入熊耳山。天成二年,出詣京師,上書求衍宗族葬之。明宗嘉其忠,以爲保義 岐陽,以路路守者,得入見衙,衙泣下霑襟,曰:「早從王言,豈有今日!」衙死,宗壽走澠池, 唐師伐蜀,所在迎降,魏王嘗以書招之,獨宗壽不降。 聞衍已銜璧,大慟,從衍東遷,至

嗚呼, 自秦、漢以來,學者多言祥瑞,雖有善辨之士,不能祛其惑也!予讀獨書,至於

成敗者,可以知之矣。或以爲一王氏不足以當之,則視時天下治亂,可以知之矣。 龜、龍、麟、鳳、騶虞之類世所謂王者之嘉瑞,莫不畢出於其國,異哉!然考王氏之所以興亡

取也。 致之瑞,戴禮雜出於諸家,其失亦以多矣! 騶虞,吾不知其何物也。詩曰:「吁嗟乎騶虞!」 也,污泥川澤,不可勝數,其死而貴於卜官者,用適有宜爾。而戴氏禮以其在宮沼爲王者難 磨、屏、腸、皮、武、周公之世,未嘗一出,其一出而當亂世,然則孰知其爲瑞哉。 龜,玄物 鳳嘗出於舜,以爲瑞,猶有說也,及其後出於亂世,則可以知其非瑞矣。若麟者,前有治世如 皆至也。麟,人罕識之獸也,以見公之窮山竭澤而盡取,至於不識之獸,皆搜索而獲之,故 其自出也。故孔子書於春秋日「西狩獲麟」者,譏之也。「西狩」,非其遠也;「獲麟」,惡其盡 大亂之際,是果爲瑞哉?麟,獸之遠人者也。昔魯哀公出獵,得之而不識,蓋索而獲之,非 記以爲美,後世因以鳳來爲有道之應。其後鳳凰數至,或出於庸君繆政之時,或出於危亡 天下,政成而民悅,命變作樂,樂聲和,鳥獸聞之皆鼓舞。當是之時,鳳凰適至,舜之史因丼 天而下見於水中,是失職也。然其一何多歟,可以爲妖矣!鳳凰,鳥之遠人者也。昔舜治 曰「譏之也」。聖人已沒,而異端之說興,乃以麟爲王者之瑞,而附以符命、讖緯詭怪之言。 龍之爲物也,以不見爲神,以升雲行天爲得志。今偃然暴露其形,是不神也;不上于 狩必書地,而良公馳騁所涉地多,不可徧以名舉,故書「西」以包衆地,謂其舉國之西

蜀

七九六

賈誼以謂騶者,文王之囿; 虞,虞官也。 當誼之時,其說如此, 然則以之為獸者,其出於近

世之說乎?

而攻之, 庶幾惑者有以思焉曰。 龍,王者之瑞,而出於五代之際,又皆萃于閩,此雖好爲祥瑞之說者亦可疑也。 夫破人之惑者, 難與爭於篤信之時, 待其有所疑焉, 然後從而攻之可也。 因其可疑者 麟、鳳、 龜、

據前蜀書、運曆圖、九國志皆云建以唐大順二年入成都爲四川節度使,天復七年九月建號,明年正月改元武成,今 以爲定。 惟舊五代史云「龍紀元年入成都,天祐五年建號改元」者移也。 至後唐同光三年蜀滅,則諸書皆同。 自大

順二年至同光三年,凡三十五年。

校勘記

十月大赦改明年元曰天漢 查薛史卷一三六王建傳載:永平五年「改元通正,是年冬改元天漢」。 通鑑卷二六九貞明 貴池本同, 他本「大赦」下均有「改元十二月又」六字。 按此 承 通 IE

二年(卽通正元年)十月但書「蜀大赦」,不記改元,十二月乃書「改明年元曰天漢」。

叙事紀時,

各有出入,未知孰是。

# 新五代史卷六十四

### 後蜀世家第四

#### 孟知祥子昶

誅, 其弟克讓女妻之,以爲左教練使。莊宗爲晉王,以知祥爲中門使。 軍都虞候。 王以遷守澤路,梁兵攻晉,遷以澤路降梁。 知祥懼,求佗職,莊宗命知祥薦可代己者,知祥因薦郭崇韜自代,崇韜德之,知祥遷馬步 孟知祥字保胤,邢州龍岡人也。 莊宗建號,以太原爲北京,以知祥爲太原尹、北京留守。 其叔父遷,當唐之末,據邢、洛、磁三州,爲晉所虜。 知祥父道,獨留事晉而不顯。 前此爲中門使者多以罪 及知祥壯,晉王 以

京師 無 如如 孟 魏王繼岌伐蜀,郭崇韜爲招討使,崇韜臨訣,白曰:「卽臣等平蜀, 莊宗戒有司盛供帳,多出內府珍奇諸物以宴勞之。 知祥者。」已而唐兵破蜀,莊宗遂以知祥爲成都尹、劍南西川節度副大使。 酒酣,語及平昔,以爲笑樂,歎曰: 陛下擇帥以守西川, 知祥馳至

後

棄世 「繼岌前 峙 、知祥,曰:「吾聞蜀土之富,無異於此,以卿親賢,故以相付。」 噩 日 乳 上 侵 臭 削 兒 ",僅保 爾 乃能爲吾平定兩川 一隅,豈知今日奄有天下,九州 , 吾徒老矣, 孺子可喜, 、四海, 珍奇異產, 然益令人悲 充**切吾府**!」因指 爾 吾憶 光帝

破漢 勝、定遠、驍銳、義寧、飛棹等軍七萬餘人,命李仁罕、趙廷隱、張業等分將之。 數千以歸 州 日 光 知祥遣大將李仁罕會任圜、董璋等兵擊破延孝 四年正月戊辰,知祥至成都,而崇韜已死。 而 莊宗崩,魏王繼岌死,明宗入立。 知祥乃訓練兵甲,陰有王圖之志。 魏王繼岌引軍 知祥得其將李肇、侯弘實及其兵 東歸,先鋒康延孝反, 益置

賷官告賜之, 因以爲三川 然 百 知 祥 杒, 與季 任圜 魏王之班師也,知祥 自燭 良有舊,遂留之。 入爲相, 制置使,督閩犒軍餘錢送京師,且制置兩川征 棄判三司, 率成都富人及王氏故臣家,得錢六百萬緡以犒軍 素知蜀所餘錢。 是多,知祥拜侍中,乃以太僕卿趙季良 賦, 知祥怒, 其餘者猶二

蜀 軍置之,是嚴欲以蜀再爲功也。」掌書記母昭裔及諸將吏皆請止嚴而無內, 軍 旣 明宗 樞 歸 密 而 入立 使 獻策 安 重 代伐蜀 悉 声颇疑 誅 宦者 燭 知 人皆惡之, 祥 鼅 有異志, 諸 消 監 而 軍 知祥 思有以制之。 彦賓 亦怒 己罷, 曰:「焦彦 初, 重 誨 賓 知祥鎭蜀,莊宗以宦者焦彥賓 復以客省 以 例罷 一使李嚴 丽 渚 道 為監軍 知祥曰:「吾將有 習 廢 監 軍 嚴 (為監 獨 前 吾 使

以誅彥賓, 以待其來 成二年正月, !」嚴至境上,遺人持書候知祥,知祥盛兵見之, 知祥不聽, 嚴至成都,知样置酒召嚴。 因責嚴曰:「今諸方鎭已罷監軍, 是時,焦彥賓雖罷,猶在圖 公何得來此?」目客將王彦鉄執嚴 冀嚴懼而不來, 嚴於懷中 嚴聞之自若。 出 詔 示 知祥 天

爲知祥反矣,遂留之。 初,知祥鎭蜀,遣人迎其家屬于太原,行至鳳翔, 明宗旣不能詰,而欲以恩信懷之,乃遣客省使李仁矩慰諭知祥, 鳳翔節度使李從職聞知祥殺李嚴, 井送

瓊華公主及其子昶等歸之。

下,斬之。

明宗不能詰

何瓚爲節度副使。 知祥因請趙季良爲節度副使,事無大小,皆與參決。 知祥得制書匿之,表留季良,不許。乃遣其將雷廷魯至京師論請,明宗不 三年,唐徙季良爲果州團 練使,以

得已而從之。 是時,瓚行至縣谷,懼不敢進,知祥乃奏瓚爲行軍 一司馬

是歲,唐師伐荆南,韶知祥以兵下峽,知祥遣毛重威率兵三千戍夔州。

已而

荆南

高

興死, 其子從誨 知祥奏請無劾,由是唐大臣益以知祥爲必反。 講命, 知祥請罷戍兵,不許。 知祥諷重威以兵鼓譟,潰而歸,唐以詔書劾重

肯出。 四年,明宗將有事于南郊,遣李仁矩責知祥助禮錢一 久之,請獻五十萬而已。 魏王繼岌東歸, 留精兵五千戍蜀。 百萬緡,知祥覺唐謀欲困己,辭不 自安重酶疑知祥有

後蜀世家第四 孟知祥

以自結。 兄,由是璋與知祥皆懼,以謂唐將致討。 異 志, 以李仁矩爲節 少 聽 者 言 而 事 下 知祥心恨璋,欲不許,以問趙季良,季良以爲宜合從以拒唐,知祥乃許。 五 百 用 『度使; 一人,以備緩急。 岂 所親信分守兩 又以武 虔裕爲縣州 是歲 明宗優韶慰諭之。 川管內諸州,每除守將, 以夏 自璋鎮東川 刺 魯奇 史。 爲武信 仁矩 , 未嘗與知祥通問, 與東川董璋有 軍節 則以精兵爲其牙隊 i度使; 分東川之閬州 隙, 於是 而 達始遣 虔裕 多者二三 人求婚 於是連 爲 重 保寧 海 表

之歔欷, 闄 州 事 者,以璋盡忠於國,獨知祥可疑, 長 擒 | 興元年二月,明宗有事于南郊,加拜知祥中書令。 李仁 明 日 逐 短殺之。 舉兵反。 是月應聖節, 知祥開宴,東北望再拜,俯伏嗚咽,泣下沾襟,士卒皆爲 重海猶欲倚璋以圖 知样。 初, 知祥與璋俱有異志,而重誨信 是歲九月,董璋先反,攻破

表請

麗還唐所遣節度使、刺史等。

渝州 張業 宗 册 下 命 之儀。 是秋 詔 趙 削 唐 延 師攻劍門,殺璋守兵三千人,遂入劍門。 奪 明宗 隱 知祥 詔 將兵三萬 有 改封瓊華公主爲福慶長公主,有司言前世公主受封,皆未 官爵 司 草具 八會璋 命天 八新儀, 雄 乃遣 攻 軍 遂州 一節度 秘書監劉岳爲册 使石 別遣 敬 侯 瑭 爲 都 弘 實將四千人 璋來告急, 使。 招討使, 岳 行 、助璋 夏 至 知祥大駭,遺廷隱分兵萬人以 |鳳翔, 魯奇 守東川, 爲 聞 |知 出降,無遣使就藩 又遣 解反, 知 祥 張 遣李仁罕、 武 乃旋 下 峽取 明

武 が詳以 副 軍 將 ·進,吾知易與爾。」十二月,敬瑭及廷隱戰于劍門,唐師大敗。 《趙廷隱爲昭武軍留後。 袁彦超代將其軍,又取黔州。 留後,遺人馳魯奇首示敬瑭軍,敬瑭乃班師。 聞唐軍止劍州不進,喜曰:「使唐軍急趨東川, 李仁罕進攻夔州, 二年正月,李仁罕克遂州,夏魯奇死之,知祥以仁罕爲 刺史安崇阮棄城走,以趙季良爲留後。 利州 則遂州解圍,吾勢沮而兩川搖矣。今 李彥珂聞唐軍敗東歸,乃棄城走, 張武已取渝州, 武病卒,

而 愿、進 重 赦 m 是 時, 敬 亦以被 奉 () 瑰軍亦旋, 所在 軍將杜紹本西 唐軍涉險,以餉道爲艱, 。讒得罪死。 口歸招爺 一守將又皆棄城走。 明宗 謂 知祥,具言知祥家屬在京師者皆無恙 致知祥等反, 自潼關以西,民苦轉饋,每費一石不能致一斗, 明宗憂之,以責安重誨。 由重酶失策, 及重誨死, 重 海懼, 乃遣 西川 遽自請行。 道路嗟 進奏官

守進 獨 可 自 悔 將擊之,陣鷄 見殺 因發怒 一來降 也 知 祥 我 聞 璋 知祥 何謝爲! ,以語侵昊。 重海 軍 距 乘之,璋遂大敗,走。過金鴈橋,麾其子光嗣使降,以保家族,光嗣哭曰:「自古 1 誅死,而唐厚待其家屬,乃邀璋欲 |皆躁日:「徒曝我 橋口。 !」知祥三遣使往 昊乃勸. 知祥 得璋降卒, 知祥 八於日 攻之。 見璋,璋不聽, 中 一,何不 衣以錦袍, 而 璋先襲 速戰? 同謝罪,璋曰:「孟公家屬皆存,而我子孫 乃遣觀 破 使持書招降璋, 璋 知祥 察判官李昊說璋, 即壓軍 漢州, 以 知祥遣趙廷隱率兵三萬 戦。 璋 曰:「事已及此, 兵始交, 璋偏將張 璋益 疑 知祥賣 不

狯

蜀

世

灾

筲

74

ific

知

澥

岢 有 光嗣自縊 殺 父以 水水 死, 生 知祥 者 平 :遂并有東川 寧俱就 死。 因與璋俱走。 然自璋死、知祥卒不遣使謝唐。 知祥遣趙廷隱追之,不及,璋走至梓州見

罕武 先是, 宗 季良 稱 亦 卽 彳 哀 信軍留後、趙廷隱保寧軍留後、 能自 這一環歸省其母, 等為五 唐 以墨 克寧妻孟氏,知祥妹也。莊宗已殺克寧,孟氏歸于知祥,其子瓌,留事唐爲供奉官。 樞 遣 l歸也。」明宗曰:「知祥,吾故人也,本因間諜致此危疑,撫吾故人,何屈意之有? !密使范延光日:「知祥雖已破璋,必借 阁 制行 | 鎭節度,其餘刺 門使劉 事,議未決而壞至蜀。 政 因賜知祥詔書招慰之。 恩爲宣 史已下, 諭 使。 張業寧江軍留後、 得自除授。 政恩 知祥見瓌倨慢。 心復命, 知祥兼據 ,朝廷之勢,以爲兩川之重,自非屈意招之,彼 知祥始 又請封蜀王, 爾川, 李肇昭武軍留後。 造其將朱滉來朝 九月, 以趙季良爲武泰軍 瓌自蜀還, 且言福慶公主 得 季良等因請 知祥 已卒。 表, 留後、李仁 明宗爲 請 除趙 知祥 明

딞 屬 空、 明宗 m DU 同 趙季良等 年 統 中書門下 詔 押 二月癸亥 諭 沂 不 界諸  $\dot{\Xi}$ 车 人皆 蠻 章 制 + ·事,中門使王處 以 拜節 兼 月, 知祥檢校太尉兼 西山 度使。 明宗 八 崩。 國 唐兵先 雲南 回爲樞密使, 明 年 安撫制置等使。 在蜀 中書令,行 閨 正 者數萬 月, 知祥 李昊爲翰林學 成 人, 都 乃即 遣工 尹、劍南 知祥皆 皇 部尚書盧文紀 帝 厚給 位 東西 其 國 枫 號 衣 川節度, 蜀 食, 册 因 封 以趙季良爲 管內觀 請 知 送 祥 其家 爲 蜀

祥宴勞之,虔釗奉觴起爲壽,知祥手緩不能舉觴,遂病,以其子昶爲皇太子監國。 武定軍節度使孫漢韶皆以其地附于蜀。 三月,唐潞王舉兵於鳳翔,愍帝遣王思同等討之,思同兵潰, 四月,知祥改元日明德。 ,山南西道節度使張虔釗、 六月, 虔釗等至成都,

諡爲文武聖德英烈明孝皇帝,廟號高祖,陵日和陵。

涕不已,季良正色曰:「今彊侯握兵,專何時變,當速立嗣君以絕非望,泣無益也。」處回遂與 使、同中書門下平章事。 季良立昶,而後發喪。 |親立,不改元,仍稱明德,至五年始改元日廣政。 昶,知祥第三子也。 知祥病,昶監國。知祥已卒而祕未發,王處回夜過趙季良,相對泣 知祥爲兩川節度使,昶爲行軍司馬。知祥僭號,以昶爲東川節度

年,火犯鬼,明年,雍州刺史朱齡石見殺云。而圖皆無事。」乃 前世火入鬼,其應在秦。 曰:「按十二次,起井五度至柳八度,爲鶉首之次,鶉首,案分也, 圖雖屬秦, 乃極南之表爾。 <u>明德三年三月,熒惑犯積尸,</u>昶以謂積尸**獨**分也,懼,欲禳之,以問司天少監胡韞, 韞 晉咸和九年三月, 火犯積尸, 四月, 此。 雍州 刺史郭權見殺。 義熙四

昶好打毬走馬, 即日出之,賜保貞 ,又爲方士房中之術,多採良家子以充後宮。 、金數斤。 有上書者,言臺省官當擇淸流,親歎曰:「何不言擇其人而 梅密副使韓保貞切諫,程

後蜀世家第四

ďa

知辭

納,奈何勸我拒諫耶

任之? 右 請以其言詰上書者,昶曰:「吾見唐太宗初卽位,獄吏孫伏伽上書言事,皆見嘉

之,丼族其家。 多踰法 然昶年少不親政事,而將相大臣皆知祥故人,知祥寬厚,多優縱之,及其事昶,益驕蹇, [度,務廣第宅,奪人良田,發其墳墓,而李仁罕、張業尤甚。 是時,李肇自鎭來朝,杖而入見,稱疾不拜,及聞仁罕死,遽釋杖而 昶即位 數月, 執仁罕殺

於朝堂 指揮使安思謙謀,執而殺之。 反, 乃用以爲相 廣政 置 酛 九年,趙季良卒,張業益用事。業,仁罕甥也。 以通 ,業兼判度支,置獄于家,務以酷法厚斂蜀人,蜀人大怨。 下情。 王處回、趙廷隱相次致仕,由是故將舊臣殆盡。 仁罕被誅時, 業方掌 + 禁兵,昶懼 年,昶 與匡聖 其

等皆 皆送 **藤不以時聞** 切 于 諫 蜀 急款于 龍 以 是 昶 歸 時 爲 因遣 昶。 不 契丹滅晉, m 可,然昶志欲窺關中甚銳, 孫漢韶攻下 思謙 輒啓其封,昶怒之。 昶遣 恥 張 於 虚剣 漢高祖起於太原, 無 鳳州 功, 出 大散 多殺士卒以 於是悉有王衍 關 其殺思謙也,藥方侍側,因幷擒藥斬之。 何建 乃遣 中國 出隴 威 衆。昶與翰 安思謙 :故地。 多故, 右,李廷珪 益兵以東。 漢將 雄武軍節度使何建以秦、成、階三州附 林使王藻謀殺 出子 趙思綰據 午谷 已而漢誅思綰 永興、王景崇據 ,以應思館。 心思謙 而邊吏有急奏 昶相 景崇 鳳 一母昭裔 翔 虔釗 反,

十二年,置吏部三銓、禮部貢舉。

十三年,昶加號睿文英武仁聖明孝皇帝。 封子玄喆秦王, 判六軍事; 次子玄珏褒王;

弟仁毅夔王,仁贄雅王,仁裕嘉王〔三〕。

漢,以張形勢。 拒周師。<br />
彦傳大敗,走靑泥,於是秦、成、階、鳳復入于周。<br />
昶懼,分遣使者聘於南唐、東 豈足以當周兵邪!」客省使趙季札請行,乃以季札爲秦州監軍使。季札行至德陽,聞周兵 至,遽馳還奏事。一昶問之,季札惶懼不能道一言,,昶怒殺之,乃遣高彥儔、李廷珪出堂倉以 十八年,周世宗伐蜀,攻自秦州。 昶以韓繼勳爲雄武軍節度,聞周師來伐,歎曰:「繼勳

二十年,世宗以所得蜀俘歸之,昶亦歸所獲周將胡立于京師,因寓書于世宗,世宗怒昶

無臣禮,不答。

大都督,追封遂王。 昊曰:「昔唐德宗皇子評,生四歲而卒,贈揚州大都督,封肅王,此故事也。」昶乃贈玄寶靑州 前嘗致書世宗不答,乃止。腿幼子玄寶,生七歲而卒,太常言無服之殤無贈典,昶問李昊 二十一年,周兵伐南唐,取淮南十四州,諸國皆懼。 荆南高保融以書招昶使歸周,昶以

八〇五

蜀世家第四

孟知雕

奢侈以 州 帳什物皆具,以待 間 行 劉光乂、曹彬等出 東 漢 自 .娛, 約出兵以撓 至於溺器,皆以 昶 歸州 中國,遇爲邊吏所得。 ; 七寶裝之。 韶八作司度古掖門南、臨汴水爲昶治第一區 宋興、已下荆、潭、昶 太祖皇帝遂韶伐蜀,遣王全斌、崔彦 益懼,遣大程官 凡五百餘間 孫遇 以 進 等出 蠟 丸 鳳 供

雕面 延德分兵出來蘇, 退守劍門。 器 溒 言昭遠不可用,昶不聽。 通奏使知樞密使事,然事無大小,一以委之,府庫金帛恣其所取不問。 嘗 右,而見親狎。 ·、伶人數十以從,蜀人見者皆竊笑。 [手執鐵如意,指揮軍事,自比諸葛亮,酒酣,謂吳曰:「吾之是行,何止克敵,當領此二三萬 「飯僧於府,昭遠執巾履從智諲以入,知祥見之,愛其惠點。 飛遣王昭遠、趙彥韜等拒命。 軍頭向韜得蜀降卒言。「來蘇小路,出劍門南淸彊店,與大路合。」全斌遣偏將史 **昶立**,以爲捲簾使。 北擊劍門,與全斌夾攻之,昭遠、彥韜敗走,皆見擒。 昭遠好讀兵書,以方略自許。兵始發成都,昶遣李昊等餞之, 昭遠, 樞密使王處回致仕,昶以樞密使權 全斌至三泉, 遇昭遠, 擊敗之。 成都人也,年十三,事東郭禪師智諲爲童子。 時昶方就學,即命昭遠給事 玄喆輦其愛姬,攜 昭遠焚吉柏江浮橋 玄喆聞昭遠等敗,亦 重難制,乃以昭遠爲 **昶母李太后常爲昶** 知

逃歸。

5ã

秦川

劉

光义攻夔州

箭,雖欲堅壁,

堅守以敝之。

凡六十六日。

0 知祥興滅年數甚明,諸書皆同,蓋自同光三年乙酉入園,至皇朝乾德三年乙丑國滅,凡四十一年。 同光三年丙戌,至乾德三年乙丑,四十年者,繆也。

忍死者,以汝在也。

#### 校勘記

- (二) 陣鷄距橋 通鑑卷二七七、九國志卷七趙庭隱傳及十國春秋卷四八後蜀高祖紀「距」作「蹤」。
- (二) 義熙四年火犯鬼明年雍州刺史朱齡石見殺 「四年」,他本均作「十四年」。按預書卷一〇安帝紀

載:義熙十四年十一月,「赫連勃勃大敗王師於青泥。北雍州刺史朱齡石焚長安宮殿,奔於潼關。

琴叉大潰, 齡石死之。」則作「十四年」是。

(三) 仁裕嘉王 通鑑卷二八九及十國春秋卷五〇皆謂仁裕爲彭王、仁操爲嘉王。「仁裕」下蓋脫

「彭王仁操」四字。

## 新五代史卷六十五

### 南漢世家第五

劉隱 弟襲 襲子玢 玢弟晟 晟子銀

餘,有兵萬人,戰艦百餘艘。謙三子,曰隱、台、嚴。 五. 车 · , 黃巢攻破廣州,去略湖、湘間,廣州表謙封州刺史、賀江鎭遏使,以禦梧、桂以西。 劉隱,其祖安仁,上蔡人也,後徙閩中,商賈南海,因家焉。 父謙,爲廣州牙將。 唐乾符

加檢校太師、 拜隱節度使。 馬。 南 廣州將盧踞、覃

理作亂,知柔不敢進。隱以封州兵攻殺踞、

理、迎知柔,知柔辟隱行 其後徐彦若代知柔,表隱節度副使,委以軍政。 謙卒、廣州表隱代謙封州刺史。 兼中書令,封南平王。 梁開平元年, 加檢校太尉、兼侍中。 乾寧中,節度使劉崇龜死,嗣薛王知柔代爲帥,行至湖 二年, 彦若卒,軍中推隱爲留後。 兼靜海軍節度、安南都護。 天祐二年,

南

以爲節度副使,及龔僭號,爲陳吉凶禮法。 恥以星術事人,常稱疾不起,隱亦客之。 以 招 遭 中 禮之。 奉使往。 亂 ·朝士人以嶺外最遠,可以避地,多遊焉。 乾化元年,進封隱南海王。 不得還者,皆客嶺表。 隱 父子 定保容管巡官,曙唐太學博士,濬崇望之子,以避亂往;衡德裕之孫, 皆辟置幕府,待以賓客。 起 封州 ,遭世多故,數有功於嶺南,遂有南海。 王定保、倪曙、劉濬、李衡、周傑、楊洞潛、趙光裔之徒〇〇, 是歲卒,年三十八。弟襲立。 傑善星曆,唐司農少卿, 洞潛初爲邕管巡官,秩滿客南海, 唐世名臣 爲國制度,略有次序,皆用此數人焉。 .謫死南方者往往有子孫, 隱復好賢士。 因避 胤往,隱數問 是時, 隱常師事之,後 或當時仕宦 以災變, 唐右 補闕 ||隱皆 傑

虁至,將殺之,及見而悸,劍輒墮地,良久曰:「此非常兒也!」後三日,卒殺殴氏,養龑爲己 |虁,初名嚴,謙庶子也。其母||段氏生||龑於外舍,謙妻||韋氏素妬,聞之怒,拔劍而出,命持

及長,善騎射,身長七尺,垂手過膝

二年,除清海節度使、檢校太保、同平章事。三年, 隱爲行軍司馬,襲亦辟葬王府諮議多軍。 隱鎭南海, 加檢校太傅。 襲爲副使。 末帝卽位,悉以隱官爵授 隱卒,龑代立。 乾化

襲,襲封南海王。

置刺史,卒出兵攻敗盧氏,取潮、韶。又西與馬殷爭容、桂,殷取桂管,虜士政,鄭取容管,逐 州以攻嶺上,其弟光陸據潮州,子延昌據韶州;高州刺史劉昌魯、新州刺史劉潛及江東七 不宜直攻而可以計取。」隱不聽,果敗而歸,因盡以兵事付奠。奠悉平諸寨,遂殺昌魯等,更 十餘寨,皆不能制。隱攻韶州,襲曰:「韶州所賴者光稠,擊之,虔人必應,應則首尾受敵,此 亦自立。是時,交州曲顕、桂州劉士政、邕州葉廣略、客州龐巨昭, 唐末,南海最後亂,僖宗以後,大臣出鎭者,天下皆亂,無所之,惟除南海而已,自隱始 ,分據諸管; 盧光稠據 虔

<del>尚書,皆平章事。</del> 光胤自以唐甲族,恥事偽國,常怏怏思歸。 皇帝,立三廟。置百官,以楊洞潛爲兵部侍郎,李衡禮部侍郎,倪曙工部侍郎, 至洛陽,召其二子損、益幷其家屬皆至。光胤驚喜,爲盡心焉。 貞明三年,襲卽皇帝位,國號大越,改元日乾亨。 追尊安仁文皇帝,謙聖武皇帝, 鄭乃習爲光胤手書,遣使間道 趙光胤兵部 隠襄

巨昭,又取邕管。隱、襲自梁初受封爵,稟正朔而已。

呷, 人以爲眞蛟蜃也。又好奢侈,悉聚南海珍寶,以爲玉堂珠殿。 奠性聰悟而苛酷,爲刀鋸、支解、刳剔之刑,每視殺人,則不勝其喜,不覺朵頤,垂涎呀

還,懼其非己,使倪曙勞之,告以建國。定保曰:「建國當有制度,吾入南門,清海軍額獨在, 二年,祀天南郊,大赦境內,改國號漢。襲初欲僭號,憚王定保不從,遣定保使荆南,及

南海世家第五

劉隆

四方其不取笑乎!」龑笑曰:「吾備定保久矣,而不思此,宜其譏也!」

三年,册越國夫人馬氏爲皇后。馬氏,楚王殷女也

四年春,置選部貢舉,放進士、明經十餘人,如唐故事,歲以爲常。

侯、食邑一千戶、持節鄭昭淳。 朱鬃白馬以求婚,使者自稱皇親母弟、清容布燮兼理、賜金錦袍虎綾紋攀金裝刀、封歸仁慶 珠玉之富。自言家本咸秦,恥王蠻夷,呼唐天子爲「洛州刺史」。是歲,雲南驃信鄭旻遣 還,言唐必亂,不足憂,襲大喜。又性好夸大,嶺北商賈至南海者,多召之,使升宮殿, 七年,唐莊宗入汴,襲懼,遣宮苑使何詞入詢中國虚實,稱大漢國主致書大唐皇帝。 昭淳好學有文辭,襲與游宴賦詩,襲及羣臣皆不能遠,遂以 示以 使致

隱女增城縣主妻旻。

八年,作南宫,王定保獻南宮七奇賦以美之。襲初名殿,又更日陟。

九年,白龍見南宮三淸殿,改元日白龍,又更名襲,以應龍見之祥。 有胡僧言:「識書:

『滅劉氏者龔也。』」龔乃採周易「飛龍在天」之義爲「龔」字,音「儼」,以名焉。

之,因輕舟迎戰,陽敗而奔,楚人逐之,章舉巨輪挽索鎖楚舟,以彊弩夾江射之,盡殺楚人。 元日大有。遣將蘇章以神弩軍三千救封州,章以兩鐵索沈賀江中,爲巨輪於岸上,築隄以隱 四年,楚人以舟師攻封州,封州兵敗於賀江,襲懼,以周易筮之,遇大有,遂赦境內,改

|美日:「公常以我爲僞廷,今反面縛,何也?」|承美頓首伏罪,乃赦之。 |承美 三年,遣將李守鄘、梁克貞攻交趾,擒曲承美等。承美至南海, 龑登儀鳳樓受俘, 顥子也。 謂承

又攻占城,掠其寶貨而歸。

四年,愛州楊廷藝叛,攻交州刺史李進,進遯歸。 襲遣承旨程實攻廷藝,寶戰死。

洪澤鎮王,洪操萬王,洪杲循王,洪暐息王,洪邈高王,洪簡同王,洪建益王,洪濟辨王,洪道 五年,封子耀樞邕王,龜圖康王,洪度秦王,洪熙晉王,洪昌越王,洪弼齊王,洪雅韶王,

貴王,洪昭宣王,洪政通王,洪益定王。

九年,遣將軍孫德晟攻象州行三,不克。

王,出兵白藤以攻之。襲以兵駐海門,權已殺公羨,逆戰海口,植鐵橛海中,權兵乘潮而進, 十年,交州牙將咬公羨殺楊廷藝自立,廷藝故將吳權攻交州,公羨來乞師。襲封洪操交

洪操逐之,潮退舟還,轢橛者皆覆,洪操戰死,襲收餘衆而還。

十五年,奠卒、年五十四、諡天皇大帝、廟號高祖、陵日康陵。 子玢立。

翻 與語,呼洪度、洪熙小字曰:「壽、儁雖長,然皆不足任吾事,惟洪昌類我,吾欲立之。 奈何 **盼**,初名洪度,封秦王。 襲子耀樞、龜圖皆早死, 盼次當立。 襲病臥寢中,召右僕射王

南淡世家第五

劉際

長者爭之,禍始此矣!」由是洪度卒得立。 吾子孫 不肖,後 然後 立洪昌爲太子。 世 如鼠入牛角,勢當漸小爾!」因泣下歔欷。 議已定,崇文使蕭益 更名盼,改元日光天,尊母趙昭儀爲皇太妃,以 入問疾, 鄭以告之,益諫曰:「少者得立, 翻爲鄭謀,出洪度以邕州,

晉王洪熙輔政。

而走。 越王洪昌、循王洪杲攻之,遇賢圍洪昌等於錢帛館,裨將萬景忻、陳道庠力戰, 夜行,出入民家。 ) 弱立,果不能任事。 玢莫能省, 嶺東皆亂。 由是 山海間盜賊競起。 襲在殯,召伶人作樂,飲酒宮中, 妖人張遇賢,自稱中天八國王, 裸男女以爲樂, 攻陷循州。 或衣墨縗與倡女 |玢遣

年二十四,諡曰屬。弟晟立。 熙、洪杲、洪昌陰遣陳道庠養勇士劉思潮、譚令禋、林少彊少良、何昌廷等,習爲角觝以獻 **盼宴長春宮以閱之, 酚醉起, 道庠與思潮等隨至寢門拉殺之,盡殺其左右。 盼立二年,** 洪熙日益進聲妓誘玢爲荒恣。 | 野亦頗疑諸弟圖己, 敕宦官守宮門, 入者皆露家。

早副元帥,劉思潮等封功臣。 晟,初名洪熙,封晉王。 既弑玢,遂自立,改元曰應乾,以洪昌爲兵馬元帥, 晟旣殺兄, 立不順, 懼衆不伏, 乃益峻刑法以威衆。 知政事 已而洪杲

與家人訣別,然後赴召,至則殺之。多,晟祀天南郊,改元日乾和,羣臣上尊號日大聖文武 入具沐浴,詣佛前祝曰:「洪杲誤念,來生王宮,今見殺矣!後世當生民家,以発屠害。」涕泣 屢請討賊,陰勸晟誅思潮等以止外議。 晟大怒,使使者夜召洪杲。 洪杲知不免,乃留使者

皇見邕州、晟怒,使人酖殺之。而諸弟相次見殺。 有隙,而洪昌最賢,襲素所欲立者,晟尤忌之,故先及害。 一年夏,遣洪昌祠襄帝陵於海曲,至昌華宮,晟使盜刺殺之。 鎭王洪澤居邕州,有善政,是歲鳳 晟自殺洪杲由是與諸弟

大明至道大光孝皇帝

展聞之大怒,以道庠、伸下獄,皆斬之於市,夷其族。 以右僕射王翻爲英州刺史,使人殺之 悦漢紀遺之,道庠莫能曉,伸駡曰:「憝獠!韓信誅而彭越醢,皆在此書矣!」道庠悟,益懼。 三年,殺其弟洪雅,又殺劉思潮等五人。思潮等死,陳道庠懼,不自安,其友鄧伸以荀

六年, 遺工部與中、知制誥鍾允章聘楚以求婚, 楚不許。 允章還, 晟曰:「馬公復能經略 五 年,晟弟洪弼、洪道、洪益、洪濟、洪簡、洪建、洪暐、洪昭,同日皆見殺。

指揮使吳珣、內侍吳懷恩攻賀州,已克之,楚人來救,珣鑿大穽於城下,覆箔於上,以土傳 南土乎?」是時,馬希廣新立,希萼起兵武陵,湖南大亂,允章具言楚可攻之狀。晟乃遣巨象

楚兵迫 掠全州 而 還 悉陷穽中,死者數千, 楚人皆走。 **珣等攻桂州及連、宜、嚴、梧、蒙五州** 

瓊仙 宮、大明、昌華、甘泉、玩華、秀華、玉淸、太微諸宮,凡數百,不可悉紀。 宦者林延遇、宮人盧 因 州 「丼斬其首。 晟益得志, 九 內外專恣爲殺戮,晟不復省。常夜飲大醉,以瓜置伶人尚玉樓項,拔劍斬之以試劍 年多,又遣 明日酒醒,復召玉樓侍飲,左右白已殺之,晟歎息而已。 造巨艦指揮使暨彥贇以兵入海, 內侍潘崇徹攻郴州,李景兵亦在,與崇徹遇、戰大敗景兵於宜章 掠商人金帛作離宮遊獵,故時劉 氏有南 **遂**取

十一年,晟病甚,封其子繼興衛王,璇興桂王,慶興荆王,保興祥王,崇興梅 湖南王進逵以兵五萬率谿洞蠻攻郴州,潘崇徹敗進逵於蠔石,斬首萬餘級。

於晟 交州 十二年,晟親耕藉 襲遣洪操攻之,洪操戰死, 晟遣 給 事 中李 璵 画。 议 旌 交州 吳昌濬遣使稱臣, 求節 節招之,璵至白州 ,遂棄不復攻。 權死,子昌岌立, 溶使人止與曰:「海賊爲 鉞。 昌濬者,權子也。 昌岌卒, 亂 弟昌濬立 道 路不 權自 襲時據 始 稱

不果行。晟殺其弟洪邈。

使 修貢於京師, 十三年,又殺其弟洪 爲楚人所隔,使者不得行,晟憂形於色。 政,於是奠之諸子盡矣!顯德 三年, 又嘗自言知星,末年,月食牛女間, 世宗平江北三,晟始 惶 湿,遺

南英世家第五 劉隐

出書占之,歎曰:「吾當之矣!」因爲長夜之飮。

孝皇帝,廟號中宗,陵曰昭陵。子鋹立。 十六年,卜葬域於城北,運甓爲擴,晟親臨視之。是秋卒,年三十九,諡曰文武光聖明

其嬖倖宦官、宮姆延遇、瓊仙等。至寒尤愚,以謂羣臣皆自有家室,顧子孫,不能盡忠,惟宦 皇帝,國事皆決於胡子,盧瓊仙、龔澄樞等爭附之。胡子乃爲鋹言:「澄樞等皆上天使來輔 <u>胡子身。</u> 既專政,銀乃與宮婢波斯女等淫戲後宮,不復出省事。延壽又引女巫樊胡子,自言玉皇降 者親近可任,遂委其政於宦者龔澄樞、陳延壽等,至其羣臣有欲用者,皆閹然後用。 澄樞等 太子,有罪不可問。」尚書左丞鍾允章參政事,深嫉之,數請誅宦官,宦官皆仄目。 (銀,初名繼興,封衞王。
一晟卒,以長子立,改元日大寶。 晟性剛忌,不能任臣下,而獨任

冤,俟其長,公可告之。」[彥眞聞之,爲曰:「反賊欲使而子報仇邪!」復入白寒,幷捕二子繫 · 」乃拔劍升壇,允章迎叱之,彥眞馳走,告允章反。 鋹下允章獄, 遣禮部尚書薛用丕 允章與用丕有舊, ` 因泣下曰: 「吾今無罪,自誣以死固無恨,然吾二子皆幼,不知父

一年,鼷祀天南郊,前三日,允章舆禮官登壇,四顧指麾,宦者許彥眞望見之曰:「此謀

之。 勸鍰 鋹 下 五. 獄 以以爲 亂 + 遂 **汽**久矣, 车 修兵為備 族誅之。 然, 殺其 、亂久而 中 ·國有故,干戈不及,而漢益驕 不然, 弟 陳延 治,自然之勢也。 桂 王璇興。 亭謂 悉珍寶奉中國, [銀日:「先帝所以得傳陛下者,由盡殺羣弟也。」勸銭稍誅去諸王, 是歲, 今聞眞主已出, 建隆元年也。 遣使以通好。 於無事, 銀將 今兵不識 必將盡有海內,其勢非一天下 銀槽然莫以爲慮 邵 廷琄言於鋹 旗鼓, 而人主不知 日「漢 惡 延琄 乘 存亡。 唐 不能 亂

符瑞 諷 74 羣 年,芝菌生宮中,野獸觸寢門,苑中羊吐珠,井旁石自立,行百餘步而仆,樊胡子皆以 臣 一入賀

惡 龔澄 五 樞 年 等居己上,謀殺之。 澄樞 使 人告彦眞反,族誅 專寵。 托為 內太師, 之。 居 中 -專政。 許彦眞旣殺鍾允章

良 始 糸 思廷琄 七 年,王師南伐,克郴州 有譖者投無名書言廷琄反,暖遺使者賜死, 言,遣廷琄以舟兵出 光口 晟所遣將暨彥贇與其 抗 王 師。 會 王 師 刺刺 士卒排軍門見使者,訴延琄無 退 7合, 史陸光圖 廷琄訓士卒, [皆戰死,餘衆退 脩戰備, 嶺 保韶 反狀, 人倚以爲 州 鋹

八年,交州吳昌文本,其佐呂處玶與峯州刺史喬知祐爭立,交趾大亂, **驩州丁璉舉兵撃**  能

救,爲立

洞

於光口

破之,銀授與交州節度。

九年, 南海民妻生子兩首四臂。 是時, 太祖皇帝韶李煜諭鋹使稱臣,鋹怒, 囚煜使者

龔愼 儀。

樂範 保興 恩赦 師不 馬逕,銀遣其右僕射蕭漼奉 寶四年正月,平英、雄二州,銀將潘崇徹先降。 托守韶州以備。 「昭、鮭、連、賀,本屬湖南,今北師取之,足矣,其不復南也。」其愚如此! 候。 「竊其舟以逃歸。 ·能駐,當自還也。」乃盡焚其府庫、宮殿。 (率文武詣美軍降,不納。 十三年,詔潭州防禦使潘美出師, 其後 事 具 是歲秋, 「史⊖。 師次白田、鼷素衣白馬以降。 潘美平賀州 一表降。 龔澄 樞、李托等謀曰:「北師之來,利吾國寶貨爾, **漼行、 鼷惶迫,復令整兵拒命。** 師次白霞。 十月平昭州, **鋹以海舶十餘,悉載珍寶、嬪御,將入海,宦官** 師次瀧頭、鋹遣使請和、求緩師。 獻俘京師, 銀遣襲澄樞守賀州、 又平柱州, 赦錄爲左千牛衛大將軍 美等進師,嚴遣其弟祥王 月平連州。 十二月平韶州 郭崇岳守桂州、 焚爲空城, 二月,師度 銀喜日 下, 封

0 明三年襲僧號爲始,故曰 隱與滅年世,踏書皆同。 五十五 蓋自唐天祐二年隱爲廣州節度使,至皇朝開寶四年國滅,凡六十七年。 午爾。 舊五代史以梁貞

國

### 校勘記

(1) 趙光裔 「裔」,各本原作「胤」。 按舊唐書卷一七八趙隱傳,隱三子:光逢、光裔、光胤。 「季述廢

立之後,光胤歸洛,光裔旅遊江表以避患,嶺南劉隱深禮之。」十國春秋卷五八南漢烈宗世家云:

海節度使,命趙光裔爲官告使,劉隱遂留之不遣。此處趙光胤顯爲趙光裔之誤。 往,俱辟置幕府,待以賓客。」又卷六二趙光裔傳及通鑑卷二六七亦云梁太祖以劉隱爲淸海、靜 據改。

(11) 象州 他本及通鑑卷二八〇均作「蒙州」。

**=** 顯德三年世宗平江北 按本史卷一二周世宗紀載:顯德五年二月, 「克淮南十有四州, 以江爲

此云「顯德三年」疑誤。

界」。薛史卷一一八周世宗紀繁年同。

「王定保、倪曙、劉濬、周傑、楊洞潛之徒、烈宗(劉隱廟號)皆招禮之。 而趙光裔、李殷衡以奉使

# 新五代史卷六十六

## 楚世家第六

馬股 子希聲 希範 希廣

州 弟宗衡 州,至東門,東門守者以爲關兵戍還,開門內之,遂殺處訥,建峯自稱留後。僖宗授建峯 州兵戍龍回關,建峯等至關,降其戍將蔣勛。 爲先鋒,轉攻豫章、略虔、吉,有衆數萬。乾寧元年,入湖南,次醴陵。 數召儒等,儒不欲還, 南節度使口、殷爲馬步 ,儒以兵圍之,久不克,遣殷與建峯掠食旁縣。 馬殷字霸圖 了、略地淮南,殷初爲儒裨將。 許州鄢陵人也。 ,宗衡屢趨之,儒怒,殺宗衡,自將其兵取高郵,遂逐行密。 軍都指揮使。 唐中和三年,蔡州秦宗權遺孫儒、劉建峯將兵萬人屬其 宗衡等攻楊行密於揚州,未克,梁兵方急攻宗權 蔣勛求爲邵州刺史,建峯不與,勛率兵攻湘鄉 建峯取勛鎧甲被先鋒兵,張其旗幟,直趨 儒戰敗死,殷等無所歸,乃推建峯爲帥, 潭州刺史鄧處酌發邵 行密據宣 建

쑢

世家第六

馬

脮

遺殷擊勛於邵州。

至,信 年也。 楇 曰:「吾 殺 建 乘肩輿入府, 建拳。 非 錃 ;汝主也,馬公英勇,可共立之。」諸將乃共殺膽,磔其尸 庸 人,不能帥其下,常與部曲飲酒讙呼。 軍中推行 殿拜謁於廷中,信召殿上,乃率將吏下,北面再拜,以位與之,時乾寧三 軍司馬張信爲帥,信將入府,乘馬輒踶囓,傷信髀。 軍卒陳瞻妻有色,建峯私之, ,遣姚彦章迎殷於邵 |佶 队病、語諸 赡怒, 州 以鐵 殷 將

)政, 等不 管 劉 虚 納 唐 取 一政懼 拜 殷怒 其 殷 屬 潭州 ,遣其將陳可璠、王建武等率兵守全義嶺。 州 造瓊等以兵七千攻之, 刺史。 腴 表瓊桂管觀察使。 殷遣其將秦彦暉、 擒可璠等及其兵二千餘人, 四年, 李瓊等攻連、邵、郴、衡、道、永六州, 拜殷武安軍節度使 殷遣使聘于士政,使者 悉坑之, 逐 圍 至境上,可蹯 皆下之。 桂管

幸公 吾愛子之貌,今吾得子之心矣。 密 睿 大驚 從 行密 存 初 以 孫儒 「攻戰,數有功,爲 不 克, 汝兄貴矣, 敗 非殺 於宣州 身不 吾今歸汝可 殿弟竇爲楊行 足 人質 報 重 湖 然勉爲吾合二國之權, 一,未嘗自矜, 乎? 南 隣 密所執 境 竇 不 朝 對。 行密愛之,問實誰 夕 行密收儒 聞殿 他日又問之, 動靜 通商賈、 餘兵爲「 足矣, 易有無以相資,亦所以報我 家子 濱謝 不願 黑雲都」, , 蜜 日:「臣 去也。」行密 曰:「馬殷弟 以竇 孫儒 爲指 歎 敗卒 也 揮 行 也

也!」乃厚禮遣實歸。殷大喜,表實節度副使。

以 舟截江合擊,大敗之,劉存及陳知新戰死,彥暉取岳州。 等遂攻殷。 (求和,殷欲許之,)彥暉曰:「惟人多詐,將怠我師,不可信。」急擊之,存等退走,黃璠以瀏陽 行密遣將劉存等攻杜洪、圍鄂州、殷遣秦彦暉、許德勳以舟兵救之,已而杜洪敗死,存 殷遺彦暉拒於上流,偏將黃璠以舟三百伏瀏陽口。 \_\_存等屢戰不勝,乃致書於服

梁太祖卽位,殷遣使脩貢,太祖拜殷侍中兼中書令,封楚王。

以爲馬步軍都指揮使,率兵攻嶺南,取昭、賀、梧、蒙、龔、富等州。殷表師周昭州刺史。 乃奔於楚,綦毋章縱其家屬隨之。殷聞師周至,大喜曰:「吾方南圖嶺表,而得此人足矣。」 轉將綦毋章曰:「吾與楚人爲敵境,吾常望其營上雲氣甚佳,未易敗也。吾聞馬公仁者,待 聚飲,醉則起舞,悲歌慷慨泣下。行密聞之,疑其有異志,使人察其動靜。 州 士有禮,吾欲逃死於楚可乎?」章曰:「公自圖之,章舌可斷, 語不泄也。」師周以兵獵境上, 刺史呂師周來奔。 荆南高季昌以兵斷漢口,邀殷貢使,殷遣許德勳攻其沙頭,季昌求和,乃止。楊行密袁 師周,勇健豪俠,頗通緯候、兵書,自言五世將家,懼不能免,常與酒徒 師周益懼,謂其

彦雄 等七人送于梁。 朗州雷彥恭召吳人攻平江,許德勳擊敗之。殷遣秦彥暉攻朗州,彥恭奔於吳,執其弟 於是遭州向廢、辰州宋鄴、漵州昌師益等率溪洞諸蠻皆附于殷。 |股請

楚世家

绑

馬

般

升朗州 册 江、寧遠等軍節度使(三),洪、鄂四面行營都統 上將 爲 軍 心永順 ,殷以其弟竇爲左相,存爲右相, 軍,表張佶節度使。 殷乃請依唐太宗故事,開天册府, 廖光圖等十八人爲學士。 末帝時, 置官屬。 加殷武昌、靜 太祖 拜殷天

明宗即位 之,至其城下,季昌求和,乃止 「車駕南巡, 唐莊宗滅梁,殷遣其子希範脩貢京師,上梁所授都統印。 遣使脩貢, 丼賀明年正月, 才堪飲馬爾。」莊宗嘉之。 荆南高季昌執其貢使史光憲。 莊宗平蜀,殷大懼, 表求致仕, 莊宗問洞庭廣狹,希範 殷遺袁詮、王環等攻 莊宗下璽 書慰勞之。 對日:

州置 懽心。 旅,而收其算,歲入萬計。 力而有待爾。」於是脫始脩貢京師,然歲貢不過所產茶茗而已。 地狹兵寡,不足爲吾患,而劉龑志在五管而已,楊行密,孫儒之仇,雖以萬金交之,不能得其 殷初兵力尚寡,與楊行密、成內、 然尊王仗順,霸者之業也,今宜內奉朝廷以求封爵而外誇隣敵,然後退脩兵農,畜 由是地大力完,數邀封爵 郁又諷殷鑄鉛鐵錢, 劉龍等爲敵國,殷患之,問策於其將高郁,郁曰:「成汭 以十當銅錢一。又令民自造茶以通商 乃自京師至裏、唐、郢、復等

書右丞李序持節以竹册封之。殷以潭州爲長沙府,建國承制,自置官屬,以其弟竇爲靜江 天成二年,請建行臺。明宗封殷楚國王,有司言無封國王禮,請如三公用竹册,乃遣尙

俱高,無以爲贈,諡曰武穆」而已。 李鐸爲司 加 軍節度使,子希振武順軍節度使,次子希聲判內外諸軍事,姚彥章爲左相, E 日莊穆、 徒, · 崔穎爲司空,拓拔常爲僕射, 父元豐日景莊, 立三廟于長沙。 子希聲立。 馬珙爲尚書,文武皆進位。 長興元年,殷卒,年七十九,詔曰「馬殷官爵 盜其曾祖筠 日文肅 許德勳爲右相,

曰:「吾亦不久於此矣!」明年殷薨。 馬步獄有冤死乎? 事,莫知郁死,是日大霧四塞,殷怪之,語左右曰:「吾嘗從孫儒,儒每殺不辜, 王久矣,亟營西山, 殿以計策而楚以彊,患之,嘗使諜者行間於殷,殷不聽。 希聲字若訥,殷次子也。 」明日,吏以狀白, 將老焉,犬子漸大,能咋人矣!」希聲聞之,矯殷令殺郁。 殷建國,以希聲判內外諸軍事。 殷拊膺大哭曰:「吾荒耄如此, 希聲用事 荆南高季昌聞殷將高郁素教 ,諜者語希聲曰:「季昌 而殺吾勳舊!」顧左右 郁怒曰:「吾 ,天必 殷老不復省 一大霧 事 聞 豈

膳。 食蒸豚,世豈乏賢邪 **葬殷上演,希聲不哭泣,頓食鷄肉數器而** 希聲立,授武安、靜江等軍節度使。 ! 一」長興三年,希蟚卒,追封衡陽王。 希聲管聞梁太祖好食鷄,慕之,乃日烹五十鷄以供 起,其禮部侍郞潘起畿之曰:「昔阮籍居喪而 弟希範立。

立,襲殷官爵, 希 聲母袁 希 鉓 夫人 字實規,殷第四子也。 有美色,希聲以母寵得立,而希振棄官爲道士,居于家。 封楚王。 清泰二年, 殿子十餘人,嫡子希振長而賢,其次希聲與希範同日 賜以弓矢冠劍。 天福四年, 加希範天册上將軍 希聲卒,而希範 開府承 生, 以次 而

侈, 光圖等皆 希範 好學,善詩,文士廖光圖、徐仲雅、李辠、拓拔常等十八人皆故殷時學士,希範性 「薄徒,飲博讙 呼,獨常沉 厚長者,上 書切諫, 光圖等惡之。 奢

制

如殷故

襄 州 安從進、安州李金全叛, 晉 高 加 詔 希範出兵。 希範遣 張少敵以舟兵趨漢陽, 米

五萬斛以饋軍,金全等敗,少敵乃旋。

通 愁 桂 大 州 林 敗。 溪州 都雲 象郡 勍等攻 刺 史彭 希 溪州 範 土 尹 一愁率錦 乃立銅柱 懷昌 士愁 率 走獎州 獎諸蠻攻 其昆明等十 以爲表,命學士李辠銘之。 遣其子 澧州(豆),希範遺劉勍、 二部、牂柯 師暠 率諸 張萬濬率其夷、播 蠻 於是, 劉全明等以步卒五千擊之, 南 寧州會 溪州 等七 長莫彦殊 西接 州皆附 牂 柯 於希範 率其本 兩林, 南 部

龍殿, 希範 以八龍繞柱,自言身一 作 會春園 嘉宴堂, 龍也 其費 鉅 是時, 萬 始 契丹滅晉,中國大亂, 加 赋 於國中, 拓拔常 切 希範牙將丁思覲廷諫希範 諫以爲不 可。 希範 又作九

今天子囚辱,中國無主, 此桓、文之業也。 曰:「先王起卒伍,以攻戰而得此州,倚朝廷以制膦敵,傳國三世,有地數千里,養兵十萬人。 「孺子終不可敎也!」乃扼喉而死。 奈何耗國用而窮土木. 爲兒女之樂乎?」希範謝之. 思覲瞋目視希範曰: 真霸者立功之時。 開運四年,稀範卒,年四十九,諡曰文昭。 誠能悉國之兵出開、襄以趨京師,倡義於天下, 希廣立。

卒,常數勸希廣以位奉其兄希萼,希廣不從。 「吾不欲見此人,勿復內也。」乃謝絕之。 |希廣字德丕, 希範同母弟也。 希範平生惡拓拔常諫諍, 及臥病,始思常言,以爲忠,召之託以希廣。 常入謁,希範呼閽者指常曰: 希範

不許, 止之於碧湘宮,厚路以遺之。 已,不然宜早除之。」希廣泣曰:「吾兄也,焉忍殺之,分國而治可也。」乃以兵迎希萼於砆石 意不善, 希萼爲朗州 降璽書慰勞講解之。 ` 宜出兵迎之,以備非常,使其解甲釋兵而後入。」張少敵、 節度使,希範之卒,希萼自朗州來奔喪。希廣將劉彥瑫謀曰:「武陵之來,其 希萼怒, 送款於李景, 希萼憤然而去,乃遣使詣京師求封爵,請置邸稱藩。 舉兵攻長沙。 希廣遺劉彥蹈、 周廷誨曰:「王能與之則 許可瓊等 漢隱帝

彦 **稻敗希萼於僕射洲。** 楚 世 家 第 六 馬 舣 希萼去, 誘溪洞諸蠻寇益陽。 希廣遺崔珙璉以步卒七千屯湘

<del>平</del> ? 劉彦 京 鄉 王潭以 師 願君王入長沙,不傷同氣,臣不敢不盡節。」希導引兵去,下湘鄉,止長沙(四),屯水西。 蹈、許可瓊屯水東 漢隱帝不能 渴 諸 蠻 出師。 劉彦 」蹈以舟兵趨武陵,攻希萼。 希萼舟兵沿江而上,自號「順天將軍」,攻岳州 彥蹈敗於湄洲, 希廣大懼 刺史王贇堅城不 遣使請兵於

出,急白希廣,請殺之,希廣不聽。 而許可瓊奔于希萼,宏、滌聞之皆潰。 遂沮其議。 Ш [前,臣以步兵三千自巴溪渡江趨岳麓,侯夜擊之。」希廣以爲可,而可瓊已陰送款於希尊, 彭師暠登城望水西軍,入白希廣曰:「武陵兵驕,雜以蠻蜑,其勢易破。 明日, 師暠詣可瓊計事, 瞋目叱之曰:「視汝反文在面, 豈欲投賊乎!」拂衣而 希萼攻長樂門,牙將吳宏、楊滌戰于門中,希萼少衄,已 請令可瓊等陣

之爾。」顧其下曰:「吾欲活之,如何?」其 希 廣率妻子匿于慈堂。 明日 擒之。 希萼見之惻然曰:「此鈍夫也, 下皆不對,遂縊死之。 **豈能爲惡**。左右惑

門,希崇辭以疾,威等縱惡馬十餘匹,以壯士執檛隨之,突入其府,劫庫兵,縛希尊, 希萼悉以軍 乾祐 三年,希萼自立。 政 事 近共 弟希崇。 明年,漢隱帝崩,京師大亂, 希崇與楚舊將徐威、陸孟 希尊遂臣於李景,景册封希萼楚王 俊、 魯縮等謀作亂。 希萼置 迎希崇 酒端陽

以立。 命於景。 希崇遣彭師暠、廖偃囚希萼於衡山,師暠奉希萼爲衡山王,臣於李景。 景造邊鎬 入楚,盡遷馬氏之族于金陵,時周廣順元年也。 封希萼楚王,居洪州 希崇懼,亦請

希崇領舒州節度使,居揚州。

知、希朗皆爲節度行軍司馬。 十七人歸京師, 顯德三年,世宗征淮,下揚州,下詔撫安馬氏子孫。 拜右羽林統軍, |希能左屯衞大將軍, |希貫右千牛衞大將軍, 已而揚州復入于景,希崇率其兄弟 希隱、希濬、希

### **翠言**

辰州刺史。進達少爲靜江軍卒,事希萼爲指揮使。 劉言,吉州廬陵人也。 王進達,武陵人也。言,初事刺史彭玕,從阡奔楚,言事希範爲

之,及于武陵,翥戰大敗而還。進達乃逐出留後馬光惠, 兵皆愁怨,進達因擁之,夜以長柯巨斧斫關,奔歸武陵。希萼方醉,不能省,明日遣將唐翥追 希萼攻希廣,以進達爲先鋒, 陷長沙、 長沙遭亂殘毁, 迎言於辰州以爲帥, 希萼使進 遊以靜江兵營緝之, 進達自爲副。

楚

已而希萼將徐威等作亂,縛希萼,而立希崇,湖南大亂。

李景遣邊鎬入楚,遷馬氏于金陵,

八三

因并召言。 言不從,遺進達與行軍司馬何景眞等攻鎬於長沙,鎬敗走。

祖即以進遠為武平軍節度使。 會兵攻晟。 朱全銹爾,召而殺之,言可取也。」是時,劉晟取楚梧、桂、宜、蒙等州,進達因白言召景眞等 祖皆從之,乃升朗州爲武平軍,在武安軍上,以言爲節度使,因以武安授進違, 己所迎立,不爲之下。 周廣順三年,言奉表京師,以邀封僚。又言長沙殘破,不可居,請移治所於武陵。 信信之,遺景眞、全務往,至皆見殺,乃舉兵襲武陵,執言殺之,奉表京師,周太 |言患之,二人始有隙,欲相圖。 進逵謀曰:「言將可用者不過何景眞、 進遠自以言 周太

達聞之,輕舟而歸,與叔嗣戰武陵城外,進達敗,見殺。 語其下曰:「進達戰勝而還,吾無遺類矣。」進逵入鄂州,方攻下長山,叔嗣以兵襲武陵。 同列,待進这甚謹。進遠左右就叔嗣求路,叔嗣不與,左右讒其短,進逵面駡之,叔嗣慚恨 世宗征淮南,授進達南面行營都統。 進達攻鄂州,過岳州,岳州刺史潘叔嗣,進達故時 進

### 周行逢 子保權

周行逢,武陵人也。 與王進逵俱爲靜江軍卒,事希萼爲軍校。 進建攻邊鎬,行逢別破

楚世家第六 周行逸 校勘記

`殺李景兵二千餘人,擒其將李建期。 馬。 進逵與劉言有隙,行逢爲畫謀策襲殺言。 進遠爲武安軍節度使,拜行逢集州刺史,爲進遠 進遠據武陵,行逢據潭州

逢於潭州 叔 嗣 又欲殺我矣! 日:「吾殺 顯 ※徳元 若與武安,是吾使之殺王公也。」召以爲行 行逢 年, 進建 一」乃陽以武安與之,召使至府受命,至 拜行逢武凊軍節度使, 入武陵,或請以 救死而已, 武陵非吾利 潭州 與叔嗣,行逢日:「叔嗣殺主帥 權知潭州 也。」乃還岳州, 軍 軍司馬。 府事。 則殺之。 潘 叔嗣怒,稱疾不至,行逢怒日: 叔嗣殺進遠,或勸其入武陵 遣其客將李簡率武陵人迎行 罪當死, 以其迎我,未

力農 見之,勞曰:「吾貴 酒 敢 概殺 果於殺戮 因日 , 多恃勢以**侵民**, 以 心之乎 壯 宜先期以 "「公用法太嚴而失人心, ),故武陵農家子 土擒 ?!」行逢 ",麾下 下斬之,一境皆 卒 矣, 將 ·衆, |怒日:「此外事,婦人何知 請往 吏素恃功 夫人何自苦邪 安得遂忘 ٦, 少貧賤,無行, 視之。」至 1畏服。 驕 壠 慢者 所以不欲留者,一旦禍起,田野間易爲逃死爾。」行逢爲 畝 則 間 民過無大小皆死,夫人嚴氏 」嚴氏曰:「公思作戶 營居以老, 一以法 乎 多慷慨大言。 ! 一行逢彊 」嚴氏不悅, 繩之。 ,歲時 邀之, 大將 衣青裙 及居武陵, .長時乎? ,紿曰 十餘 以羣妾擁 押 一「家 Ĩ 佃 、諫曰:「人情 、謀爲亂, 戶送租 能儉約自勉勵, 民租 田 升月 佃 後 芦,以 入 興, 行逢 時 城。 有 嚴 常苦鞭扑, 公貴, 善惡,安得 召宴諸將 行逢 氏 卒 而性勇 頗不 無留 往就

### 少損。

如其不能,則嬰城勿戰,自歸於朝廷。」 建隆三年,行逢病,召其將吏,以其子保權屬之曰:「吾起隴畝爲團兵,同時十人,皆以 惟衡州刺史張文表獨存,然常怏怏不得行軍司馬。吾死,文表必叛,當以楊師璠討

文表爲師璠所執。延釗兵入朗州,保權舉族朝于京師,其後事具國史曰。 **璠至平津亭,文表出戰,大敗之。初,保權之乞師也,太祖皇帝遣慕容延釗討文表,未至而** 涕泣,師**璠亦泣,顧其軍曰:「汝見**郞君乎?年未成人而賢若此。」軍士奮然,皆思自効。 兒乎. ,!」遂舉兵叛,攻下潭州。保權乞師於朝廷,亦命楊師璠討文表,告以先人之言,感激 行逢卒,子保權立。 文表聞之,怒曰:「行逢與我起微賤而立功名,今日安能北面事小 師

# 殷自唐乾寧三年入湖南,至周廣順元年,凡五十七年,餘具年譜注

(一) 僖宗授建峯湖南節度使 劉建峯傅及通鑑卷二五九合。 按上文, 「僖宗」當是「昭宗」之訛 劉建峯入攻湖南, 在唐昭宗乾寧元年, 與新唐書卷一

= 末帝時加殷武昌靜江寧遠等軍節度使 他本「殷」下有「武安」二字。考通鑑卷二六八載"乾化二 13

度;武平爲朗州,乃添置使名。此當以「武平」爲正。又若事在乾化二年四月,則不得言「末帝」, 官位,內添制置靜江、武平、寧遠等軍事,皆從之」。 年四月「以楚王殷爲武安、武昌、靜江、寧遠節度使」。薛史卷一三三馬殷傳云:梁貞明中「又請 按武安為潭州,唐昭宗時馬殷已任武安節

待考。

(三) 彭士愁 「愁」,各本原作「然」。按薛史卷七八、七九晉高祖紀,卷一三三馬希範傳、通鑑卷二八

(图) 下湘鄉止長沙 二及溪州銅柱記(見溯西土司轉略第三章)均作「愁」,據改。 通鑑卷二八九、十國春秋卷六九楚廢王世家「湘鄉」均作「湘陰」。按自岳州至

長沙,當由湘陰,湘鄉非必經之地。此疑誤。

# 新五代史卷六十七

## 吳越世家第七

錢勢 子元瓘 元瓘子佐 佐弟俶

至,熟視之,顧起曰:「君之貴者,因此人也。」乃慰鏐曰:「子骨法非常,願自愛! 來,見起,反走,術者望見之,大驚日:「此眞貴人也!」起笑日:「此吾旁舍錢生爾。」術者召鏐 足當之。」起乃爲置酒,悉召賢豪爲會,陰令術者徧視之,皆不足當。 望牛斗間有王氣。牛斗,錢塘分也,因遊錢塘。占之在臨安,乃之臨安,以相法隱市中,陰求 羣兒爲隊伍,號令頗有法,羣兒皆憚之。及壯,無賴,不喜事生業,以販鹽爲盜。 縣錄 錢鏐字具美,杭州臨安人也。 臨安里中有大木, 鏐幼時興羣兒戲木下, 鏐坐大石指麾 起與術者善,術者私謂起曰:「占君縣有貴人,求之市中不可得,視君之相貴矣,然不 《事鍾起有子數人,與繆飮博,起嘗禁其諸子,諸子多竊從之遊。 豫章人有善術者, 。術者過起家,鏐適從外 」因與起決

夂

越

世家第七

錢似

日:「吾求其 非有所欲也, 直欲質吾術爾。」明日乃去。 起始縱其子等與鏐遊,

兵多, 屯諸 聞 巢衆至,聞媪語,不知其地名,曰:「嚮十餘卒不可敵,況八百里乎!」遂急引兵過。都統高駢 乃引兵趨八百里,八百里,地名也,告道旁媪曰:「後有問者,告曰:『臨安兵屯八百里矣。』」 射殺其將,以兵亂,繆引勁卒蹂之,斬首數百級。一繆曰:「此可一用爾,大衆至何可敵邪! 計 杭 及之,漢宏曰:「我宰夫也。」舉刀示之,乃免。 選不敢犯臨安,壯之,召董昌與鏐俱至廣陵。久之,駢無討賊意,昌等不見用,辭還,駢表 都兵渡江,竊取軍號,斫其營,營中驚擾,因焚之,漢宥等皆走。漢宏復遣將黃珪、何肅 州 鏐善射 中 表繆偏將,擊郢破之。是時,黃巢衆已數千,攻掠浙東,至臨安,繆曰:「今鎭兵少而賊 難以力禦,宜出奇兵邀之。」乃與勁卒二十人伏山谷中,巢先鋒度險皆單騎,鏐伏弩 和 刺史。是時,天下已亂,昌乃團諸縣兵爲八都,以鏐爲都指揮使,成及爲靖江都將。 蕭山 二年,越州觀察使劉漢宏與昌有隙,漢宏遣其弟漢宥、都處候辛約,屯兵西陵。 與樂,稍通圖緯諸書。 唐乾符二年, 浙西裨將王郢作亂,石鑑鎭將董昌募鄉兵

四年 層宗遣中使焦居璠爲杭、越通和使,詔昌及漢宏罷兵,皆不奉詔。 漢宏遣其將朱

|Щ, 褒 施堅實等降, 韓公政、 施堅實等以 遂攻破 越州 舟兵屯望海。 漢宏 走台州 多出平水, 台州刺史執漢宏送於鏐, 成及夜率 奇兵破褒等於曹 斬于會稽, 城埭, 進屯豐

鏐乃奏昌代漢宏,而自居杭州。

稜等進 爲帥 亂 六合鎮將徐約攻取蘇州 光啓三年,拜鏐左衞大將軍、杭州 攻潤 鏐 遣 州 都將成及、杜稜等攻常州 逐劉浩, 執薛朝, 浬 州 剖其心以祭寶。 牙將劉浩逐其帥 刺史, 取周寶以歸, 昌越州觀察使。 然後遣其弟母政徐約,約敗走入海, 周寶, **鏐具軍禮郊迎**, 寶奔常州 是歲, 畢師鐸囚高駢, 館寶於樟亭, 浩推度支催勘官薛朝 寶病卒。 淮南 追殺

爲 及 所 貧 而鏐以 客 杭州 昭宗 行 武 拜鏐杭州防禦使。 據 女妻及子仁琇 勝 淮南 第二 取 潤 拜繆 州 都團 鏐乃以 鏐亦 是時, 練 取蘇、 使 楊行密、 杜稜、阮結、 以 常。 反成 及 孫儒爭淮南, 唐升 爲副使。 顧 越州 全 武 威勝軍, 等爲將 及字弘濟, 與鏐戰蘇 校, 以董 與繆 沈崧、皮光業、 常間。 昌 為節 同 事 度使, 久之, 攻討 儒爲 謀 封 多 隴 羅 出 行 西 於 郡

州董 昌反 景 福 昌素愚 年, 拜鏐 不 鎭 海 能 決事 軍 節 度使、潤州 臨民 訟,以骰子擲之, 刺 史。 乾寧元年,加 而勝者為直 同 1-17 書門 妖人應智 下 平 章 王温 事 巫韓娼 一年

煲

越

111

家

篙

置中。 昌大怒,使人斬竭,持其首至,駡曰:「此賊負我好聖,明時三公不肯作,乃自求死邪! 間 元順天,分其兵爲兩軍,中軍衣黃,外軍衣白,銘其衣曰「歸義」。副使黃竭切戒昌以爲不 等,以妖言惑昌,獻鳥獸爲符瑞。 多圖 昌乃以書告鏐,鏐以昌反狀聞 日其形禱祠 之,視王書名與圖 牙將倪德儒謂昌曰:「囊時謠 類。」因出圖以示昌,昌大悅, 言有羅平鳥主 乃自稱皇帝 一越人禍 國號羅平, 福 可 改

將,今何面 殺眞,兵乃敗。全武執昌歸杭州,行至西小江,昌顧左右曰:「吾與錢公俱起鄉里,吾嘗爲大 輒敗。 請待罪, 鏐乃還兵。 伐。」以兵三萬屯迎恩門,遣其客沈滂酃昌使改過。昌以錢二百萬犒軍,執應智等送軍中, 「義救昌。繆遣顧全武攻昌,斬崔温。 昌所用諸將徐珣、湯白、袁洲皆庸人,不知兵,遇全武 昭 唱 兄 子 宗 下韶削昌官爵、封鏐彭城郡王、浙江東道招討使。 「復見之乎!」左右 ,眞,驍勇善戰,全武等攻之,逾年不能克。 昌復拒命,遣其將陳郁、崔温等屯香嚴、石侯,乞兵於楊行密,行密遣安 「相對泣下,因瞋 [目大呼,投水死。 眞與其裨將刺羽有隙, 羽譖之, 昌 |鏐日:「|董氏於吾有恩,不可遽

年, 加 檢 移 校太 昭宗 5鎮海軍於杭州 、尉、中書令,賜鐵券,恕九 以宰相王溥鎭越州,溥請授鏐,乃改威勝軍爲鎭東軍,拜鏐鎭海、鎭東軍節度使、 加鏐檢校太師, 死。 改鏐鄉里日廣義鄉勳貴 鏐 如 越州 受命, 還治錢塘、號越州爲「東府」。光化元 里 鏐素所居營日 衣錦營

婺州 壇 季宣州 刺史王壇叛附于淮南,楊行密遣其將康儒應壇,因攻睦州。 昭宗韶鏐圖形凌煙閣,升衣錦營爲衣錦城,石鑑山日衣錦山, **鏐遣其弟録敗儒於軒渚** 大官山日功臣山。

|鏐游||衣錦城,宴故老,山林皆覆以錦,號其幼所嘗戲大木曰「衣錦將軍」。

使顧 陵,行密以女妻元暸,亟召 公 镠 者。」鏐曰:「吾嘗欲以元璙婚楊氏。」乃使隨全武如廣陵。 掠 [大丈夫,今以難告,必能閔我。]鏐以爲然。 與縮戰,斬首百餘級,綰屯龍興寺。 城郭,攻內城,鏐子傳瑛及其將馬綽、陳爲等閉門拒之。 鏐歸,至北郭門不得入。 成及代 全武備東府,全武曰:「東府不足慮,可慮者准南爾,綰急, 天復二年,封鏐越王。 鏐巡衣錦城,武勇右都指揮使徐綰與左都指揮使許再思叛,焚 70 取 多 鏐微服踰城而入, 遣馬綽、王榮、杜建徽等分屯諸門, 錢百萬,質鏐子元瓘而 全武曰:「獨行,事必不濟, 縮果召田頵於宣州。 必召潍兵至,患不細矣。 歸。 請擇諸公子可行 全武等至廣

年 升衣錦城爲安國衣錦 天祐元年, 封鏐 吳王, 鏐建 軍 [功臣堂, 立碑紀功, 列賓佐將校名氏於碑陰者五百人。四

謀邪 太祖笑曰:「真英雄 梁太祖 」遂受之。 即位,封鏐 太祖嘗問 也。 」乃以玉帶一匣、打毬御馬十匹賜之。 吳越王兼淮南節度使。 | 吳越進奏東日:「錢鏐平生有所好 客有勸鏐拒梁命者,鏐笑曰:「吾豈失爲孫仲 乎? 江西危全諷等爲楊渥所敗,信 」 東日:「好玉帶、 名馬。」

熀

越世

家

第

七

磀

63

鄕

爲

衣

錦

鄉。

三年,

加守太保

州 危 仔 倡 奔 於鏐 缪恶 其姓 改 百元。 開平二年,加鏐守中 書令, 改臨安縣爲安國

過,入城中,其出也亦然。 中 斷 楊 潛 渥 行 將周本、 者。 水軍卒司 陳章 圍蘇州, 馬福 乃取其軍號,內外夾攻,號令相應,淮人以爲神, 多智而善水行, | 響遣其弟鋸、 |

雲

変

変

之

。 乃先以巨 准兵爲水栅環城, 一竹觸網 准人開鈴聲遂 以銅鈴繋網 遂大敗之, 本等 舉 網 沈 福 乃 水

擒其將閭丘直、何明等。

欺 次衣錦軍 吳越一王 京 末帝貞明三年,加鏐天下兵馬 四年 , 龍 駟 **德元**年, 馬歸。」乾化元年,加鏐守尚書令,兼淮南、 賜鏐 詔 書不名。 都元 帥, 懼罪奔于淮南。 開府置官屬。 四年, 宣潤等道四面行營都統。 二年, 楊隆演取虔州, 梁郢王友珪立,册尊鏐尚 |鏐始 由 立 生 祠

使册 稱 册· 吳越 郭崇韜尤為不 新 唐 莊 羅 亟 王, 宗 渤 入洛 海王, 更名所居曰宮殿、府 可, 缪遣 海中諸國 旣 使貢 而許之,乃賜鏐 獻, 皆封拜其君長。 水玉 朝 册。 官 玉 莊宗 屬 册 皆 下其議於有司, 金印。 稱臣, 鏐 起玉册、金劵、韶書三樓於衣錦 因 以鎮海等軍節度授 羣臣皆以謂非天子不得用 其子 元

遭

自

以絹 表間道自陳。安重誨死, ,既還,政誣昭遇稱臣舞蹈,重誨乃奏削鏐王爵、元帥、尙父,以太師致仕。 明宗即位,安重誨用事,鏐致書重誨,書辭嫚,重誨大怒。 明宗乃復鏐官督。 長興三年,鏐卒,年八十一,諡曰武肅。 是時,供奉官烏昭遇、韓政使 元瓘等遣人 子

元瓘立。

題母嘗蔽護之。 <u>元瓘字明寶,少爲質於田頵。頵叛於吳,楊行密會越兵攻之,頣每戰敗歸,即欲殺元瓘,</u> 後題將出,語左右曰:「今日不勝,必斬錢郎。」是 日頵戰死,元瓘得歸。

許爾矣。」鏐卒,元瓘立,襲封吳越國王,玉册、金印,皆如鏐故事。 皆曰:「元瓘從王征伐最有功,諸子莫及,請立之。」鏐乃出筦鑰數篋, 召元瓘與之日:「諸將

1多以

、病,召諸大將吿之曰:「吾子皆愚懦,不足任後事,

吾死,

,公等自擇之。」諸將泣下,

是歲卒,年五十五,諡曰文穆。 瓘 好治宫室。 亦 湾無網 王 延政 士,好儒學,善爲詩,使其國相沈崧置擇能院,選吳中文士錄用之。然性尤奢僭, 自立於建州,閩中大亂,元瓘遣其將仰詮、薛萬忠等攻之,逾年,大敗而歸。 天福六年,杭州大火,燒其宮室迨盡,元瓘避之,火輒隨發, 子佐立。 元瓘大懼, 因病狂,

明州 、李文慶於陸 佐 字 酤 立 一時年十三, 州 ,殺內都監杜 諸將皆少佐,佐初優容之,諸將稍不法, 昭達、統 軍 ·使嚴璠,由是國中皆畏恐。 佐乃黜其大將章德安於

其統 附 萬計,獲其將楊業、蔡遇等, 吾爲元 于李景, 軍 一延義、 · 使張筠、趙承泰等率兵三萬,水陸赴之。 加,而 已而又 延政兄弟相攻, 不能舉兵邪? 叛,景兵攻之, 遂取福州 諸將吾家素畜養,獨 卓儼明、朱文進、李仁達等自相篡殺, 仁達求救於佐。 而還, 由是諸將皆服 遣將誓軍,號令齊整。 佐召 不肯以身先 諸 將計事,諸將皆不欲行,佐奮 光我乎? 連兵不解者數年。 有異吾議者 筠等大敗景兵, 斬 俘馘 乃遣

佐 立 -1 年,襲封吳越國王,玉 一册、金印, 皆 1如元瓘 開運 四年,佐卒,年二十,諡 日忠獻

弟俶立。

除將殺己。 之, 除 用 大関 進思等爲 何 |俶 !見咎 兵 字文德。 於 也 次 碧 波 《大將。 佐 是夕擁衛兵廢除, 亭, 佐卒, 進思大懼 旣 方第賞, 年少, 弟倧 以次立。 蔵除, 進 進思 囚於義和院, 思以 前諫以賞太厚, 畫工 、舊將 杒, 獻 自待、甚 鍾馗擊 元瓘質於宣州,以胡進思、 迎俶立之,遷除于東府 見尊禮,及倧 鬼圖 倧 怒 擲 筆 水 中 **除以詩題** У, 白:「以 圖 頗 Ŀ, 戴惲 |俶歷漢、周, 卑侮 進思 物與 之, 等自隨, 見之大悟, 軍 進思 襲封吳越 元 不 吾豈 能 瓘 立, 平。 私 知

國王,賜玉册、金印。

可奪。 程等僅以身免。 千人至于通州以會期。 請舉兵以應。像相國吳程遽調兵以出,相國元德昭以爲王師必未渡淮,與程爭於俶前,不 安撫,境上皆戒嚴。 世宗征淮南、詔俶攻常、宣二州以牽李景、俶治國中兵以待。 | 程等攻常州,果爲景將柴克宏所敗,程裨將邵可遷力戰,可遷子死馬前, 周師渡淮,俶乃盡括國中丁民益兵,使邵可遷等以戰船四百艘、水軍萬七 蘇州候吏陳滿不知景使,以謂朝廷已克諸州,遣使安撫矣, 景聞周師將大舉,乃遺使 猶戰不顧, 亟言於俶

世宗已平淮南,遣使賜俶兵甲旗幟、橐駝羊馬。 常飄溺其使。 「殷此行決平江北,卿等還當陸來也。」五年,王師征淮,正月克靜海軍,而日就等果陸還。 吳越自唐末有國,而楊行密、李昪據有江淮。吳越貢賦,朝廷遣使,皆由登、萊泛海,歲 顯德四年,韶遣左諫議大夫尹日就、吏部郎中崔頌等使于俶,世宗諭之曰:

不勝其苦。又多掠得嶺海商賈寶貨。當五代時,常貢奉中國不絕,及世宗平淮南, 廷,凡一簿所負,唱其多少,量爲答數,以次唱而答之,少者猶積數十,多者至答百餘,人尤 民以事奢僭,下至鷄魚卵鷇,必家至而日取。每答一人以責其負,則諸案史各持其簿列于 宋興,

奂

越世家

第

七

鋑蟉

校勘記

|俶喜, 年,詔俶來朝,俶舉族歸于京師,國除。 |井| 楚諸國相次歸命 益以器服珍奇爲獻 ,俶勢益孤,始傾其國以事貢獻。 不可 勝 數。 其後 太祖 事 曰:「此 具國 史。 吾帑中物爾, 太祖皇帝時,俶嘗來朝,厚禮遣還國 何用 獻爲 ・」太平 興國

之言,不中者多,而中者少,而人特喜道其中者歟〇。 而人亦樂爲之傳歟?考錢氏之始終,非有德澤施其一方,百年之際,虐用其人甚矣,其動 祥,豈其欺惑愚衆,有以用之歟。蓋其興也,非有 氣象者 嗚呼!天人之際,爲難言也。 豈非其孽歟?是時四海分裂,不勝其暴,又豈皆然歟?是皆無所得 非徒自古術者好奇而幸中,至於英豪草竊亦多自託於妖 功德漸積之勤,而黥髠盜販,倔起於王侯 而推歟? 術者 於

○ 醪世興滅,諸曹皆同,蓋自唐乾寧二年爲鎭海、鎭東軍節度使兼有兩浙,至皇朝太平興國三年國除,凡八十四年

武 七七吳越武肅王世家均作「勝」,據改 勝軍 「勝」,汪本作 「陵」,他 本均作「威」。新唐書卷六八方鎮表、通鑑卷二五九及十國春秋卷

# 新五代史卷六十八

## 閩世家第八

王審知 子延翰 子鳞 鳞子糨陨 延義 延政

攻緒。 後 前鋒將大悟,與潮相持而泣。 所脅爾, 者,多因事殺之,潮頗自懼。軍次南安,潮說其前鋒將曰:「吾屬棄墳墓、妻子而爲盜者,爲緒 蔡州秦宗權方募士以益兵,乃以緒爲光州刺史,召其兵會擊黃巢。 自殺。 唐末羣盜起,壽州人王緒攻陷固始,緒聞潮兄弟材勇,召置軍中,以潮爲軍校。 王審知字信通,光州固始人也。 緒率衆南奔,所至剽掠,自南康入臨汀,陷漳浦,有衆數萬。 `豈其本心哉!今緒雄猜,將吏之材能者必死,吾屬不自保朝夕, 況欲圖成事哉! 乃選壯士數十人,伏篁竹間,同緒至,躍出擒之,囚之軍中。緒 父恁,世爲農。 兄潮, 爲縣史。 緒性猜忌, 部將有材能 緒遲留不行, 宗權發兵 是時,

遣審知 克之。 潮 日:「兵 泉 以 人苦 審 緒 、與將 攻暉 光啓 乏, 知 見 爲 聞 俱 三年 副 ٠, 廢 潮 盡, 使。 间 略 吾當 克,士卒傷 福 地 鋒 建 至 將日:「生我者潮 觀察使陳嚴表潮泉州刺史。 **工**其境, 自往。」審 死甚衆, 而軍 知乃親督 行整崩, 審 也。」乃推潮爲主。 知 士卒攻 清 其香老 班 師, (破之, 相率 潮不 景福 遮道留之, 許。 元年巖 是時, 又請 卒 泉州 唐即 湖自 , |潮 其壻范暉自 刺史廖彦若爲政 以潮爲 臨 引兵國彦若, 軍, 且 福建 稱留後。 益 兵, 觀 察使, 貪暴, 潮 逾 潮 年

吖 自 加 晉 拜 唐以 審 審 知 知 朝 中書 福 爲 資于 州 X 令, 爲 狀 梁,使者 心兒雄 威 封 武 | 閩王,升福州 軍 偉,隆準方 ට , 拜審 海,覆溺 知 節 口,常乘 爲 常 腹使, 大 十三 都 督府。 累 白 70 馬, 遷 同 軍中號「白 中 是 時 書 門下 楊 行 · 章 馬三 密據有 鄭。 事 封 江 乾寧四年, 琅琊 淮 審 知 歲 潮 唐 遣 卒 使 梁太 審 知 祖 代

黃 寅 小崎 唐 審 波濤 時 知 知 雖 爲阻 名 起盜 進 王 贼, 皆依 月 而 風 爲 審 ায় 人儉約, 雷 知 電 仕 震 宦 擊, 又 好 開 禮 建 以爲 學 下 士。 DU 港 門 王 以 圓 淡, 教閩 人 以爲審 唐相溥 土 之 ~秀者。 知德政所致 之子; 招 楊沂, 來 海 號爲甘棠港 中 唐 蠻 相 夷 涉 商 從弟 賈。 海

審知同光三年卒,年六十四,諡曰忠懿。子延翰立。

延翰 乃取 延翰字子逸、審知長子也。 司 馬遷史記閩越王無諸傳示其將東曰:「閩,自古王國也,吾今不王,何待之有?」 同光四年,唐拜延翰節度使。 是歲, 莊宗遇弑, 中國多故,

軍府將吏上書勸進。 十月,延翰建國稱王,而獨稟唐正朔。

又以鐵錐刺之,一歲中死者八十四人。 多選良家子爲妾。 延翰為 人長大,美皙如玉,其妻崔氏陋而淫,延翰不能制。 催氏性妬,良家子之美者,輒幽之別室,繫以大械, 崔氏後病,見以爲祟而卒。 審知喪未期,徹其几筵,又 刻木爲人手以擊頰,

州 刺史,延鈞怒。 審知養子建州刺史延稟,本姓周氏,自審知時與延翰不叶。 二人因謀作亂。 十二月,延稟、延鈞皆以兵入,執延翰殺之。 延翰立,以其弟延鈞爲泉 而延鈞立,

更名鳞。

審知次子 也。 唐即拜鳞節度使,累加檢校太師、中書令,封閩王。

達拒之。 來! 以養子,推鳞而立之。 」鳞銜之。 初,延稟與鏻之謀殺延翰也,延稟之兵先至,已執延翰而殺之,明日鏻兵始至,延稟自 仁達伏甲舟中,僞立白幟請降,繼雄信之,登舟,伏兵發,刺殺之,梟其首西門,其 長興二年,延稟率兵擊鳞,攻其西門,使其子繼雄轉海攻其南門,鳞遣王仁 延稟還建州,鳞餞于郊,延稟臨訣謂鱗曰:「善繼先志,毋煩老兄復

闡

兵見之皆潰去,延稟見執。 | 講說之曰:「予不能繼先志,果煩老兄復來 」延稟不能對,遂殺

之。延稟子繼昇守建州、開敗,奔于錢塘。

唐 不報,鏻遂絕朝貢。 長興三年,鳞上書言:「楚王馬殷、吳越王錢鏐皆爲尙書令,今皆已薨,請授臣尙書令。」

祖,立五廟,置百官,以福州爲長樂府。而閩地狹,國用不足,以中軍使薛文傑爲國計使。 位,受册於寶皇,以黃龍見眞封宅,改元爲龍啓,國號閩。追諡審知爲昭武孝皇帝,廟號太 命王 左右多姦臣,不質諸鬼神,將爲亂。」鳞使彥視鬼於宮中。 文傑多察民間陰事,致富人以罪,而籍沒其貲以佐用,閩人皆怨。又薦妖巫徐彦,曰:「陛下 元問寶皇:「六十年後將安歸?」守元傳寶皇語曰:「六十年後,當爲大羅仙人。」鳞乃卽皇帝 |少避其位,後當爲六十年天子。」|鱗欣然遜位,命其子||艦鵬權主府事。 |鳞好鬼神、道家之說,道士陳守元以左道見信,建寶皇宮以居之。|守元謂鳞曰:「寶皇 旣而復位,遣守

|英以爲然。明日,諷鳞使巫視英疾,巫言:「入北廟,見英爲崇順王所訊,曰:『汝何敢謀反?』 將罷公。」英曰:「奈何?」文傑因教英曰:「卽上遣人問公疾,當言『頭痛而已,無佗苦也。』」 (金槌擊其首。)|鳞以語文傑,文傑曰:「未可信也,宜問其疾如何。」|鳞遣人問之,英曰:「頭 文傑與內樞密使吳英有隙印,英病在告,文傑謂英曰:「上以公居近密,而屢以疾告, 的世家第八 王審知

令上下通,中以鐵芒內嚮,動輒觸之,旣成,首被其毒。 食立盡。明日,鏻使者至,赦之,已不及。初,文傑爲鏻造檻車,以謂古制疏闊,乃更其制, 乃進。」鏻惜之不與,其子繼鵬請與之以紓難,乃以檻車送文傑軍中。文傑善數術,自占云: 「過三日可無患。」送者聞之,疾馳二日而至,軍士踴躍,磔文傑於市,閩人爭以瓦石投之,臠 士聞<u>英死,皆怒。是歲,吳人攻建州,鳞遣其將王延宗救之,兵士在道不肯進,曰:「得文傑</u> 痛。」鳞以爲然,即以英下獄,命文傑劾之,英自誣伏,見殺。 英嘗主閩兵,得其軍士心,軍

與金帛慰安之。退而謂人曰:「仁達智略,在吾世可用,不可遺後世患。」卒誣以罪殺之。 今陛下聰明,朝廷官不滿百,起居動靜,陛下皆知之,敢有作威福者,族滅之而已。」鳞慚,賜 高指鹿爲馬,以愚二世,果有之邪。」仁達曰:「秦二世愚,故高指鹿爲馬,非高能愚二世也。 龍啓三年,改元永和。王仁達爲鏻殺延稟有功,而典親兵,鏻心忌之,嘗問仁達曰:「趙

歸郎以通陳氏。今命錦工作九龍帳,國人歌曰:「誰謂九龍帳,惟貯一歸郎?」 嬖吏歸守明者,以色見倖,號歸郎,鳞後得風疾,陳氏與歸郎奸。又有百工院使李可殷,因 鳞妻早卒,繼室金氏賢而不見答。審知婢念鳳,姓陳氏,鱗嬖之,遂立以爲后。初,鱗有

Yand Marker (1985) Yand Marker | 鳞婢春灩有色,其子繼鵬蒸之,鳞已病,繼鵬因陳氏以求春鸝,鳞怏怏與之。 其次子繼

罪,做懼而出,與繼鵬率皇城衞士而入。||鏻聞鼓噪聲,走匿九龍帳中, 不忍其苦,爲絕之。繼韜及陳后、歸郎皆爲做所殺。鳞立十年見殺,諡曰惠皇帝,廟號太宗。 延稟來, 做以爲鳞病已甚,乃令壯士先殺|李可殷于家。 明日晨朝,鳞無恙, 衞士刺之不殂, 宮人 問做殺可殷何

繼 鵬,鏻長子也。 既立,更名冠,改元通文,以李做判六軍諸衞事

殺之,梟其首于市。 做 [有弑君之罪,既立规,而心常自疑,多養死士以爲備。|规患之,因大享軍,伏甲擒做 做部曲千人叛,燒啓聖門,奪做首,奔於錢塘

王三。 元弼 貢 至京 媳,以手掩 甚盛。 物 俯 不 師 晉 伏 貢方物,致書晉大臣, 佗日損遇乙于塗,布衣芒屬而已,損使人誚之曰:「鳳閣 損至閩, 天福二年, 日:「昶, 面而走。 兵部員外郎李知 | 展稱疾不見,令繼恭主之。又遣中書舍人|劉乙勞損于館,乙衣冠偉然, 東貊之君,不知禮義,陛下方示大信,以來遠人,臣將命無狀,願 |昶遣使朝貢京師, 損 述昶意求以敵國禮 上書請籍沒其物而禁錮 高祖遣散騎常侍盧損册昶閩王, 相往 來 使者, ,高祖怒其不遜, 而其子繼恭遣其佐鄭元弼隨損 於是以元弼下獄。 ·舍人,何偪下之甚也!」<br/>」乙羞 下詔暴其罪, 拜其子繼恭臨海郡 獄具引見, 伏斧頸,

以

贖昶罪。

。」高祖乃赦元弼,

遺歸

腿所 地 黄 予給賞,獨厚於佗軍。 后。 言

冠宮中當有災,

現徙南宮避災, 門衞 繼業執而殺之,及其妻、子皆死無遺類。 太上老君像, 延望及其子五人。後興事敗,亦被殺。 延義, 親信,昶以火事語之,郯反以告重遇。 三年夏,虹見其宮中,林興傳神言:「此宗室將爲亂之兆也。」乃命興率壯士殺審知 又遣醫人陳宪以空名堂牒賣官。 重 遇迎 土 一斬關而出,宿于野次。 審知少子也。 延羲立之。 日焚龍腦、薰陸諸香數斤, 作樂于臺下, 控鶴都將連重遇、拱宸都將朱文進,皆以此怒激其軍。 延義令其子繼業率兵襲利印力, 既立,更名曦,遣使者朝貢于晉,改元永隆。 而宮中火,昶疑重遇軍士縱火。 重遇懼,夜率衞士縱火焚南宮,昶挾愛姬、子弟、 延羲立,諡昶日康宗。 及之,射殺數人,昶知不免,擲弓于 晝夜聲不輟, 內學士陳郯素以便佞爲 鑄 大鐵錢,以一當十。 云如此可求大還 是歲夏,倘 其賜 子延

閩

#

家

第 八

 $\pm$ 

審 知

八兀

尊、

大

小

興輒以寶皇語命之而後行。

秘

亦好巫,拜道士譚紫霄爲正一先生,又拜陳守元爲天師,而妖人林興以巫見幸,事無

守元教昶起三清臺三層,以黃金數千斤鑄寶皇及元始天

劍 《獻劍,曦思||倓前言,而||倓已死,命發冢戮其尸,||倓面如生,血 朦 自 昶 世 噩 難制 不敢有所發。 新 羅 | 駿既立 遣使聘閩 而 新羅 以寶

流

被體

復

噩 御 諫 :史中丞劉贊坐不糾舉,將加笞,諫議大夫鄭元弼切諫,曦謂元弼曰:「卿何如魏鄭公,乃敢 「皇后上貢 泉州 」元弼曰:「陛下似唐太宗,臣爲魏鄭公可矣。」曦喜,乃釋贊不答。 刺史余廷英嘗矯曦命掠取良家子,曦怒,召下御史劾之。廷英進買宴錢千萬, 《何在?」廷英又獻皇后錢千萬,乃得不劾。 曦 嘗嫁女, 朝士有不賀者答之。

其後 算商之法以獻,曦曰:「匡範,人中寶也。」已而歲入不登其數,乃借於民以足之,匡範以憂死。 事 ,誅之。諫議大夫黃峻异櫬詣朝堂極諫,曦怒,貶峻漳州司戶參軍。校書郞陳光逸上書 |知其借於民也,剖棺斷尸,棄之水中。 | 曦弟延政爲建州節度使,封富沙王,自曦立,不叶,數舉兵相攻,曦由此惡其宗室,多以 十餘事,曦命衞士鞭之百而不死,以繩係頸,掛于木,久而乃絕。國計使陳匡範增

爲 一人。連重遇殺昶,懼爲國人所討,與朱文進連姻以自固。曦心疑之,常以語誚重遇等,重 相 |酸性 | | | | | | | | 一旣淫虐,而妻李氏悍而酗酒,賢妃尙氏有色而寵。李仁遇曦甥也,以色嬖之,用以 爲 牛飲,羣臣 一侍酒,醉而 不勝,有訴及私棄酒者輒殺之。諸子繼柔棄酒,丼殺其贊

公,奈何?」重遇等懼。六年三月,曦出遊,醉歸,重遇等遣壯士拉於馬上而殺之,諡曰景宗。 遇等流涕自辨。李氏妬尚妃之寵,欲圖曦而立其子亞澄,乃使人謂重遇等曰:「上心不平於二

|曦乃舉兵攻延政,爲延政所敗。 延政,密知子也。 曦立,爲淫虐,延政數貽書諫之。 延政乃以建州建國稱殷,改元天德 曦怒, 遣杜建崇監其軍, 延政逐之,

王繼 迎延政都福州 于延政。 黃紹頗守泉州,程贇守潭州,許文縝守汀州,稱晉年號,時開運元年也。 其州人曰:「富沙王兵收福州矣,吾屬世爲王氏臣,安能交臂而事賊乎? 殿,率百官北面而臣之。文進以重遇判六軍諸衞事,王氏子弟在福州者無少長皆殺之。以 淫虐不道。今天厭王氏,百姓與能,當求有德,以安此土。」羣臣皆莫敢議,乃掖朱文進升 勵爲刺史,潭州聞之,亦殺贇,迎王繼成爲刺史,皆王氏之諸子也。 明年,連重遇已殺曦,集閩羣臣告曰:「昔太祖武皇帝親冒矢石,遂啓有閩,及其子孫, 延政已得三州, 重遇亦殺文進, 傳首建州以自歸。 福州裨將林仁翰又殺重遇,謀 」州人共殺紹頗,迎 泉州軍將留從劾詐 文縝懼,以汀州降

福州將李仁達謂其徒曰:「唐兵攻建州,富沙王不能自保,其能有此土也?」乃擒繼昌殺之。 是時,南唐李景聞閩亂,發兵攻之,延政遣其從子繼昌守福州,而南唐兵方急攻延政,

閩世

家第

王

審知

校

勘記

臣之。 欲自立, 懼衆不附, 已而又殺儼明,乃自立,送款于李景,景以仁達爲威武軍節度使,更其名曰 以雪峯寺僧卓儼明示衆曰:「此非常人也。」被以衮冕, 率 諸將 弘義 吏北 面 m ITI

景兵攻破建州,遷延政族於金陵,封鄱陽王。是歲,景保大四年也。

州 是時,世宗與李景畫江爲界,遂不納,從効仍臣于南唐。 已破延政,遣人召李仁達入朝,仁達不從,遂降于吳越。 景猶封從効晉江王。 留從効聞延政降唐,執王繼勳送于金陵,李景以泉州爲淸源軍,以從効爲節度使。 周世宗時,從激遣牙將察仲興爲商人,間道至京師,求置邸內屬。 其後事具國史曰。 而留從効亦逐景守兵,據泉、潭二

晉開運三年丙午,南唐保大四年也。 是歲,李景兵破建州, 王氏滅。 元年爲始,實五十五年也。<br />
今諸家配其國滅丙午是也。<br />
其始年則牽於讖書,繆矣。惟江南錄又差其末年也。<br /> 光啓二年歲在丙午拜泉州刺史爲始年,至保大四年,歲復在丙午而滅,故爲六十一年。然其奄有閩國,則當自景福 慶。」醪也。據王潮實以唐景福元年入福州,拜觀察使,而後人紀録者,乃用「騎馬來、騎馬去」之識以爲據,**遂以** 江南錄云:「保大三年,廣王氏之族, 逐于金 王潮

#### 校勘記

- 吳英 通鑑卷二七八及十國春秋卷九一閩惠宗紀作「吳勗」。
- 子繼 通鑑卷二八一及十國 春秋卷 九一 岡康宗紀 俱云 機恭為機鵬弟
- 子繼業 通鑑卷二八二云繼業爲延羲兄子, 十國春秋卷九一閩康宗紀稱繼業爲延義從子。

# 新五代史卷六十九

### 南平世家第九

**高季與** 子從酶 從酶子保融 保易 保融子繼冲

鋒去矣。」岐人以爲然,開門出追梁軍,梁兵隨景後以進,殺其九千餘人,景死之。茂貞後與 還理,願錄其後嗣。」太祖惻然止之,景固請,乃行。景以數騎馳叩城門告曰:「梁兵將東,前 傑窺此舉者一歲矣,今岐人已憊,破在旦夕,而大王之所慮者,閉壁以老我師,此可以誘致 州富人李讓家僮。 之也。」太祖壯其言,命季興募勇敢士,得騎士馬景,季興授以計,引見太祖。 景曰:「此行無 天復二年,梁兵攻鳳翔,李茂貞堅壁不出,太祖議欲收軍還河中,季興獨進曰:「天下豪 高 季興字貽孫,陝州俠石人也。 梁太祖初鎭宣武,讓以入貲得幸,養爲子,易其姓名曰朱友讓。 本名季昌,避後唐獻祖廟諱,更名季興。 季興少為汴 季興以

南

平世家第

九

高季

Ą

復姓高氏。

梁 和 昭宗 出 ,贈景官, 諡 日忠壯。季興由是知名。 明年,拜宋州刺史。 從破靑州, 徙潁州防

保義 火之後,井邑凋零。 奔 同 一中書門下平章事。 于吳,匡明奔于蜀 等爲賓客 唐之末,襄州趙匡凝襲破雷彥恭于荆南,以其弟匡明爲留後。 季興招緝綏撫,人士歸之,乃以倪可福、鮑唐爲將帥, 荆南 乃以季興爲 !節度十州,當唐之末,爲諸道 荆南節度觀察留後。 所侵,季興 開平元年, 拜季興 (始至, 梁兵攻破襄州, 江陵 餡 梁震、 度使。 城而已, 司空薰、王 匡 凝

宗壽 封 季興 所敗。 太祖 分別 海 崩,季興 王 又發兵聲言助梁擊晉,以侵襄州, ,賜以衮冕劍佩。 見梁日以衰弱,乃謀阻兵自固,治城隍,設樓櫓。 貞明三年,始復脩 爲 孔 勍所 盲 敗, 乃絕貢 賦累年。 以兵攻歸、峽, 梁末帝優容之, 爲蜀將王

崇韜 興以身述職,爲諸侯率,宜加恩禮,以諷動來者。 梁、 〈朝,行爲虜爾。」季興不聽,留其二子,以騎士三百爲衞,朝于洛陽。 諫曰:「唐新滅梁得天下,方以大信示 唐世爲仇敵,夾河血 梁 唐莊宗入洛, 一戰垂二十年,今主上新滅梁,而大王 下詔慰諭 季 興, 司空薰等皆勸季興 人,今四方諸侯相 而反繫之,示天下以不廣,且絕四方內向 繼 一梁室 入朝京師, 入貢,不 一故臣 過遣子 , 握彊 莊宗 梁震以爲不 兵,居重鎮,以 果欲留之, 弟將吏,而季 可 郭

魏王繼岌已破蜀,得蜀金帛四十餘萬,自峽而下,而莊宗之難作。季興聞京師有變,乃悉邀 留蜀物,而殺其使者韓珙等十餘人。 於衣,歸以爲榮耀。季興已去,莊宗心悔遣之,密詔襄州劉訓圖之。季興行至襄州,心動, 先?」季興曰:「宜先蜀,臣請以本道兵先進。」<u>莊</u>宗大悅,以手拊其背,季興因命工繡其手迹 上得天下。』其自矜伐如此。而荒于遊畋,政事多廢,吾可無慮矣。」同光三年,封南平王。 夜斬關而出。 之意,不可。」莊宗乃止,厚禮而遣之。 二失:來朝一失,放還一失。且主上百戰以取河南,對功臣誇手抄春秋;又曰:『我於手指 已去,而詔書夜至。|李興歸而謂梁慶曰:「不聽子言,幾不免。」因曰:「吾行有 莊宗嘗問季興日:「吾已滅梁,欲征吳、蜀,何者爲

爲季興請自取之,而兵出無功,不與。季興屢請,雖不得已而與之,而唐猶自除刺史,季興 季興遂以荆、歸、峽三州臣于吳,吳册季興秦王。 拒而不納。明宗乃以襄州劉訓爲招討使,攻之,不克,而唐別將西方鄴克其變、忠、萬三州, 討使,而季興未嘗出兵。魏王已破蜀,而明宗入立,季興因請變、忠等州爲屬郡,唐大臣以 初,唐兵伐蜀,季興請以本道兵自取變、忠、萬、歸、峽等州,乃以季興爲峽路東南面招

|天成三年多卒,年七十一,諡日|武信。|季興子九人,長子從誨立。

压。 明宗 使 指 含 揮 使、 納 應 聘 從 涎順 之。 于楚 施 元 字 軍 年 長 蹲 楚王 司 入興元年 聖 封 馬 南 馬殷爲之 平 王 季 正 興 興 月, 時 卒 之請命于: 入梁爲供 拜從 吳以從海 海節 唐 (奉官) 酸使, 爲 而 從 荆 累遷鞍 海 南 追 亦 節 封 遣 度 季興 灣庫 押衙 使。 ( 楚 王 使, 從海 劉 知 賜吿歸寧, 謙 以 諡 父自 奉 表 武 自 絕 歸 季 于 唐 興 三年 進 遂 贖 懼 罪 復 封 爲 銀 從 馬 三千 誨 步 軍 海

與之通 樓 其語,晉 從 陳 海 高 戰 晉 爲 祖 艦 師 人 大喜 于 (明敏 致討 樓 下 復遣 ·, 謂 從 多 海 使賜 權 穀 遣 日:一 詐 將 以 李端以 一甲馬 |吳、 晉高 、蜀不賓 百 祖遣翰林學士 舟 匹。 師 (久矣, 爲 襄州 應 從 安 願 從 一陶穀爲從酶 進 脩 進 誅 武 反,結 備, 從 海 睝 水 求 從 生 郢 戰 海 辰 州 爲 國 以待 援, 爲 信使, 屬 從海 師 郡 期 從海 高 外 旭 穀 爲 宴穀 不 拒 還 絕 望 具 陰

皆殫 有 **尹**· 高 雷 也 加 一德要道, 所 契丹 陽 意欲 從 收。 諾 滅晉 海 以 於此足矣。」一麼因誦諸侯章曰:「在上不驕,高而不危, 澳 不 誚 漢高 遣 悅。 高 敏 祖 國 敏爲 敏 子 祖 议 祭 起 言 酒 印 從 太原 二;杜 本 田 海 敏 (五 從海 遣使朝貢 |經 使于 重 遺 威 |楚, 遣 從 悉 心以晉戈 人間 施 假道 因 從海 求 道 荆 甲降 郢州 奉 謝日 南 表 從誨 虜, 勸 「予之所 高 進, 虜置之 旭 問 且言漢 不 敏 與。 中 識不 鎭州 從海 國 得 虚 制節謹 调 天 怒, 實 未 一孝經 下 嘗以 以爲 發兵 , 度 願乞郢 + 北 文野州 八 契丹之後, 滿 章 而 而 州 觩 晉兵皆 不溢。」從 爲 爲 屬 敝 兵 刺 漢 漢 食 史

脚以爲譏己,即以大卮罰敏。

皆假道荆南。 **媿恥者爲賴子,猶言無賴也,故諸國皆目爲「高賴子」。** 無媿。其後南漢與閩、蜀皆稱帝,從誨所嚮稱臣, 荆 南 !地狹兵弱,介於吳、楚爲小國。 季興、從海常邀留其使者,掠取其物,而諸道以書責誚,或發兵加討, 自吳稱帝,而南漢、閩、楚皆奉梁正朔, 蓋利其賜予。 俚俗語謂奪攘苟得無 歲時貢奉, 即復還

書令,諡曰文獻。子保融立。從誨十五子,長曰保勳,次保正,保融第三子也,不知其得立 從誨自求野州不得,遂自絕於漢。逾年,復通朝貢。乾祐元年十月卒,年五十八,贈尙

南自後唐以來,常數歲一頁京師,而中間兩絕。及世宗時,無歲不貢矣。保融以謂器械金 又遺客將劉扶奉牋南唐,勸其內附。一李景稱臣,世宗得保融所與牋,大喜,賜以絹百匹。別 海郡王。 ,皆土地常產,不足以効誠節,乃遣其弟保紳來朝,世宗益嘉之。 保融字德長。從誨時,爲節度副使,兼峽州刺史。從誨卒,拜節度使。 顯德元年,進封南平王。世宗征准,保融遣指揮使魏璘率兵三千,出夏口以爲應。 廣順元年,封渤

初,季興之鎮,梁以兵五千爲牙兵,衣食皆給於梁。至明宗時,歲給以鹽萬三千石,後

南平

世家

第九

高季觀

人六〇

不復給。及世宗平淮,故命秦州給之。

所告,徙之松滋而殺之。 太尉、諡曰貞懿。弟保勗立。 保融性迂緩,無材能,而事無大小,皆委其弟保勗。 宋興、保融懼,一歲之間三入貢。建隆元年,以疾卒,年四十一,贈 其從叔從義謀爲亂,爲其徒高知訓

先王子繼冲長矣。」保勗曰:「子言是也。」即以繼冲判內外兵馬。十一月,保勗卒,年三十 九,贈侍中。保融之子繼冲立。 疾遂不起,兄弟孰可付之後事者?」延嗣曰:「公不念貞懿王乎?先王寢疾,以軍府付公,今 保勗字省躬,從海第十子也。 保融卒,拜節度使。三年,保勗疾,謂其將梁延嗣曰:「我

繼冲字成和。保勗卒,拜節度使。

以待之!」判官孫光憲叱之曰:「汝峽江一民爾,安識成敗!且中國自周世宗時,已有混一 假道荆南,約以兵過城外。繼冲大將李景威曰:「兵尙權譎,城外之約,不可信也。宜嚴兵 天下之志,況聖宋受命,眞主出邪!王師豈易當也!」因勸繼冲去斥候,封府庫以待,繼冲 湖南周行逢卒,子保權立,其將張文表作亂,建隆四年,太祖命慕容延釗等討之。延釗

出逆于郊,而前鋒遽入其城。 以爲然。 景威出而歎曰:「吾言不用,大事去矣,何用生爲!」因扼吭而死。 繼冲亟歸,見旌旗甲馬,布列獨巷,大懼,卽詣延釗納牌印,太 延釗軍至,繼冲

祖優韶復命繼冲爲節度使。

人朝于京師,拜武寧軍節度使以卒。光憲拜黃州刺史,其後事具國史曰。 乾德元年,有事于南郊,繼冲上書願陪祠。 九月,具文告三廟,率其將吏、宗族五百餘

⊖ 季興興滅年世甚明,賭譽皆同,蓋自樂開平元年鎭剌南,至皇朝乾德元年國除,凡五十七年•

## 新五代史卷七十

### 東漢世家第十

劉旻 子承鈞 承鈞子繼恩 繼元

高祖 事晉爲河東節度使,以是爲都指揮使。 劉旻,漢高祖母弟也。 初名崇,爲人美鬚髯,目重瞳子。 高祖卽帝位,以爲太原尹、北京留守、同中書門 少無賴,嗜酒好博,嘗黥爲卒。

下平章事。隱帝時,累加中書令。

制。」是曰:「子言,乃吾意也。」乃罷上供征賦,收豪傑,籍丁民以益兵。 晉陽兵雄天下, 而地形險固, 謂判官鄭珙曰:「主上幼弱,政在權臣,而吾與郭公不叶,時事如何? 隱帝少,政在大臣,周太祖爲樞密使,新討三叛,立大功,而與旻素有隙,旻頗不自安, 十州征賦足以自給。 公爲宗室, 不以此時爲計, 三年, 周太祖起魏 後必爲人所

隱帝遇弑, 旻乃謀舉兵。

晃

周太祖 哭,爲李驤立祠,歲時祠之。 吾妻病,不可獨存,願與之俱死。」長聞之,卽幷戮其妻于市, 氏立後。」因勸旻以兵下太行,控孟津以俟變,庶幾聲得立,贇立而罷兵可也。 爲疑。」是喜,益信以爲然。太原少尹李驤曰:「郭公舉兵犯順,其勢不能爲漢臣,必不爲劉 見旻使者,具道所以立贇之意,因自指其頸以示使者曰:「自古豈有雕靑天子?幸公無以我 爲帝矣,何患!」乃罷兵,遺人至京師。周太祖少賤,黥其頸上爲飛雀,世謂之郭雀兒。太祖 子贇爲漢嗣,遣宰相馮道迎贇于徐州 「驤腐儒,欲離間我父子!」命左右牽出斬之。 驤臨刑薂曰:「吾爲愚人畫計,死誠宜矣!然 周 果代漢,降封贇湘陰公。 太祖之自 1魏入也,反狀已白,而漢大臣不卽推尊之,故未敢卽立, 當是時, ,人皆知太祖之非實意也 以其事白漢,以明無佗。 求贇歸太原,而贇已死。 乃白 , 旻獨喜曰:「吾兒 |漢太后, 立旻 旻大駡曰: 旻働

子之國 高勳 珙素有疾 相 都押衙陳光裕 以 乃以 册 旻乃遣宰相鄭珙致書兀欲, 稱姪皇帝 周 尊旻爲大漢神武皇帝 兀欲彊之飮,一夕而以醉卒。 廣順元年正月戊寅卽皇帝位于太原,以子承鈞爲太原尹,判官鄭珙、趙華爲宰 爲宣徽使,遣通 ·,并册旻妻爲皇后。 事舍人李晉間行使于契丹。 然兀欲聞旻自立, ,以叔父事之而已。 兀欲性豪儁, 頗幸中國多故, 契丹永康王兀欲與旻約爲父 漢使者至, 輒 兀欲遣燕王述軋、政事令 乃遣其貴臣述 以酒 肉困之,

|軋、高勳以自愛黃騮、九龍十二稻玉帶報聘。

律遺蕭禹厥率兵五萬助旻。 已而兀欲爲述軋所弒,述律代立。 **晏出陰地攻晉州,爲王峻所敗。** 旻遣樞密直學士王得中聘于述律,求兵以攻周。述 是歲大寒,是軍凍餒,亡失過

明年,又攻府州,爲折德扆所敗,德扆因取岢嵐軍 周太祖崩,旻聞之喜,遣使乞兵于契丹。契丹遣楊衮將鐵馬萬騎及奚諸部兵五六萬人

號稱 :十萬以助旻。旻以張元徽爲先鋒,自將騎兵三萬攻潞州。 路州李筠遺穆令鈞以步騎

三千拒元徽于太平驛,元徽擊敗之,遂圍潞州。

皆奮命爭先,而風勢愈盛,是自壓赤幟收軍,軍不可遏,是遂敗。 能、徽退走,其騎軍亂,步卒數千棄甲叛降元徽,呼萬歲聲振川谷。世宗大駭,躬督戰士,士 利也,宜少待之。」是怒曰:「老措大,毋妄沮吾軍!」卽麾元徽,元徽擊周右軍,兵始交,愛 不可失,無妄言也!」滚怒而去。是號令東偏先進,王得中叩馬諫曰:「南風甚急,非北軍之 徽居東偏,楊衮居西偏,旻居其中。衮望周師謂旻曰:「勍敵也,未可輕動!」旻奮髯曰:「時 **贊將左,樊愛能、何徽將右,向訓、史彥超居中軍,張永德以禁兵衞蹕。** 自宰相馮道等多言不可,世宗意甚銳。顯德元年三月親征,甲午,戰于高平,李重進、白重 是時,世宗新卽位,以謂旻幸周有大喪,而天子新立,必不能出兵,宜自將以擊其不意。 日暮,旻收餘兵萬人阻澗 曼亦列爲三陣,張元

東漢世家

而止

按兵西偏不戰,故獨全軍而返。長歸、爲黃騮治廢,飾以金銀,食以三品料,號「自在將軍」。 擊之,是又大敗,輜重器甲、乘輿服御物皆爲周師所獲。是獨乘契丹黃騮,自鴎窠嶺間 去,夜失道山谷間,得村民爲鄉導,誤趨平陽,得佗道以歸,而張元徽戰歿于陣。 是時, 周之後軍,劉詞將之,在後未至,而世宗銳於速戰,戰已勝,詞軍繼至,因乘勝追 楊衮怒旻, 道馳

符彥卿、史彥超北控忻口,以斷契丹援路。太原城方四十里,周師去城三百步,圍之匝,自 四月至於六月,攻之不克,而彥卿等爲契丹所敗,彥超戰歿,世宗遽班師。 世宗休軍潞州,大宴將士,斬敗將樊愛能、何徽等七十餘人,軍威大振。進攻太原,遣

中先還。 **虜助兵多少,得中言送滚歸,無所求也,世宗信之。已而契丹敗符彦卿於忻口,得中遂見** 初, 周師圍城也,旻遣王得中送楊衮以歸、因乞援兵於契丹,契丹發數萬騎助旻,遣得 至代州,代州將桑珪殺防禦使鄭處謙,以城降周,并送得中于周。世宗召問得中

旻自敗於高平,已而被圍,以憂得疾,明年十一月卒,年六十,子承鈞立。

承鈞, 旻次子也。 少頗好學,工書。 旻卒, 承鈞遺人奉表契丹, 自稱男。

度使?」故具僭號仍稱乾祐,不改元,不立宗廟,四時之祭,用家人禮。 屈 詔 ,呼承鈞爲兒,許其嗣位。 期與公等勉力以復家國之讎。 初、旻常謂張元徽等曰:「吾以高祖之業,贇之冤, 至於稱帝一方,豈獲已也,顧我是何天子,爾亦是何節 承鈞旣立, 始赦境 義不爲郭公

,契丹使來告急,承鈞將發兵,而世宗班師,乃已。 契丹遣高勳助承鈞,承鈞遣李存瓌與勳攻上黨,無所得而還。 明年,世宗北伐契丹,下 內,改乾祐十年日天會元年,立七廟於顯聖宮。

臣實憂之。」承鈞至太平驛,封筠隴西郡王。 益 陳受周氏恩,不忍背德。而承鈞與周世仇也,聞筠言亦不悅。遣宣徽使盧贊監其軍,筠心 兵自將出團柏谷,羣臣餞之汾水。僕射趙華曰:「李筠舉事輕易,陛下不圖成敗,空國興師 廷玉送于太原,乞兵爲援。承鈞欲謀於契丹,繼冲道筠意,請無用契丹兵。承鈞卽率其國 不平,與贊多不叶,承鈞遣宰相衞融和解之。 宋興,昭義節度使李筠叛命,遣其將劉繼冲、判官孫字奉表稱臣,執其監軍周光遜、李 筠見承鈞儀衞不備,非如王者,悔臣之,筠因自

良 以 〈藥傅其瘡。 鐵 《檛擊其首,流血被面,融呼曰:「臣得死所矣!」太祖顧左右曰:「此忠臣也。」釋之,命以 已而筠敗死,衛融被執至京師,太祖皇帝問融承鈞所以助筠反狀,融言不遜,太祖命 遺融致書于承鈞,求周光遜等,約亦歸融太原,承鈞不報,融遂留京師。 承釣

東淡世

家第十

劉是

謂 趙 白 1:「不聽公言,幾至於敗。 然失衞融、盧贊,吾以爲恨爾。」

段常,乃罷常樞密爲汾州 世之務,太祖奇之。或謂太祖曰:「公爲漢大臣,握重兵居外, 議大夫召之,遂以爲相。 聞 遠之道也。」由是太祖不納,無爲去,隱抱腹山。 善談辯。 承 鈞 由 此 嘗衣褐爲道士,居武當山。 益 重儒者, 五年, 刺史,縊殺之。 以抱腹山人郭無爲參議國政。 宿衞殿直 行首 周太祖討李守貞于河中,無爲詣軍門上謁,詢以當 王隱、 承鈞內樞密使段常識之,薦其材,承鈞 劉紹、趙鸞等謀作亂,事覺被誅,其 無爲,棣州人, 而延縱橫之士, 方類鳥喙,好學 非所以防 (詞連 以 微 諫 慮

李筠 不以 顒 告, 爲 敗 旻 鴻 而 承鈞惶恐謝罪。 廬 失契丹之援,無復南侵之意。 世凡舉事 卿 必稟契丹, 使者 至契丹輒 而 承釣 之立立 地狹 見留, 一多略。 公 產 薄, 承鈞奉之愈謹, 契丹遣使者責承鈞改元、援李筠、 以歲輪契丹,故國用 而契丹待承鈞 日削 乃拜五 益 薄。 殺段常 承 鈞 山僧

丹 烹銀以輸, 界 善商 Ĺ, 繼 顋 繼 财 劉氏仰以足用, 顋 利 故燕王 常得其馬以 自旻 劉守光之子,守光之死,以孽子得不殺,削髮爲浮 世頗以賴之。 獻, 即其冶建寶興軍。 號「添 繼 都 題能 馬」, 講華嚴經 歲率數百 繼顒後累官至太師、中書令, 四方 匹。 `供施 又 於柏谷 多 **)積畜以** 置 圖 銀 门,後居 冶, 佐國用。 募民鑿· 以老病卒,追封 五 臺 山 五 山 臺當契 爲 取 人多

定王。

何爲 旭 地兵甲,不足以當中國之十一;然承鈞家世非叛者,區區守此,蓋懼漢氏之不血食也。」太 哀其言,笑謂諜者曰:「爲我語承鈞,開爾一路以爲生。」故終其世不加兵。 太祖皇帝嘗因界上諜者謂承鈞曰:「君家與周氏爲世讎,宜其不屈,今我與爾無所間

承鈞立十三年病卒,其養子繼恩立。

子,乃以二子命承鈞養爲子。 之,傷而 **釗無材能** 繼恩本姓薛氏,父釗爲卒,旻以女妻之,生繼恩。 不死,釗即 ,高祖衣食之而無所用。妻以旻女常居中,釗罕得見,釗常怏怏,因醉拔 自裁。 慢女後適何氏,生子繼元,而何氏及慢女皆卒。 漢高祖以釗壻也,除其軍籍, 曼以其子承鈞無 置之門 佩 **万刺** 

我家 事。」無爲不對。 承鈞立,以繼恩爲太原尹。 承鈞病臥勤政閣,召無爲,執手以後事付之。 承鈞嘗謂郭無爲曰:「繼恩純孝, 然非濟世之才, 恐不能了

百 司 宿衞者皆在太原府廨。 承鈞卒,繼恩告哀於契丹而後立。 九月,繼恩置酒會諸大臣宗子,飲罷, 繼恩服穣裳視事, 寢處皆居勤政閣, 臥閣中。 供奉官侯霸榮 而承鈞故執事

東

漢世

八七〇

率十餘人挺刃入閣,閉戶而殺之。 郭無爲遺人以梯登屋入,殺霸榮拜其黨。

謂無爲之謀,霸榮死,口滅而 初 ,承鈞之語郭無爲也,繼恩怨無爲不助已,及立,欲逐之而未果,故霸榮之亂,人皆以 無知者。 無爲迎繼元而立之。

皆爲 爲郭氏所責,旣而以它疾而卒,繼元疑其殺之。 承鈞于柩 繼元所殺,獨銑以佯愚獲冤。 繼元爲人忍。旻子十餘人,皆無可稱者。當繼元時,有鎬、鍇、錡、錫、銑,於繼元爲諸父, 前,超執而縊殺之,於是劉氏之子孫無遺類矣。 承鈞妻郭氏,繼元兄弟自少母之。繼元妻段氏,嘗以 及立,遣嬖者范超圖殺郭氏,郭氏方緀服哭 小過

盧軍 元, 繼元遣人縊殺之。 城拒百萬之王師?」蓋欲搖動抖人,而抖人守意益堅。 [仰天慟哭,拔佩刀欲自裁,爲左右 節度使,郭無爲安國軍節度使。無爲捧詔色動,而抖人及繼元左右皆欲堅守以拒命。 繼元 立, 改元日廣運。 王師北征,繼元閉城拒守,太祖皇帝以詔書招繼元出降,許以平 所持。 繼元自下執其手,延之上坐,無爲日:「奈何以 宦者衞德貴察無爲有異志,以告繼 孤

兵甘草地中,會歲暑雨,軍士多疾,乃班師。王師已去,繼元決城下水注之臺駘澤, 初,太祖皇帝命引汾水浸其城,水自城門入,而有積草自城中飄出塞之。 是時 王, 水已落 師 頓

而城多摧圮。 契丹使者韓知璠時在太原, 歎曰: 「王師之引水浸城也, 知其一而不知其二,

若先浸而後涸,則丼人無類矣!」

家,舁入見繼元,流涕以興亡諭之,繼元乃降。 太平興國四年,王師復北征,繼元窮窘,而抖人猶欲堅守。 太宗皇帝御城北高臺受降,以繼元爲右衞上 其樞密副使馬峯老疾居于

將軍,封彭城公。其後事具國史()。

⊖ 漫年世興滅,賭書皆同,自周廣順元年建號,至皇朝太平興國四年滅,凡二十八年,餘具年譜注。

# 新五代史卷七十一

### 十國世家年譜第十一

(普) 比乎。 之末世也, 獨得其封落星石爲寶石山制書,稱寶正六年辛卯,則知其嘗改元矣。辛卯,長興二年,乃鏐 得,頗疑吳越後自諱之。及旁采閩、楚、南漢諸國之書,與吳越往來者多矣,皆無稱帝之事 後世,遂名年以建元。 七。吳越、荆、楚,常行中國年號。然予聞於故老,謂吳越亦嘗稱帝改元,而求其事迹不可 嗚呼,堯、舜盛矣!三代之王,功有餘而德不足,故皆更始以自新,由是改正朔矣,至於 十國皆非中國有也, 然不見其終始所因, 及僭竊交興,而稱號紛雜,則不可以不別也。 其稱帝改元與不, 故不得而備列。 未足較其得失, 錢氏訖五代, 故並列之。 **嘗外**尊中國, 五代十國,稱帝改元者 作十國世家年 豈其張軌之

八
-t
m

秦酉 	壬申二二	辛未 乾化元年	庚午四	己三三	戊辰二二	丁卯開平元年	
中一	九	一	七	六	子 正	開平元年 天祐四年	
- <b>†</b> •	九	八	七	六	是 歲、五 險 演 立。	天  祐  楊  四  程	
Ξ	=	永  平	=	=	武成	是歲, 復 王 位。年	
		是 歲, 乾 立。化				開  平  劉  隱	
		  乾  化				開   平   馬   殷	
						平 銭	
		  乾  化				開  平  王  審  知	
		乾化				開 平 高 季	

十國世家年譜第十

辛巳	庚辰	己卯	戊寅	丁丑	丙子	乙亥	甲戌
龍徳元年	六	<b>H.</b>	四	Ξ		貞明元年	四
十八八	十七	十六	十五五	十四四	+	+=	+
順義	是 歲,一 溥 立。	制,是歲吳王稱	十五五	十四四	十三	   <del> </del>   =	+
	=	乾德	是歲, 光	天漢	通正	五.	四
五	四	Ξ	=	號,是		貞明	
龍德						貞明	
龍德						貞明	
龍德						貞  明	

		A STATE OF THE PARTY OF THE PAR		**************************************	Court at a debased belong the con-	THE RESTRICTED FOR THE ASSESSED.	P. CHARLES BOOK MICHAELES	The second secon	a sandyland of Smiles.
			是歲希聲立。						
長興	長興	五.	長興			=		長興元年	庚寅
		四				大和		四	己丑
是歲,從海立。		11]		大有					戊子
					·	號,			
				=		乾重			丁亥
·  ラ	是 歲, 学	<del> </del>		_		7		天成元年	F E
天龙	天式	質正	天龙			六		<b>川</b> 宗	<b>万</b>
	是歲延翰立			白龍	是歲蜀亡。	五		Ξ	乙酉
	,			八	六	四			甲申
同光	同光		同光	七	五.	=	光元年元同光	同 唐 莊 宗	癸 未
				六	四	=	十九	=	壬午

十國世家年譜第十一

丙申	乙未		甲午		壬辰	辛卯
天福局高和年		清  泰  廢  帝	應順元年	即十二月四十二月	三	=.
=	天祚		六	Œ	<u> </u>	Ξ
Ξ	=	歲, 盂 德 卒。 知 肥 一 一 一 一 一 一 一 一 一 一 一 一 一 一 一 一 一 一	後蜀明			
九	八		七	ブ	五	74
天福		清泰	應 順		是歲希範立。	
					是歲元瓘立。	守 號 鉄氏唯見 六 見。 最 員。
通文	是 歲, 一, 一, 一, 一, 一, 一, 一, 一, 一, 一, 一, 一, 一,			<b>電</b>	į, c	
天福		清泰	應順			

无 建 是		是 歲,  乾  應 ,  和  乾	六	是 歲, 保 定。 大	八	<b>癸</b> 卯
<u> </u>   <u> </u>   <u> </u>   <u> </u>		是 歲 份 立。 天	五	六	位。出帝六月即	壬寅
=	是	十四四	四	Ŧi.	六	辛丑
=		+==	Ξ	四	.Ti.	庚子
是 歲, 一, 一, 一, 一, 一, 一, 一, 一, 一, 一, 一, 一, 一,		+ =	=	Ξ		己亥
=		+	廣政		==	戊戌
				是 元 歲字 早 立,		
=		+	四	南唐昇		丁酉

十國世家年譜第十

己酉		戊申	- 5	丁未		丙午	乙巳		甲辰
	位。際帝二月即	乾祐元年	年一天福二十二十二十二十二十二十二十二十二十二十二十二十二十二十二十二十二十二十二十	英高祖_					開運元年
七		六	<u> </u>	łi.		四	=		
+11		<b>+</b>	-	1-		九	八		七
七		六		Fi.		四		***************************************	
		乾		是歲希廣立。					開運
		是 歲, 俶 立。	<b>Đ</b> .	是歲(宗立見					W Street and Street
					氏滅。 南唐所屬 王	是歲延政為	天德三	德二	是歲職亡。
		是歲保融立,							開運

八七九

立。是歲,周行逢	十四	十 九	一一四	九	Ξ	丙辰
	+==	十八	<u>+</u> =	八		乙卯
					位。世 宗 正 月 即	
[額]	+=	十七	+=	是歲承的立。	顯德元年	甲寅
立。見是 殺。歲, 王進 道	+	十六	<u>+</u> -	六	Ξ	<b>癸</b> 丑
	+	十五五	+	五.	=	壬子
氏 遷 是 蘇希 萬				東 年 選	廣順 元 年 年	
廣順	九	十四四	九	     就   四	周太祖	辛亥
是歲希尊立。	八	+=	八		=	庚戌

十國世家年譜第十一

	= + = =		Ξ	遊 位。 位。 一位。 一位。 一位。 一位。 一位。 一位。 一位	已未
是 歲, 一大 一 一 一 一 一 一 一 一 一 一 一 一 一 一 一 一 一 一	= +	顯  交   徳   泰	=	五	戊午
十五	二 十	十五五	天會	四	丁巳

也。 頁,不如夷狄,則無以書之。書如夷狄,則<u>五代之君未可以夷狄之也。是以外而不書,見其</u> 以中國而視夷狄,夷狄之可也。以五代之君而視十國,夷狄之則未可也。故十國之封爵、朝 自絕於中國焉爾。問者曰:外而不書,則東漢之立何以書?曰:吾於東漢,常異其辭於九國 矣。問者曰:四夷、十國,皆非中國之有也,四夷之封爵朝貢則書,而十國之不書何也。曰: 不書,何也?曰:封爵之不書,所以見其非中國有也。其朝貢之來如夷狄,以夷狄書之則甚 **春秋因亂世而立治法,本紀以治法而正亂君。世亂則疑難之事多,正疑處難,敢不愼** 或問:十國固非中國有也,然猶命以封爵,而稱中國年號來朝貢者,亦有之矣,本紀之

也?周、漢之事,可謂難矣哉!或謂:劉旻嘗致書于周,求其子贇不得而後自立,然則旻之 之世,猶稱乾祐,至承鈞立,然後改元,則長之志豈不可哀也哉♡! 志不以忘漢爲讎〔〕,而以失子爲讎也。曰:漢嘗詔立贇爲嗣,則贇爲漢之國君,不獨爲旻子 是之大義,宜不爲周屈,其立雖未必是,而義當不屈于周,此其可以異乎九國矣。終**是** 

志、五代舊史、紀年通譜、閩中實錄、閩王列傳皆云七主六十年者,皆繆也。 一一國年世,惟楚、閩、東漢三國,諸家之說不同,而互有得失,最難考正。今略其諸說而正其是者,庶幾博覽者不惑, 在壬子始入福州,至開運三年丙午而滅,實五十五年。當云七主五十五年,爲得其實。而運歷過云五十六年,九國 惟五代舊史得其實。 在丙辰,自立於湖南,至廣順元年辛亥而滅。九國志以乾祐三年爲辛亥,湖洲故事以顯德元年爲辛亥者,皆繆也。 也。而運歷圖云乾祐二年馬氏滅者,繆也。初,殷入湖南,掘地得石,讖云:「龍起頭,猪掉尾。」蓋殷以乾寧三年歲 年,及年七十八,希聲立不周歲卒爲繆爾。希萼希崇之亂,南唐盡遷馬氏之族歸于金陵。五代舊史云,時廣順元年 質七十九年,爲得其質。而希聲,據湖湘故事、九國志、運歷圖皆以三年卒,與明宗本紀皆合,不疑。惟舊史書殷卒二 起復,三年八月,又書希聲卒。今據九國志殷以大中六年歲在壬申生,享年七十九。蓋自大中壬申至長興元年庚寅, 五代舊史殷列傳云,殷長興二年卒,享年七十八,子希聲立,不周歲而卒;明宗本紀長興元年,曹希聲除節度使, 而一以年譜爲正也。 王氏世次,日潮、日審知、日延翰、日鳞、日昶、日曦、日延政,凡七主。而潮以唐景福元年歲 馬氏,據湖湘故事、九國志、運歷圖並云,殷以長興元年卒,是歲,子希聲立,長興三年卒。而 審知,五代舊史本傳云,同光元年十

二月卒,九國志亦云同光元年卒。 宗中書令,豈得卒於元年也?又至四年二月庚子,福建副使王延翰奏稱權知軍府事,三月辛亥,遂除延翰威 運歷圖同光三年卒。 今檢五代舊史莊宗本紀一同光二年五月丙午,審知加檢校

太師

閩王列 軍節度使。 (傳、 九國志皆云,審知在位二十九年。 以此推之,審知卒當在同光三年十二月,蓋閩去京師遠,明年二月延翰之奏始至京師,理 審知 以唐乾寧四年嗣位,是歲丁巳,至同光三年乙酉,實二十九年。 當然也。 叉據

位十一 年。 閩王列傳、紀年通譜皆云在位十年。 蓋鳞以天成元年殺延翰自立,是歲丙戌,至清泰二年乙未,實十年 鳞本名延鈞,五代舊史本傳云,在位十二年。

而

與閩王列傳合,而舊史、九國志皆繆也。

年改元永和,是歲見殺,而舊史、九國志、

運歷圖

皆無永

九國志云,在

則

運壓圖

爲是,而舊史、九國志云元年卒者,皆緣也

**釣立**,時年二十九。 和之號,又運歷圖書鳞見發在天福元年丙申者,皆繆也。 乾祐七年,乃顯德元年也。 而五代舊史、周世宗實錄、運歷圖、紀年通譜皆云顯德二年冬,是卒。 劉曼,九國志云,乾祐七年十一月曼卒,享年六十,子承

是是之臣 又有是偽中書舍人王保衡晉陽見聞要錄云,是乙卯生,卒年六十一,子承鈞立。 ,其親所見聞 ,所得最實,然而頗爲轉寫差誤爾。 按保衡書是乙卯生,若享年六十一,當於乙卯歲卒 承鈞丙戌生,立時年二十九。 ,則是 保衡

顯德二年也。 又書承鈞丙戌生,立時年二十九,則當是顯德元年甲寅歲也。 豈有是卒於二年,承鈞以元年嗣 位,理

必不然。 以九國志參較,是享年六十,顯德元年卒,承鈞以是歲嗣位,時年二十九,爲得其實,但見聞要錄行「一」字

年。 爾 其云二年卒者,皆繆也。 而紀年通譜以顯德三年爲天會元年者,繆也。 九國志又云,承鈞立,服喪三年,至乾祐九年服除,改十年爲天會元年,當是顯德四 晉與梁爲敵國,自稱天祐者二十年,故首列於年譜,其後遂被

### 校勘記

(1)不以忘漢爲讎「忘」、汲、殿、南昌、鄂、蜀、劉校本同、貴池、南監本作「亡」。

# 新五代史卷七十二

### 四夷附錄第一

置之治外,而羈縻制馭恩威之際,不可失也。其得之未必爲利,失之有足爲患,可不愼哉! 此不可以不知也。自古夷狄之於中國,有道未必服,無道未必不來,蓋自因其衰盛。雖嘗 矢、疆弱相抖、國地大小、興滅不常,是皆烏足以考述哉!惟其服叛去來,能爲中國利害者, 嗚呼,夷狄居處飲食,隨水草寒暑徙遷,有君長部號而無世族、文字記別,至於弦弓毒

作四夷附錄。

勝數。 <u>奴著矣。隋、唐之間,突厥爲大。其後有吐蕃、回鶻之彊。五代之際,以名見中國者十七</u> 夷狄,種號多矣。其大者,自以名通中國,其次小遠者附見,又其次微不足錄者,不可 其地環列九州之外,而西北常疆,爲中國患。三代獫狁,見於詩、書。秦、漢以來,匈

契丹自後魏以來 名見中國。 或日與庫莫奚同類而異種。 其居曰梟羅箇沒里。 没里 八,而契丹最盛。

四夷附錄第

伹皆 馬 部 有災 集 者 北 多飢 大 解 抡 河 人 疾 部 利 室 阿保機 1 遙輦 死, 部 童 而 八日奚温部 畜  $\frac{1}{2}$ 是謂 刨 東 牧衰 次 代之。 、隣 以 ,二日乙室活 立 黃 良 高麗 水之南 馬 時 則 賂 劉 八部聚 西 部之長 仁 仁恭求市牧地 界奚國 ,黃龍之北,得鮮卑之故地,故又以爲鮮卑之遺 恭 部 (議 據 <u>=</u> \號大 右 , 以旗鼓 一日實活部 丝幻 而 州 人, 南 , 至 數 請聽盟約甚謹 立 丽 灣州 出兵摘星嶺攻之,每歲 其次 常 四 推 其部 日 納 大人 代 尾 之。 族之大者日大賀氏,後分 部 建 二; 五 八部之人以爲遙輦不任 被 旗 、鼓以 代者以爲 日 1頻沒部 統 秋 八部。 霜 約 落 , 本 六 , 種。 則 日 如 至 其 燒 內 此 為 當 其野 ]會雞部 歲 八八部 唐 不 事 之世, 敢 草 7 共 選 或 契丹 其 其 某 國 地

思 不代。 也。 爲 |機日:「中國之王 多亡入契丹。 部以治 其 加 一共責誚之。阿保機不得已,傳其旗鼓,而 保機 加 圳 保機知衆可用,用其妻述律策,使人告諸部大人曰:「我有鹽池, Щ 植 漢城 亦不  $\overline{T}$ 阿保 穀 一無代 h 知 機 乎?」諸部許之。 阿保機率漢人耕 从 其何部 ,立者。」由 乘間 入塞 人也 一,攻陷 是阿保機益以威制 ٠, 爲 城邑, 種,爲治城郭邑屋廛市 漢城在炭山東南灤河 人 多智勇 俘其 謂諸部曰:「吾立 而 人民, 善騎 諸部 射。 而 依 唐州縣置 不肯代。 是時 上,有鹽鐵之利,乃後魏滑 如 九年 幽 ૅ, 劉 州 ·,所得漢人多矣,吾 其 立 城以居之。 守光暴虐 制 度, 九年 諸部所食。 漢人安之, 諸部 漢 |幽 人教阿保 以 涿之人 不 其 欲 圞 自

部 知食鹽之利,而不知鹽有主人,可乎?當來犒我。」諸部以爲然, 共以牛酒會鹽池。 阿保

機伏兵其旁,酒酣伏發,盡殺諸部大人,遂立,不復代。

京師。 保機不能如約,梁亦未嘗封册。而終梁之世,契丹使者四 詔書報勞,別以記事賜之,約共舉兵滅晉,然後封册爲甥舅之國,又使以子弟三百騎入衞 約,遣使者袍笏梅老聘梁。 者 酒 解里隨頃,以良馬、貂裘、朝霞錦聘梁,奉表稱臣,以求封册。梁復遣公遠及司農卿渾特以 酣 ,握手約爲兄弟。 梁將篡唐, 克用聞之,大恨。是歲克用病,臨卒,以一箭屬莊宗,期必滅契丹。 晉王 李克用使人聘于契丹,阿保機以兵三十萬會克用於雲州東城。 克用贈以金帛甚厚,期共舉兵擊梁。 梁遣太府卿高頃、軍將郎公遠等報聘。 至。 阿保機遺晉馬千匹。 逾年,頃還,阿保機遣使 渾特等至契丹,阿 旣歸而背 置酒

起 П 至,德威懼,引軍去,爲契丹追及,大敗之。德威走幽州,契丹圍之。幽、薊之間,虜騎遍滿 南 「谷、所得漢人,以長繩連頭繫之於木,漢人夜多自解逃去。文進又教契丹爲火車、地道、 向 一山以攻城。 與樂爭天下,遺李存矩發山北兵。存矩至祁溝關,兵叛,擁偏將盧文進擊殺存矩,亡入 莊宗天祐十三年,阿保機攻晉蔚州,執其振武節度使李嗣本。 契丹攻破新州,以文進部將劉殷守之。莊宗遣周德威擊殷,而文進引契丹數十萬大 城中鎔銅鐵汁揮之,中者輒爛墮。 德威拒守百餘日 莊宗遣李嗣源、閻寶 是時,莊宗已得魏博,方

李存審等救之。契丹數爲嗣源等所敗,乃解去。

朔旦 里。 里起 刻木之約。 至阿 焚之,酹而 一,東向 世里 保機, 康樓,北三百里起北樓,南木葉山起南樓,往來射獵四樓之間。 契丹比佗夷狄尤頑傲,父母死,以不哭爲勇,載其尸深山,置大木上,後三歲往取其骨 ·譯者謂之耶律。名年日天贊。 而拜日,其大會聚、 稍并服旁諸小國,而多用漢 完明日:「夏時向陽食,多時向陰食,使我射獵 又制婚嫁,置官號。 視國事,皆以東向爲尊,四樓門屋皆東向 乃僭稱皇帝,自號天皇王。 (人) 漢人教之以隸書之半增損之,作文字數千, 以其所居爲上京,起樓其間,號 ,猪鹿多得。」其風俗與**溪、**靺鞨 以其所居横帳地名爲姓, 契丹好鬼而貴日 西樓,又於其東千 1,每月 類同 世

郁已去,處直爲其子都所廢。 塞以 池, 急,我聞晉兵彊天下,且戰有勝敗, 金帛 ,可共取之。」於是空國 |阿保機大喜。 率晉兵。 莊宗討張文禮, 圍鎭州。 山積, 燕姬趙女, 郁謂 其妻述律不肯, 曰:「我有羊馬之富, 西樓足以娛樂, 阿保機曰:「臣父處直使布愚款曰:故趙王王鎔,王趙六世,鎭州金 羅綺盈 入寇。 阿保機攻幽州不克,又攻涿州,陷之。 定州王處直懼鎭且亡,晉兵必并擊已,遣其子郁說契丹,使入 廷。 後悔何追?」阿保機躍然曰:「張文禮有金玉百萬,留待 | 郁之召契丹也,定人皆以爲後患不可召,而處直 張文禮得之而爲晉所攻, 懼死不暇, 聞處直廢而都立, 遂攻 今捨此 故皆留以待皇 而遠赴人之 一城湯

嚴 此。」乃引兵去。 機 ,蓋如此 退保望都。 馬 U 精 渡沙河。 1甲,光明燭日,虜騎愕然,稍却,晉軍乘之,虜遂散走,而沙河冰薄,虜皆陷沒。 也!」 會天大雪, 都告急於莊宗。 莊宗躡其後,見其宿處,環秸在地,方隅整然,雖去而不亂,歎曰:「虜法令 契丹人馬飢寒,多死,阿保機顧盧文進以手指天日:「天未使我至 莊宗 自將鐵騎五 千,遇契丹前鋒於新城,晉兵自桑林 馳山, 阿保

之事。 丹。 **違**? 已副 亂, 穹廬中, 安得自立?」坤曰:「新天子將兵二十年,位至大總管,所領精兵三十萬,天時人事,其可得 欲 或 以 乘其虛,乃遣使聘唐以通好。同光之間,使者再至。莊宗崩,明宗遣供奉官姚坤告哀於契 命總管令公將兵討之,而變起洛陽,凶問今至矣。 」其子突欲 甲馬五萬往助我兒,而渤海未除,志願不遂。」又曰:「我兒旣沒,理當取我 | 坤至西樓而| 阿保機方東攻渤海,坤追至愼州見之。 | 阿保機錦袍大帶垂後,與其妻對坐 人望。」阿保機仰天大哭曰:「晉王與我約爲兄弟,河南天子,卽吾兒也。 咋聞中國亂, 契丹雖無所得而歸,然自此頗有窺中國之志,思女眞、渤海等在其後,欲擊渤海, 延坤入謁。 如如 天皇王得國而不代,豈彊取之邪?」阿保機卽慰勞坤曰:「理正當如是爾 在側曰:「使者無多言,蹊 阿保機問曰:「聞爾河南、北有兩天子,信乎?」坤曰:「天子以魏州軍 田 .奪牛,豈不爲過!」|坤曰:「應天順 總管返兵河北,赴難京師,爲衆所推, 人, 豈比匹夫 、商量、新天子 义义 懼中

漢而 州 用。 以 曰:「吾聞 則 敗 怯弱 我若 也。 不復侵汝矣。」阿保機攻渤海,取其扶餘一城,以爲東丹國,以其長子人皇王突欲 已而 我 也。」因戒 所爲類吾兒,則亦安能長久?」又謂坤曰:「吾能漢語,然絕口不道於部人,懼其効 此 阿保機病死, 兒 自 聞其 (有宮婢二千人,樂官千人,放鷹走狗,嗜酒好色,任用不肖,不惜人民,此其所 海日:「 洞 ,卽舉家斷酒,解放廳犬,罷散樂官。 述律護其喪歸西樓, 爾當先歸,吾以甲馬三萬會新天子幽、鎭之間,共爲盟約,與 立其次子元帥太子耀屈之。 我亦有諸部樂官千人,非公宴不 坤從至 一西樓而 為東 我 図

走契丹。 徽懼 保機 走契丹。」 阿保機攻党項、室章 之「崇文令公」,後卒于 ,求歸幽州 不拜,阿保機怒,留之不遺 當 阿保機時,有韓延徽者,幽州人也,爲劉守光參軍,守光遣延徽聘于契丹。 |德明以爲不可,延徽 阿保機見之,果大喜,以謂自天而下。阿保機僭號,以延徽爲相,號「政事令」,契丹 省其母。 ,服諸小國,皆延徽謀也。 行過 常山,匿王德明家。 日:「阿保機失我, ,使牧羊馬。 久之, 延徽後逃歸,事莊宗,莊宗客將王 如喪兩目而折手足,今復得我, 居數月,德明問其所向 知其材, 召與語, 奇之, 遂用 ,延徽 必喜。 以爲 緘譖之,延 延徽 〕乃復 謀主。 見阿

耀川之後史名德光。 葬阿保機木葉山,諡曰大聖皇帝, 後更其名曰億。 德光立三年, 謂

演

四夷附錄第一

直。 餒、 改元 千,晏球又敗之于唐河。 以騎五千救都, 念德報聘。 萴刺,皆送京師。 , 日天顯,遺使者以名馬聘唐, 定州王都反, 唐遣王晏球討之。 都及秃餒擊晏球於曲陽, 明宗斬禿餒等六百餘人,而赦赫邈,選其壯健者五十餘人爲「契丹 赫邈與數騎返走,至幽州,爲趙德鈞所執,而晏球攻破定州, 丼求碑石爲阿保機刻銘。 爲晏球所敗。 都以蠟丸書走契丹求援,德光遣禿餒、剪刺等 德光又遺惕隱赫邈益禿餒以騎 明宗厚禮之,遣飛勝指揮使安 擒禿

爲嗣。 欲 賓, 光 原 以其來自遼東,乃以瑞州爲懷化軍,拜慕華懷化軍節度、瑞愼等州觀察處置等使。 五 人皆賜姓名,罕只曰罕友通, 姓李,更其名曰 知 ,以爲歸化、歸德將軍郞將。 感 突欲不得立,長興元年,自扶餘泛海奔于唐。明宗因賜其姓爲東丹,而更其名曰慕華。 初, 福 然述律尤愛德光。德光有智勇,素已服其諸部,安端已去,而諸部希述律意,共立德 阿保機死,長子東丹王突欲當立,其母述律遣其幼子安端少君之扶餘代之,將立以 郞 日服懷造,竭失記日乙懷宥(E)。 慢華。 三年,以贊華爲義成軍節度使。 又賜前所獲赫邈姓名曰狄懷惠, 穆萬日穆順義,撒羅日羅賓德,易密日易師仁,蓋禮日 其餘爲「契丹直」者,皆賜姓名。 担列日列知恩(三), 二年,更賜突 其部曲 萴 蓋 刺

契丹自阿 "保機時侵滅諸國,稱雄北方。 及救王都,爲王晏球所敗,喪其萬騎,又失赫邈

其使

流

不

當此

之時

',中國之威幾振

等, ,皆名將,而 述 律 尤思念突欲,由是卑辭厚幣數遣使聘中國 因求歸赫邈 ~ 前 刺等, ', |唐 輒斬

鄉縣 薊割據 斷絕 石敬 此 其旁 人,始得耕牧,而 塘鎮 地 戍兵常自 距 又於 轉 ,戍兵廢散, 可耕 级约 餉 河東,總大同、彰國、 州 《幽州東五十里築城,皆戍以兵。 常以兵 北 植 耕 -6 輸 食、惟 百百 唐 護送,契丹多伏兵鹽溝以擊奪之。莊宗之末,趙 飾可 時置 契丹因得出陷平、營,而幽、薊之人歲苦寇鈔。 里 有 衣絮歲給幽州,久之皆有田宅,養子孫,以堅守爲 通。 東 楡 뒒 西狹石、淥疇、米磚、長揚 德 , 東臨 振武、 光 乃西 海 , 威塞等軍禦之。 .徙横帳居揆剌泊(m),出寇雲、朔之間。 北有冤耳、覆舟 及破赫邈等,又於其東置三 (四)、黃花、紫蒙、 應順、清泰之間, Щ 山皆 1斗絕, 徳鈞 自 涿州 白狼 鎭 河 並海 調發饋餉,遠近勞 等成, 縣 己利 至 丝 幽州 州 東北, 明宗患之,以 由 於鹽溝 以 自 是幽、薊之 百 扼 里, 唐 僅通車 之契丹於 末幽、 人迹 置 良

塘遺 曰:「吾爲爾今日破敵可乎?」敬瑭報曰:「皇帝赴難,要在成功,不在速,大兵遠來,而唐軍 巫 間 吉 使求救於德光。 德 光事 凶、巫言吉、乃許。 ·其母甚謹,常侍立其側, 德光白其母曰:「吾嘗夢石郞召我, 是歲九月,契丹出鴈門,車騎連瓦數十里,將至太原,遣人謂 國事必告而後行。 石敬 而使者果至, 豈非天邪!」 母 召胡 敬 瑭 敬

馬二十匹,戰馬千二百匹,戒曰:「子子孫孫無相忘! 相 自太原入洛陽,德光送至潞州, 被之,册曰:「咨爾子晉王,予視 救。 也。」敬達 知。 惎 温從 盛 … 「大兵遠來,戰速而勝者,何也?」 德光曰: 「吾謂唐兵能守鴈門而扼諸險要,則事未可 今兵長驅深入而無阻, 德光謂敬瑭曰:「吾三千里赴義,義當徹頭。」乃築壇**晉城南,立**敬瑭爲皇帝 爾渡河,吾亦留此,俟爾入洛而後北。」臨訣,執手嘘嚱,脫白貂裘以衣高祖,遺以良 願少待之。」使者未至,而兵已交。 敗,退保晉安寨,德光圍之。 吾知大事必濟。 爾獨子,爾視予獨父。」已而,楊光遠殺張敬達降晉。 趙德鈞、延壽出降。 唐遣趙德鈞、延壽救敬達,而德鈞父子按兵團柏谷 敬達 且吾兵多難久,宜以神速破之。此其所以勝 大敗。 」時天顯九年 德光謂昏高祖日:「大事已成。 敬瑭夜出北門見德光,約爲父子,問 也。 一,自解 吾命 晉 高 衣冠 祖

書史, 守文攻破蓨縣,德鈞得延壽幷其母 校 莊宗伐燕得之,賜姓名曰李紹斌。 而德鈞亦請以鎭兵討賊,廢帝祭其有異志,使自飛狐出擊其後,而德鈞南出吳兒,會延 高 明宗時爲樞密使,罷。 明宗以 祖 已入洛, 女妻之,號興平公主。 **德光乃北,執趙德鈞、延壽以歸。** 至廢帝立,復以爲樞 种氏 脏、 其子延壽,本姓劉氏,常山人也,其父邧爲蓨縣令, 而納之,因以延壽爲子。 明之世,德鈞鎭幽州十 密使。 德鈞 晉高祖 幽州 人也, 起太原,廢帝遣延壽將兵討 -餘 年, 延壽爲人,姿質妍柔,稍涉 事劉守光、 以延壽故尤見信任。 守文爲軍 劉

24

夷

鉤死 鎖德 已爲 予亦 以田宅之籍獻之。 爲延 壽 於 銷 ,德光以延壽爲幽州 可 壽 西唐 父子而· 求 鎭州 一延壽 德光指穹廬前巨石謂德鈞使者曰:「吾巳許石郎矣。 若翫寇要君 去。 節度使。 因以兵屬之。 述律問何在。 <u>德光母述律見之,問曰:「汝父子自求爲天子何邪</u> ,但恐犬冤俱斃。」因遣使者趣德鈞等進 廢帝怒曰:「德鈞父子握照兵,求大鎮 節度使, 廢帝以德鈞爲諸道行營都統,延壽爲太原 対燕王 日三幽州。 」述律曰:「幽州屬我矣, 軍 有能敗契丹 石爛, **德**鈞 何獻之爲?」明年 可 ? 陰遺 改也。」德光至 |徳鈞 南面 而破 人聘德光 招 慚 討使。 太原 不能 對 潞 雖 悉 代

徳 光 遺 光及其母尊號。 食諸 六州 用中國之人。 物, 契丹當莊宗、明宗時攻陷營、平二州,及已立晉,又得鴈門以北幽州節度管內, 乃以 中書令韓頌奉册高祖爲英武明義皇帝。 使者相屬於道,無虛日。 幽 州 晉高祖每遺使聘問,奉表稱臣,歲輸絹三十萬匹,其餘寶玉珍異 終其世,奉之甚謹 為燕京,改天顯十一 德 光 約 高 祖 年為 會同元年,更其 不稱臣,更表爲書,稱「兒皇帝」,如家人禮 高祖復遣趙瑩 (國號 大遼 馮道等以太常鹵簿奉册德 一,置百 官, 皆依· 下 至中國 中國 合一 飲

晉大臣皆恐 高 加 崩 出帝 而景延廣對契丹使者語,獨不遜。 節位, 德光怒其不先以告, 而又不奉表, 德光益怒。 不稱臣 楊光遠反青州 而 稱孫, 數遣使者責晉。 招之。 開運元

旓

晉

#

亦引兵 丹歸至古北,聞晉軍且至,卽復引而南,及重威戰于陽城、衞村。 于榆林,幾爲所虜。 焚剽殆盡。 引去,分其兵爲二,一出滄州, 下鼓城等九縣。 家兵馬半已餓死 戰于戚城。 守貞等東馳馬家渡,擊敗契丹。 延壽免焉。 博州 軍奮死擊之,契丹大敗。 而 飲。 是時, 「 德光傾國南寇,分其衆爲三 : 南走黎陽。 德光坐奚車中,呼其衆曰:「晉軍盡在此矣,可生擒之,然後平定天下。」會天大風 ,出帝病,不能出征,遣張從恩、安審琦、皇甫遇等禦之。 應光遠; 契丹見大桑木,罵曰:「吾知紫披襖出自汝身,吾豈容汝活邪!」束薪於木而焚 德光臨陣,望見晉軍旗幟光明,而士馬嚴整,有懼色,謂其左右曰:「楊光遠言晉 是時,天下旱蝗,晉人苦兵,乃遣開封府軍將張暉假供奉官聘于契丹,奉表稱 杜重威守鎭州, 何其盛也!」兵旣交,殺傷相半,陣間斷箭遺鏃,布厚寸餘。 契丹已北,而出帝疾少間,乃下韶親征,軍于澶州 審琦從後救之,契丹望見塵起,謂救兵至,引去。 德光與延壽南,攻陷 具州。 徳光喪車,騎一 一出深州以歸。 閉壁不敢出。 而德光與晉相距于河,月餘,聞馬家渡兵敗, 西出鴈門,攻抖、代,劉知遠擊敗之于秀容; 白橐駝而走。 契丹南掠邢、洺、磁,至于安陽河,千里之內, 二年正月,德光復傾國入寇,圍鎭州,分兵攻 徳光屯元城,兵及黎陽。 至幽州,其首領大將各笞數百,獨 晉軍 遇前渡潭水,遇契丹, ,遣杜重威等北伐。 ·飢渴,鑿井輒壞,絞泥 而從恩畏怯,不敢 晉出帝親征 乃引衆擊晉, 日暮,徳光 東至 宇河

之。

陷

臣, 山 以 臥 脩 भा 和 好 自 古 德 聞 光語 漢 來 不 和 遜。 蕃 不 然契丹亦自猒兵。 聞 蕃 去和 漢, 若 漢 兄實 德光母述律嘗謂晉人曰:「南 有 间心 則 我亦 何惜通 好 朝 漢兒爭得 」晉亦

加 胟 出晉 武強 復遣 飯 師 以 殺 喜。 軍至 僞爲 年 雁 龍 縱以 一城下, IE 111 三年 晉 鳳 重 使 好 延 月丁 徳光 後, 出 赭 德光聞晉出兵, ıĿ 七月 帝 袍 南 報 然數 見晉衰而 攻破欒城縣,縣有騎軍 見城門皆啓,疑 與太后 問之, 亥朔旦, 晉文武百官, 將至京 歸 mi 晉 不 辽 遣杜 言身陷 用 書招 重 使衣 師 威 爲 天下 出 重 降表, 等被 趙 帝 |廣思 有司 威、 以撫 乃入寇鎮州 亂 延 與 、李守貞 圍 有伏兵,不敢 人 太 后 請 自 鼠 晉 嘗 糧 以 陳 ,約晉發兵爲 軍 絕, 有 法 過 出 干人, 意窺中國, 、張彥澤等出兵, 角 答。 亦以 班 郊 遂 一于都城北 奉 舉 奉 重威 徳光遣 赭 训 迎 皆降 入。 軍 一,德光 降。 西屯 袍 徳光 應。 賜 遣梁漢璋追牟翰及 於虜。 而德光亦嘗許延壽滅晉 解里 德光 中渡, 重 而 解不見,日:「豈有 曰:「吾躬擐 望帝拜辭, 威。 徳光將高 爲延壽應, 以手 喜 德 光 每 遣傅住兒監張彥 與德光夾 謂趙延壽曰:「所得漢兒皆 詔 賜帝 牟 獲晉 、甲胄, 素服紗帽以待。 翰 兵 水 之,漢璋 趨 亦詐 | : 「孫 而 以 网 瀛州 軍 天子 定 刺 以 而立之。 澤 其 中 兒 源 牟翰空 戰死。 將騎 徳光 但 相 原 面 州 勿 降晉, 見于道 德光被甲衣貂 二千, 分兵, 愛,管 文曰「奉 延壽得晉 一城 重威 與 晉 而 路 先入 取一 等 爾 並 君 敕 軍 西 書 喫 京 皆 因 不 Ш 屯 晉

赤岡。 壽爲德光所鎖,幷礪遷于契丹。德光重其文學,仍以爲翰林學士。礪常思歸,逃至境上,爲 爲宰相。礪,明宗時翰林學士,晉高祖起太原,唐廢帝遣礪督趙延壽進軍於團柏谷,已而延 爲之?」乃命與之遷秩。翰林學士張礪進擬延壽中京留守、大丞相、録尚書事、都督中外諸 密使、封燕王皆如故。又以礪爲右僕射兼門下侍郎、同中書門下平章事, 與故晉相和凝並 於燕王無所愛惜,雖我皮肉,可爲燕王用者,吾可割也。吾聞皇太子是天子之子,燕王豈得 皮,以爲猒勝。甲午,德光胡服視朝于廣政殿。乙未,被中國冠服,百官常參,起居如晉儀, 軍事。德光索筆,塗其録尚書事、都督中外諸軍事,止以爲中京留守、大丞相,而延壽前爲樞 及其母述律。德光已滅晉而無立延壽意,延壽不敢自言,因李崧以求爲皇太子。德光曰:「吾 太常樂舞陳于廷,德光冠通天冠,服绛紗袍,執大珪以視朝,大赦,改晉國爲大遼國,開運四 也,可無懼。 年爲會同 而氊裘左袵,胡馬奚車,羅列階陛,晉人俛首不敢仰視。二月丁巳朔,金吾六軍、殿中省仗、 立馬于高岡,百官俯伏待罪。德光人自封丘門,登城樓,遣通事宣言諭衆曰:「我亦人 德光嘗許趙延壽滅晉而立以爲帝,故契丹擊晉,延壽常爲先锋,虜掠所得,悉以奉德光 封出帝負義侯,遷于黄竈府。癸巳,入居晉宫,以契丹守諸門,門廡殿廷皆磔犬掛 叶年。 我本無心至此,漢兵引我來爾。」遂入晉宫,宫中嬪妓迎謁,皆不顧,夕出宿于

VЦ

夷

附録第

徽冠之,其一命我冠之。今其可降服邪!」卒冠貂蟬以朝。三月丙戌朔,德光服靴、 壽别爲王者冠以自異。礪曰:「吾在上國時,晉遣馮道奉册北朝,道賫二貂冠,其一宰相韓延 放,其愛之如此。 光顧其通事高唐英曰:「吾戒爾輩善待此人,致其逃去,過在爾也。」因笞唐英 德光將視朝,有司給延壽貂蟬冠,礪三品冠服,延壽與礪皆不肯服。 一百而待礪如 袍, 而延

掌答書韶,每國有大慶弔,學士以先君之命爲書以賜國君,其書常曰報兒皇帝云。 君死,葬,則於其墓側起屋,謂之明殿,置官屬職司,歲时奉表起居如事生,置明殿學士一人 天子邪!」其母述律遣人賫書及阿保機明殿書賜德光。 崇元殿,百官入閣,德光大悦,顧其左右曰:「漢家儀物,其盛如此。 明殿,若中國陵寝下宫之制 我得於此殿坐, 豈非真 ,其國

以蕭翰爲宣武軍節度使。翰,契丹之大族,其號阿鉢,翰之妹亦嫁德光,而阿鉢本無姓氏, 乃北歸,以晉内諸司伎術、宫女、諸軍將卒數千人從。自黎陽渡河,行至湯陰,登愁死岡,謂 契丹呼翰爲國舅,及將以爲節度使,李崧爲製姓名曰蕭翰,於是始姓蕭。 被其毒,遠近怨嗟。漢高祖起太原,所在州鎮多殺契丹守將歸漢,德光大懼。又時已熱,乃 胡兵人馬不给糧草,遣數千騎分出四野,劫掠人民,號爲「打草穀」,東西二三千里之間,民 德光已滅晉,遣其部族**酋豪及其通事爲諸州鎮刺史、節度使,括**借天下錢帛以賞軍 德光已留翰守汴

晉人謂之「帝羓」焉。 德光至臨洺,見其井邑荒殘,笑謂晉人曰:「致中國至此,皆燕王爲罪首。」又顧張礪曰:「爾 男子無少長皆屠之,婦女悉驅以北。後漢以王繼弘鎮相州,得髑髏十數萬枚,爲大冢葬之。 亦有力焉。」德光行至樂城,得疾,卒于殺胡林。 無恨。」勳退而謂人曰:「虜將死矣。」相州梁暉殺契丹守將,閉城距守。 其宣徽使高勳曰:「我在上國,以打圍食肉爲樂,自入中國,心常不快,若得復吾本土,死亦 永康王兀欲立, 溢德光爲嗣聖皇帝**,** 契丹破其腹,去其腸胃,實之以鹽,載而北, 號阿保機爲太祖,德光爲太宗。 德光引兵破之,城中

#### 校勘記

〔一〕伹皆利部 五代會要卷二九作「旦利皆部」,契丹國志契丹國初興本末作「祖(祖)皆利部」。 「伹」,他本均作「但」。「皆利」,南監、汲、殿、蜀本同,貴池、汪、南昌、鄂、劉校本作「利

(二) 担列日列知恩 「担」,貴池、汪本作「担」,南監、汲、殿、蜀、鄂、劉校本作「捏」。 「恩」,殿、蜀本作

〔三〕竭失記曰乙懷宥 「記」,他本均作「訖」。「乙」,南監、貴池本同,他本均作「訖」。

「四〕長揚 「揚」,南昌、鄂本作「楊」。、新唐書卷三九処理志作「楊」。

**5**. 〕揆剌泊 「揆」,南昌、鄂本作「擦」。通鑑卷二七八作「捺」,胡注引薛史亦作「捺」。查薛史卷四

pq

## 新五代史卷七十三

## 四夷附錄第二

原,唐廢帝遣宦者秦繼旻、皇城使李彥紳殺突欲于其第。晉高祖追封突欲爲燕王。 時,自滑州朝京師,遙領武信軍節度使,食其俸,賜甲第一區,宮女數人。契丹兵助晉于太 書。其自契丹歸中國,載書數千卷,樞密使趙延壽每假其異書、醫經,皆中國所無者。 右姬妾,多刺其臂吮之,其小過輒挑目、刲灼,不勝其毒。然喜賓客,好飲酒,工畫,頗知 兀欲,東丹王突欲子也。 突欲奔于唐,兀欲留不從,號永康王。 契丹好飲人血,突欲左

礪、李崧、馮道等置酒,酒數行, 兀欲謂延壽曰:「妹自上國來,當一見之。」延壽欣然與兀欲 不與。延壽左右曰:「契丹大人聚而謀者詾詢,必有變,宜備之。今中國之兵,猶有萬人,可以 欲與趙延壽及諸大將等俱入鎭州。延壽自稱權知軍國事,造人求鎭州管鑰于兀欲,兀欲 德光減晉, 兀欲從至京師。 德光殺繼旻、 彦紳,籍其家貲,悉以賜兀欲。 德光死欒城, 不然,事必不成。」延壽猶豫不決。兀欲妻,延壽以爲妹,五月朔旦,兀欲召延壽及張

рŲ

夷附錄

第二

告哀 康王, 汴州 日:「汝教先帝勿用胡 兀欲 俱 於諸鎮 召延壽廷立而詰之,延壽不能 與我算子一莖,許我知 大聖皇帝之嫡孫,人皇王之長子,可於中京卽皇帝位。」中京,契丹謂 食頃 兀欲 蕭翰聞德光死,棄汴州而北,至鎭州,兀欲已去。 出 坐,笑謂礪等曰:「燕王謀反,鎖之矣。 人爲節度使, 南朝 軍 對。 國事 何也?」礪對不屈,翰鎖之。 ,咋聞寢疾,無遺命,燕王安得 乃遣人監之,而籍其家貲。 諸君 是夕,礪卒 翰以騎圍張礪宅, 可無慮也。」又曰:「先帝在 兀欲宣德光遺制曰:「永 自 擅 鎭州 邪 礪 也。 執礪而 等罷 造使者

州 相距 立,而人皇王背我歸中國,其子豈得立邪?」乃率兵逆兀欲, 兀欲已立,先遣 晉諸 于石 兀欲 將相隨德光在鎭州者皆留之而去。以翰林學士徐台符、 僑 爲 人傷偉,亦工畫,能飲酒,好禮士,德光嘗賜以 述律所將兵多亡歸 人報其祖母述律。述律怒曰:「我兒平晉取天下,有大 兀欲。 兀欲乃幽述律於 紅州。 (絹敷 將廢之。 千匹, 祖州 李澣從行, 功業,其子 兀欲散之,一日 兀欲留其將麻荅守鎭 阿保機墓所也 與其 在 組母 我 側 而 述 者當 律

怒之, 使送木葉山, 思温辭不肯行。述律曰:「爾, 先帝親信, 安得不往見之?」思温對曰: 中,曰:「爲我見先帝于地下。」大將趙思温 :夫。」乃殺其大將百餘人, 述 律 爲 人多智而 忍。 阿保機死,悉召從行大將等妻, 日:「可往 「從先帝。」左右有過者 ,本中國人也,以材勇爲阿保機所寵, 謂曰:「我今爲寡婦矣,汝等豈宜 ,多送木葉 山, 殺於阿保機墓 述律後以事

以北。 鳴,而矛戟夜有光,又月食,虜衆皆懼,以爲凶,雖破內丘而人馬傷死者太半。兀欲立五年, 會諸部酋長,復謀入寇,諸部大人皆不欲,兀欲彊之。燕王述軋與太寧王嘔里僧等率兵殺 虐,多略中國人,剝面,抉目,拔髮,斷腕而殺之,出入常以鉗鑿挑割之具自隨,寢處前後掛 道、和凝等會葬。使者至鎭州,鎭州軍亂,大將白再榮等逐出麻荅。據定州〔〕,已而悉其衆 **汇欲於大神淀。德光子齊王述律聞亂,走南山。** 人肝、脛、手、足,言笑自若,鎭、定之人不勝其毒。 麻荅已去,馮道等乃南歸。 葬汝。」已而,兀欲囚之,後死于木葉山。 後必有禍,悔無及矣。」德光死,載其尸歸,述律不哭而撫其尸曰:「待我國中人畜如故,然後 非之,曰:「吾國用一漢人爲主可乎?」德光曰:「不可也。」述律曰:「然則汝得中國不能有, 可斷吾一臂以送之。」左右切諫之,乃斷其一腕,而釋思温 「親莫如后,后何不行?」」述律曰:「我本欲從先帝于地下,以子幼,國中多故,未能 述律立,改元應曆,號天順皇帝,後更名璟。 漢乾祐元年,兀欲率萬騎攻邢州,陷內丘。契丹入寇,常以馬嘶爲候。其來也,馬不嘶 兀欲更名阮,號天授皇帝,改元曰天祿。是歲八月,葬德光於木葉山,遣人至鎭州召馮 脈荅者, 德光之從弟也。 德光滅晉, 以爲邢州節度使, 兀欲立, 命守鎭州。 契丹擊殺述軋、嘔里僧,而迎述律以立。 述律有疾,不能近婦人,左右給事,多以官 不殺。初,德光之擊晉也,述律常 麻荅尤酷 也。

夷附

錄第二

九〇三

然畋獵好飲酒 不恤國事,每酣飲,自夜至旦,晝則常睡,國人謂之「睡王」。

河 死。 聞之,謂其國人曰:「此本漢地,今以還漢,又何惜耶?」述律後爲庖者因其醉而殺之。 世宗遇疾, 韓通爲陸路都部署。世宗自乾寧軍御龍舟,艛船戰艦,首尾數十里,至益津關,降其守將,而 右神武統軍李洪信爲合流口部署,前鳳翔節度使王晏爲益津關部署,侍衞親軍馬步都虞候 路 漸 述律立,遂不復南寇。 杒, 狹, 兀欲常遣使聘漢,使者至中國而周太祖入立。太祖復遣將軍朱憲報聘,憲還而 乃置雄州於瓦 舟不能進, 乃捨舟陸行。 橋關、霸州於益津關 顯德六年夏,世宗北伐,以保大軍節度使田景咸爲淤口關部署, 瓦橋淤口關、瀛莫州守將,皆迎降。 而還。 周師下三關、瀛、莫, 兵不血 方下令進攻 刃。 幽州 兀欲

謂周之所取,皆漢故地,不足顧也。 重於萑蔁之間,以僥倖一勝。夫兵法,決機因勢,有不可失之時。世宗南平淮甸, **曆**,見世宗取瀛、莫,定三關,兵不血刃,而史官譏其以王者之師,馳千里而襲人,輕萬 乘其勝威,擊其昏殆,世徒見周師之出何速,而不知述律有可取之機也。 鳴 呼! 自古夷狄服叛,雖不繫中國之盛衰,而中國之制夷狄則必因其彊弱。 然則十四州之故地,皆可指麾而取矣。不幸世宗遇疾, 是時, 予讀周日 逃律以 北伐 「乘之 契

豈不可惜,而其功不亦壯哉! 夫兵之變化屈伸,豈區區守常談者所可識也 功志 不就。 然瀛、莫、三關,遂得復爲中國之人,而十四州之俗 至今陷於夷狄。 彼其爲志

相 至儀坤州, 記 行五 城 MI 極。 又四日,至歸化州。 之險也。 自幽州 告翰謀反,翰見殺,嶠無所依,居虜中七年。當周廣順三年,亡歸中國,略能道其所見。云: 及,遂及述律戰于沙河。 泛 一其二種一一日旱金、大如掌、金色爍人; 寒尤甚。 四日,至 一十里有雞鳴山,云唐太宗北伐聞雞鳴于此,因以名山。明日,入永定關,此唐故關也。 契丹謂嶠曰:『此辭鄉嶺也,可一南望 初,蕭翰聞德光死,北歸, 地氣最温,契丹若大寒,則就温 .西北入居庸關,明日,又西北入石門關,關路崖狹,一夫可以當百,此中國控扼契丹 又三日,至可汗州,南望五臺山,其一峯最高者,東臺也。又三日,至新武州,西北 渡麝 黑楡林,時七月,寒如深多。 已出谷,得平地,氣稍温。 香河。 又三日,登天嶺,嶺東西連亙,有路北下,四顧冥然,黃雲白草,不可窮 自 山幽州至 述律兵敗而北, 兀欲追至獨樹渡, 遂囚述律于撲馬山 有同州郃陽縣令胡嶠爲翰掌書記,隨入契丹。 此 |無里候,其所向不知爲南北。 于此。 又行二日,渡湟水。 又明日,入斜谷,谷長五 |而爲永訣。』同行者皆慟哭,往往絕而復蘇。 一日青囊,如中國金燈,而色類藍 其水泉清冷,草軟 又明日, 渡黑水。 如茸,可藉以寢。 十里,高崖峻谷, 又二日,至赤崖, 可愛。 又二日, 至湯 而翰妻爭妬, 而 仰不見日 翰與兀欲 叉二日, 多異花, 又行三 叉行

光等事 東行, 里 胩 JII 林、 大 去 日 八山,行 卓 ,,多草木,始食 四 (伎術 遂 而 入而 帳 + 至褒 至 長 宇 里, 興 松 、敎坊、角觝 上京 + 菛 此 選車 审 餘 (潭,始有柳,而水草豐美, 至眞珠寨,始食菜。 闔 會諸 國 日 所謂 一,珍禽 而 所記 明 西瓜,云契丹破回紇得此種, 畄, 部 H 西樓 差異 人葬德 開 野卉, 秀才、僧、 過一大林, 肖, 也。 有 光。 西樓 達室 明日, 抛 尼、道士等, 長二三里, 自 盏, 一碑石, 有邑屋市肆, Lit 有息雞草尤美, 東行, 西 禮 南 畢。 日 行, 。皆中國 皆燕荑,枝葉有芒刺 地勢漸高, 『陵所 問 日六 以牛糞覆棚而種 其 交易無錢而 一禮、皆 十里,行七 人,而丼、汾、幽 也。』兀欲 而本大,馬食不過十 西望 祕 不 用布。 平地松林鬱然數 入祭, 肯言。」嶠所 日,至大 大大 如箭羽, 諸部 薊之人尤 如 有 一一國 山門, 綾 本 大人惟執 錦諸 其 目 多瓜 地 而 見囚 皆 飽。 + 多。 工作、 兩 单。 丽 無 高 [述律 祭器 自 味 自 Ш 宦者 上京東 褒潭 遂入 相 世。 葬 者 去 德 平

契丹國 州 丽 LI 後可 云 築城 此 飲。 東 ĪĪĪĪ 西 至 陏 翰 而 又東,女眞 干 居 去 得 海 乏。 幽 雏 有鐵 州 被 嶠 二千 鎖 崎崎 (,善射,多牛、鹿、野狗。其人無定居,行以牛負物, 甸 至 里 福 其族 與 州 部 而 叉 野居 曲 (東行 契丹 東之福 皮 多憐 帳, 數 州 日 嶠 而 , 過衞州, 人剛 教其 福 州 勇。 逃 翰 歸, 有居 其 所治 地 嶠 人三 少 也。 因 草木, 得 + 嶠 其 餘 等 水 諸 家 東 鹹 或 行, 풆 濁, 種 遇雨 契丹 類 過一 色 遠 則張革爲屋 如 近。 所 山 Mn. 虜 澄 云 中 名 國 十

匹,遺十人齎乾鈔北行,窮其所見。 筯 妻女人食。 不衣,手搏猛獸,語爲犬嘷,其妻皆人,能漢語,生男爲狗,女爲人,自相婚嫁,穴居食生,而 背之走黑車子,始學作車帳。又北,牛蹄突厥,人身牛足,其地尤寒,水曰瓠甗河,夏秋冰厚 走。其國三面皆室韋,一日室韋,二日黃頭室韋,三日獸室韋。其地多銅、鐵、金、銀,其人 大弓長箭,尤善射,遇人輒殺而生食其肉,契丹等國皆畏之。契丹五騎遇一韈劫子,則皆散 **厥律略同。又北,黑車子,善作車帳,其人知孝義,地貧無所產。云契丹之先,常役回紇,後** 鼠 其人長大、髦頭、酋長全其髮、盛以紫囊。地苦寒、水出大魚、契丹仰食。又多黑、白、黄貂 常作鹿鳴,呼鹿而射之,食其生肉。能釀糜爲酒,醉則縛之而睡,醒而後解,不然,則殺人。 二尺,春多冰徹底,常燒器銷冰乃得飲。東北,至韈劫子,其人髦首,披布爲衣,不鞍而騎, 而人好殺戮。又南,至于楡關矣,西南至儒州,皆故漢地。西則突厥、回紇。 又東南,渤海,又東,遼國,皆與契丹略同。其南海曲,有魚鹽之利。 ?,狗夫追之,見其家物,必銜而歸,則不能追矣。」其說如此。 《皮,北方諸國皆仰足。 其人最勇,隣國不敢侵。 又其西,轄戛,又其北,單于突厥,皆與嫗 `銅鐵諸器皆精好,善織毛錦。 地尤寒,馬溺至地成冰堆。 云嘗有中國人至其國,其妻憐之使逃歸,與其筋十餘隻,敎其每走十餘里遺一 其人自黑車子,歷件蹄國以北,行一年,經四十三城,居 又曰:「契丹嘗選百里馬二十 又北,狗國,人身狗首,長毛 。又南,奚,與契丹略同, 西北至嫗厥律,

北,龍蛇猛獸、魑魅羣行,不可往矣』。其人乃還。 則寒冽。 人多以木皮爲屋,其語言無譯者,不知其國地、山川、部族、名號。其地氣,遇平地 至三十三城,得一人,能鐵甸語,其言頗可解,云地名頡利鳥于邪堰。 此北荒之極也。」 則温 云 『自此以 和,山林

虜記云⊖。 曰:「子歸悉以語漢人,使漢人努力事其主,無爲夷狄所虜,吾國非人境也。」嶠歸,錄以爲陷 契丹謂嶠曰:「夷狄之人豈能勝中國?然晉所以敗者,主暗而臣不忠。」因具道諸國事

同元年,是天顯盡十年,而十一年改爲會同矣。 立,立三年改元天顯,與此正合矣。 歲次丙申。」是歲,乃晉天福元年。 契丹年號,諸家所記,舛謬非一,莫可考正,惟嘗見於中國者可據也。 推而上之,得唐天成三年戊子,爲天顯元年。 又據開運四年德光滅晉入汴,肆赦,稱會同十年。 惟此二者,其據甚明。 餘皆不足考也。 據耶律德光立晉高祖册文云:「惟天顯九年 按契丹附錄,德光與唐明宗同年而 推而上之,得天福三年爲會 附錄所載夷狄年號,多略不

#### 校勘記

書、蓋無所用、故不必備也

大將白再榮等逐出麻荅據定州 北遁、麻荅、劉晞、崔廷勳皆奔定州」。「據」上當有脫字。 通鑑卷二八七謂白再榮等逐麻荅出恒州(卽鎮州),「契丹懼而

## 新五代史卷七十四

### 四夷附錄第三

後徙居琵琶川,在幽州東北數百里。地多黑羊,馬趟前蹄堅善走,其登山逐獸,下上如飛。 馬二萬騎。 奚,本匈奴之別種。 。分爲五部:一曰阿薈部,二曰廢米部,三曰粤質部,四曰奴皆部,五曰黑訖支部。 當唐之末,居陰凉川,在營府之西,幽州之西南,皆數百里。有人

莫知其處。爨以平底瓦鼎,煑穄爲粥,以寒水解之而飮。 帳,始分爲東、西奚。去諸之族,頗知耕種,歲借邊民荒地種穄,秋熟則來穫,窖之山下,人 諸怨叛,以別部西徙媽州,依北山射獵,常採北山麝香、仁參路劉守光以自託。 其族至數千 契丹阿保機疆盛,室韋、奚、霤皆服屬之。奚人常爲契丹守界上,而苦其苛虐,奚王去

西奚,紹威納之。晉高祖入立,割幽州鴈門以北入于契丹,是時紹威與逐不魯皆已死,耶律 光以後,紹威父子數遣使朝貢。初,紹威娶契丹女舍利逐不魯之姊爲妻,後逐不魯叛亡入 去諸卒,子掃刺立。莊宗破劉守光,賜掃刺姓李,更其名紹威。紹威卒,子拽剌立。 同

ηC

夷

附錄

第三

**徳光已立晉北歸,**拽刺 迎謁馬前, 德光日:「非爾罪也。 負我者, 掃刺與逐不魯爾。」乃發其

墓,粉其骨而 颺之。 後德光滅晉,拽刺常以兵從。 其後不復見於 心中國

自去諸徙媽州 自別爲西奚,而東奚在琵琶川者,亦爲契丹所幷,不復能自見云。

族。 唐 至 德中, 爲吐蕃所攻, 吐渾 懿宗時,首領赫連鐸爲陰山府都督,與討龐勛,以功拜大同軍節度使。 ٠, 本號吐谷渾,或曰乞伏乾歸之苗裔。 部族分散, 其內附者, 唐處之河西。 自後魏以來,名見中國,居於靑海之上。 其大姓有慕容、拓拔、赫連等 爲晉王所破,其 當

督,賜其姓名爲李紹魯。終唐時,常遣使朝貢中國 莊宗時,有首領白承福者,依中山北石門爲棚,莊宗爲置寧朔、 奉化兩府, 以承福爲都

部族盆微,散處廚州界中。

後出帝與契丹絕盟,召承福入朝,拜大同軍節度使,待之甚厚。 苦契丹,思得吐渾爲緩急之用,陰遺劉知遠鎭太原慰撫之。終高祖時, 責銷高祖,高祖恐懼,遣供奉官張澄率兵搜索抖、鎭、忻、代等州山谷中吐渾驅出之。然晉亦 成德,有異志,陰遣人招吐渾入塞,承福等乃自五臺入處中國。 晉高祖立,割鴈門以北入于契丹,於是吐渾爲契丹役屬,而苦其苛暴。 製丹與晉相距于河,承福以 契丹耶律德光大怒,造使者 承福數遣使者朝貢。 是時,安重榮鎮

不絕。

羊馬貲財鉅萬計,皆籍沒之,其餘衆以其別部王義宗主之。吐渾遂微,不復見。 辱之,承福謀復亡出塞,知遠以兵圍其族,殺承福及其大姓赫連海龍、白可久、白鐵匱等,其 其兵從出帝禦虜。是歲大熱,吐渾多疾死,乃遣承福歸太原,居之嵐、石之間。 劉知遠稍侵

部族。 初,唐以承福之族爲熟吐渾。 至漢乾祐二年,又有吐渾何戛剌來朝貢,不知爲生、熟吐渾,蓋皆微,不足考錄。 長興中,又有生吐渾杜每兒來朝貢。每兒,不知其國地、

渤海 通於中國者可見云。 從朱邪赤心討龐勛。 破黃巢,由是居雲、代之間。 達靼,靺鞨之遺種,本在溪、契丹之東北,後爲契丹所攻,而部族分散,或屬契丹,或屬 別部散居陰山者,自號達靼。 其後李國昌、克用父子爲赫連鐸等所敗,嘗亡入達靼。後從克用入關 其俗善騎射,畜多駝、馬。其君長、部族名字,不可究見,惟其嘗 當唐末,以名見中國。 有每相温、于越相温, 咸通中,

州生界達靼、蓋唐常役屬之。 詔 達靼 同 光中, 入契丹界,以張軍 都督折文逋,數自河西來貢駝、馬。 勢,遣宿州 長興三年,首領旗哥率其族四百餘人來附。 刺史薛敬忠以所獲契丹團牌二百五十及弓箭數百賜雲 明宗討王都於定州, 都誘契丹入寇,明宗 訖 于 顯 德 常來

慶州 其大姓有 運 有地三千餘里。 一者號 党項 東山部落, 細封氏、費聽氏、折氏、野利氏,拓拔氏爲最彊。 西羌之遺 無城 種。 居夏州者號平夏部落。 (邑而有室屋,以毛罽覆之。 其國在禹貢析支之地, 部有大姓而 東至 其人 松州,西接葉護,南界春桑口, 無君長, 唐德宗時,党項諸部相率內附,居 、喜盜竊而多壽,往往百 不相統一, 散處邪寧、鄭 五 六十歲。 北鄰 11

|延、

、靈武、

河西,

東至麟、府之間。自同光以後,大姓之疆者各自來朝貢

者, 爲言。 萬 其 馬 酒 來無駑壯皆售,而所讎常過直,往來館給,道路倍費。其每至京師, 大 食 數犯 八首領 明宗 明宗 及其所 旣醉, 乃詔 邊爲盜。 連 遣 時,韶沿邊置場市馬,諸夷皆入市中國 香 吏就 靈 連袂歌呼,道其土風 劫 李 武 外 八薩王 康 邊場售馬給直, 國 自河 福 寶 玉 西回鶻朝貢 邠州藥彥稠等出兵討之。 等,悉以 都 統 悉那埋 、以爲樂,去又厚以賜賚,歲耗百萬計。 止其來朝, い賜軍 (中國,道其部落, 摩、侍御乞埋 <u>i</u>-由 而党項利其所得, 是 党項之患 而回鶻、党項 嵬 福等擊破阿 輒邀劫之,執其使者,賣之佗族,以 悉逋 等族(三), 稍 息。 來不可 埋章悉褒勒 馬最多。 殺 明宗爲御殿見之,勞以 數 屯 唐大臣皆患之,數以 千人, 明宗招懷遠人,馬 疆賴 其在 獲其 埋 靈、慶之間 廝 牛羊 骨 易牛 尾 及

至 周 人和時 府州党項尼也六泥香王子、拓拔山等皆來朝貢 廣順 慶州刺 史郭 四夷附錄第三

衆。太祖怒,罪建武等,選良吏爲慶州刺史以招撫之。 軍,軍士利其物,反劫掠之。三族共誘建武軍至包山,度險,三族共擊之,軍投崖谷,死傷甚 夷情,馳軍擊野鷄族,殺數百人。而喜玉、折思、殺牛三族聞建武擊破野鷄族,各以 苦彦欽, **彥欽貪其羊馬,侵擾諸部,獨野鷄族彊不可近,乃誣其族犯邊。** 不肯聽命,太祖遣邠州折從阮、寧州刺史張建武等討之。 太祖遣使招慰之。 建武勇於立功,不能 人牛酒犒 野鷄族

其佗諸族,散處沿邊界上者甚衆,然其無國地、君長,故莫得而紀次云。

數,故其君長史皆失不能紀。 阿熟來。天福六年,遣使者薛同海等來。凡四至,其後不復來。然突厥於時最微,又來不 五代之際,嘗來朝貢。同光三年,渾解樓來。天成二年,首領張慕晉來。長興二年,首領杜 突厥,國地、君世、部族、名號、物俗,見於唐著矣。至唐之末,爲諸夷所侵,部族微散。

西域三十六國。唐之軍、鎮、監、務,三百餘城,常以中國兵更戍,而凉州置使節度之。 凉州最大,土沃物繁而人富樂。其地宜馬,唐置八監,牧馬三十萬匹。以安西都護府羈縻 吐蕃,國地、君世、部族、名號、物俗,見於唐著矣。當唐之盛時,河西、隴右三十三州,

文宗 涕泣 之亂 時, 曰:「皇帝 嘗 肅宗 遣 使 起 · 獨念陷蕃人民否?」其人皆|天寶時陷虜者 者至 靈 武 一西域, 悉召 見甘、凉、瓜、沙等州城邑如 河 西 兵 赴 難 , 而吐蕃 乘虚 攻陷 故 字 而陷虜之人見唐使者, 河西 孫,其語言稍變,而 一、隴右 華 Ë 衣 萬 服 夾 皆 循 道 陷 不 迎 于 改。 呼,

党 官 庿 4 後 起 元 n-涌 有 能 順 其名, 以 撫有, 年 項 是時 敷來 賊 分所隔 爲 等至京師 至 留 年 刺 五. 後 爲 因以 公請命。 天 惟 而 代 史。 兗州 嘉 李文謙 福 凉州自立守將。 甘、凉、瓜、沙四州常自 軍 時, 旆 -義朝爲 兵 至 求旌節, 牙將, 年 吐蕃 遣 自梁太祖時 遂 漢 人 來 留 隱 市 節 明 請 已微弱, 與峻相 帝時 示 馬京 年, 命。 得返。 度使、發掣州 明宗問孫超 晉高祖 後數年 凉 唐長興 師 友善 回鶻、党項諸羌 嘗以靈 州 今涼州漢人皆其成人子 因 留 遣 來請命帥。 通于中國。 後峻貴 後 , (四年,涼州 等世家, 涇州 兵二千 涼州 武節度使兼領 折逋 押牙陳 人逐 嘉 師厚敝 五百人戍之。 承謙 施 夷分侵其地, 是 甘州 留後孫超遣大將拓拔承謙 出 來請 時 延 文謙, 日:「吐蕃陷 太蓬首 軍費 爲回鶻牙, 河西節度, 命 樞 密使 孫 漢 詔 靈 也。」 唐亡, 書 武 卽 至 而 日 以爲 安 馮 凉 不 候 峻 而凉、瓜、沙三州將更,猶稱 / 撫涼 明宗 暉遣 而觀察甘、肅、威等州 -有其人 州 峻出 用 天下亂, 節 事 次 拜 張掖 度 州 牙 使。 將 拜 民。 凉 峻 馬前 吳繼 孫超 人張義朝募兵擊走 及僧、道士、耆老 凉州 故 州 嘉 値中 人共 人 施 節 勳 訴 以 申 代文謙 度 國衰 以饑 1 東爲突厥 師 劫 使。 豪 留 厚 剣, 也。 寒 者 延 凊 暉 岭 唐

胡桐律、大鵬砂、毦褐、玉團。 爲歸義軍節度使,元恭爲瓜州團練使。 年,義金卒,子元德立。 押衙 州,梁開平中有節度使張奉,自號「金山白衣天子」。 金亦遣使附回鶻以來, 能 未 又自安國鎭至凉州,立三州以控扼諸羌,用其酋豪爲刺 撫 往者。」月餘,無應募者,乃奏起師厚爲左衞將軍,已而拜河西節度使。 有以發。而嘉施等來請帥,峻卽建言:「凉州深入夷狄,中國未嘗命吏,請募率府率、供奉官 有。 副使崔虎心、 至世宗時,師厚留其子而逃歸,凉州遂絕於中國。 陽妃谷首領沈念般等及中國留人子孫王 莊宗拜義金爲歸義軍節度使、 至七年,沙州曹元忠、瓜州曹元深皆遣使來。 皆因其來者以名見,而其卒立、世次,史皆失其紀 其所貢: 硇砂、羚羊角、波斯錦、安西白氎、 金星礬 至唐莊宗時,回鶻來朝,沙州留後曹義 史。 瓜沙等州觀察處置等使。 一廷翰、 然凉州夷夏雜處,師厚小人,不 獨瓜、沙二州,終五代常來。 温崇樂、 周世宗時, 師厚 劉 少英爲將吏。 至涼州、奏薦 又以元忠 晉天福五

中 朝,後遂不復至,史亦失其君世云。 人一張,皆披以拜,委身宛轉,落其氈帽, 國 而 吐蕃 明宗嘗御端明殿見其使者, 問其牙帳所居, 曰:「西去涇州二千里。」明宗賜以虎皮, 不見於梁世。 唐天成三年,回鶻王仁喻來朝日,吐蕃亦遣使附以來,自此數至 ,亂髮如蓬,明宗及左右皆大笑。至漢隱帝時猶來

爲舅 餘衆西徙,役屬吐蕃。是時吐蕃已陷河西、隴右,乃以回鶻散處之。 H 其 國本在娑陵 爲唐患尤 水上、後爲點戛斯所侵,徙天德、振武之間,又爲石雄、張仲武所破,其 其 國 地、 君世、物俗,見於唐著矣。 唐嘗以女妻之,故其世以 中國

市 家 髮 鼠 宗遣使者册仁裕爲順化可汗。晉高祖時又册爲奉化可汗。 遣 胡荽,以橐 不知其立卒; 韶書 千想等來。 汗」,莊宗遣司農卿鄭續持節册仁美爲英義可汗(四)。是歲,仁美卒,其弟狄銀立,遣都督安 而 、羚羊 其俗與回紇 入以爲禮。 亦呼爲甥。 當 五代之際,有居甘州、西州者嘗見中國,而甘州回鶻數至,猶呼中國爲舅,中國答以 其所資寶玉皆屬縣官 ·角、硇砂、腽肭臍、金剛鑽、紅鹽、罽氈、駒駼之革。其地宜白麥、青爨麥、黃麻、葱韭 彩耕 同光四年,狄銀卒,阿咄欲立。天成二年,權知國事王仁裕遣李阿山等來朝, 而仁裕,訖五代常來朝貢,史亦失其紀。其地出玉、犛、綠野馬、獨峯駝、白貂 小異。 前 婦人 梁乾化元年,遣都督周易言等來,而 種。 、總髮爲髻,高五六寸, 其可汗常樓居,妻號天公主,其國相號媚祿都督。見可汗, 長 興四年, 而民犯禁爲市者輒罪之。 回鶻來獻白鶻一聯, 至唐莊宗時,王仁美遣使者來,貢玉、馬,自稱「權知可 以紅 |絹嚢之; 史不見其君長名號,梁拜易言等官倒 明宗命解繏放之。 既嫁,則加氈 周太祖時除其禁,民得與回鶻 阿咄欲,不知其爲狄銀親疏,亦 帽。 自明宗 又有別 時,常以馬 則 族 法帽 號 被 私 龍

國者僅以名見,其君世、終始,皆不可知。 于闐,國地、君世、物俗見於唐。五代亂世,中國多故,不能撫來四夷。 而汙闖尤遠,去京師萬里外。 其國,西南近葱嶺 其嘗自通於中

興婆羅門爲鄰國,而相去猶三千餘里,南接吐蕃,西北至疏勒二千餘里。

不能道聖天世次也。 奉官張匡鄴假鴻臚卿,彰武軍節度判官高居誨爲判官,册聖天爲大寶于闐國王。 二月,匡鄴等自靈州行二歲至于闐, 晉天福三年. 于闐國王李聖天遣使者馬繼榮來貢紅鹽、鬱金、氂牛尾、玉氎等,晉遣供 至七年多乃還。 而居誨頗記其往復所見山川諸國,而 是歲冬十

蹄則包以氂皮乃可行。 涉債,磧無水,載水以行。甘州人教晉使者作馬蹄木澀,木澀四竅,馬蹄亦鑿四竅而綴之,駝 南,山百餘里,漢小月支之故地也,有別族號應角山沙陀,云朱耶氏之遺族也。自甘州西,始 也,其會日捻崖天子。 公沙,宿月支都督帳。 居誨記曰:「自靈州過黃河,行三十里,始涉沙入党項界,曰細腰沙、神點沙(5)。 渡白亭河至凉州,自凉州西行五百里至甘州。 自此沙行四百餘里,至黑堡沙,沙尤廣, 西北五百里至肅州,渡金河,西百里出天門關,又西百里出玉門關, 遂登沙嶺。 甘州, 沙嶺, 回鶻牙也。 党項牙 至三 其

四夷附錄第

=

分為三:東日 南千三百里日玉州, 醸,而味尤美。其食,粳沃以蜜,粟沃以酪。其衣,布帛。有園圃花木。俗喜鬼神而 冠 勇而 于闐所置也,在沙州西南,云去京師九千五百里矣。又行二日至安軍州,遂至于闐。 得濕沙,人置之胸以止渴。又西,渡陷河,伐檉置水中乃渡,不然則陷。又西,至紺州,紺州 嘗寒多雪,每天暖雪銷,乃得水。 匡鄴等西行入仲雲界,至大屯城,仲雲遣宰相四人、都督 里鳴 三十七人候晉使者,匡鄴等以詔書慰諭之,皆東向拜。 西,渡都 州 經 如中國,其殿皆東向,日金册殿,有樓日七鳳樓。 沙州 吐蕃 一于河,然後國人得撈玉 沙山 好 戦 鄕 ,二州多中國 ,瓜、沙之人皆憚之。胡盧磧,漢明帝時征匈奴,屯田於吾盧,蓋其地也。 了云冬夏殷殷有聲如雷,云禹貢流沙也。又東南 河日陽關。 吐蕃男子 「白玉河,西日綠玉河,又西日鳥玉河。 云漢張騫所窮河源 冠 人,聞晉使者來,其刺 沙州 中 國帽 西日仲雲,其牙帳居胡盧磧。 ,婦人辮髮,戴瑟瑟珠,云珠之好者,**一** 其年號同慶二十九年。 出于閩,而山多玉者此 史曹元深等郊迎, 以蒲桃爲酒,又有紫酒、青酒,不知其所 三河皆有玉而色異, 自仲雲界西,始涉爾磧, 十里三危山,云三苗之所 其國 云仲雲者,小月支之遺種也, 間 山也。」其河 東南日銀州、盧州、湄州, 使者天子起居 珠易 每歲秋水涸 源 所出, 良 無水 地無 好 瓜 鼠 聖天衣 至于闐 州 西 也。 其人 捆地 水 南 至瓜 而

撈玉

夷 附 錄 第三

天頗責誚之,以邀誓約,匡鄴等還,聖天又遣都督劉再昇獻玉千斤及玉印、降魔杵等。 自 靈州渡黃河至于闖,往往見吐蕃族帳,而于闐常與吐蕃相攻劫。 匡鄴等至于闐 漢乾

「施元年,又遣使者王知鐸來。

圖一卷。 萬斤。 宗時,遺尙書水部員外郞韓彥卿以帛數千匹市銅於高麗以鑄錢。六年,昭遣使者貢黃銅五 吖 述延年辟穀;雌圖,載日食、星變。 皆不經之說。 義。 義軍使, 封高麗國王。 國王姓名,史失不紀。 王氏三世,終五代常來朝貢,其立也必請命中國,中國常優答之。其地產銅、銀, 當唐之末,其王姓高氏。 高麗,本扶餘人之別種也。 高麗俗知文字,喜讀書, 別敍,敍孔子所生及弟子事迹;越王新義,以「越王」爲問目,若今「正義」;皇靈 至長興三年,權知國事王建遣使者來,明宗乃拜建玄菟州都督,充大 建,高麗大族也。 同光元年,遣使廣評侍郎韓申一、副使春部少卿朴嚴來,而其 昭進別敍孝經一卷、越王新義八卷、皇靈孝經一卷、孝經雌 其國地、君世見於唐,比佗夷狄有姓氏,而其官號略可曉其 開運二年,建卒,子武立。 乾祐四年,武卒,子昭 周世

渤海 本號靺鞨,高麗之別種也。 唐高宗滅高麗,徙其人散處中國,置安東都護府於平

後世遂號渤海。 衆,其衆四十萬 王高麗故地 **壤以統治之。** 物產,與高麗同。 ),武后遣將擊殺乞四比羽, 人,據挹婁,臣于唐。 其貴族姓大氏, 開平元年, 時,契丹攻北邊, | 諲譔世次、立卒,史失其紀。 高麗別種大乞乞仲象與靺鞨酋長乞四比羽 至中宗時,置忽汗州,以祚榮爲都督, 而乞乞仲象亦病死。 國王大諲譔遣使者來,訖顯德常來朝貢。 仲象子祚榮立, 封渤 因并有比羽之 海郡王, 走遼東, 其國

年,權 掛 金眞 知國事金溥遣使來。 羅 為樂浪 弁韓之遺種也。 (郡王,其後世 一常爲君長。 朴英、溥世次、卒立, 其國 地、 君世、物俗見於唐。 同 光 元年 史皆失其紀。 新羅國王金朴英遣使者來朝貢 其大族日金氏、朴氏, 自晉已後不復至。 自唐高 長 祖時 興 JU

皆失其紀。 黑 兵, 杰 角弓、楛矢。 盖 胡 黑水靺鞨,本號勿吉。 肅 獨 愼 庭 氏之地 亦遣 至長興三年, 使 同光 也。 來。 二年, 其衆分爲數 兀兒、 胡獨鹿卒,子桃李花立,嘗請命中國,後遂不復見云 黑水兀兒遣使者來,其後常來朝貢 當後魏時見中國。 胡獨鹿若其兩 千 部 ٠., 而黑水靺鞨最處其 部 · 個長 其國,東至海,南界高麗, 各以使來。 北, ,自登州泛海 尤勁悍, 而 其 部 族、世次、立卒, 西接突厥, 無文字之記。 出青州 北鄰室 明 年, 其 史

城,龜年等不至苴畔,至善闡,得其要約與唐爲甥舅。僖宗許以安化公主妻之,南韶大喜, 室 一子李龜年及徐虎、虎姪臈,乃以龜年爲使,虎爲副, 南韶蠻,見於唐。 其國在漢故永昌郡之東、姚州之西。 ,藹爲判官,使南韶。 僖宗幸蜀, 募能使南韶者, 得宗 南韶所居曰直畔

遣人隨龜年求公主,已而,黃巢敗,收復長安,僖宗東還乃止。

將軍烏昭遠為入蠻國信使,昭遠不能達而還。 將軍,又以大渡河南山前邛州六姓都鬼主懷安郡王勿定摽莎爲定遠將軍。明年遣左金吾衞 使南 山後兩林百蠻都鬼主、右武衞大將軍李卑晚,遣大鬼主傅能何華來朝貢,明宗拜卑晚寧遠 |詔,乃矯詔還其所俘,遣||藹等持金帛招撫||南詔,諭以威德,||南詔不納。 同光三年,魏王繼岌及郭崇韜等破蜀,得王衍時所俘南詔蠻數十人,又得徐藹,自言嘗 至明宗時, 魯州

冠帶如中國 爲 契。 牂 其首領姓謝氏,其名見於唐。 **柯蠻,在辰州西千五百里,以耕植爲生,而無城郭聚落,有所攻擊,則相屯聚。** 貢草豆蔻二萬箇、朱砂五百兩、蠟二百斤。 至天成二年嘗一至,其使者曰淸州八郡刺史宋朝化,

九二

年,嘗一至,其首領號昆明大鬼主,羅殿王、普露靜王九部落,各遺使者來,使者號若土,附 昆明,在黔州西南三千里外,地產羊馬。其人椎髻、跣足、披氈,其首領披虎皮。 天成二

<del>料</del>柯以來。

香不滅。 葉書之,以香木爲函。猛火油以灑物,得水則出火。薔薇水,云得自西域,以灑衣,雖敞而 顯德五年,其國王因德漫遣使者,莆訶散來,貢猛火油八十四瓶、薔薇水十五瓶,其表以貝多 大食同。 占城,在西南海上。其地方千里,東至海,西至雲南,南鄰眞臘,北抵驩州。 其乘,象、馬,其食,稻米、水兕、山羊。 鳥獸之奇,犀、孔雀。 自前世未嘗通中國。 其人,俗與

而罕至,且不爲中國利害云。 五代,四夷見中國者,遠不過于闐、占城。史之所紀,其西北頗詳,而東南尤略,蓋其遠

### 校勘記

傳、唐會要卷九八、五代會要卷二九、太平寰宇記卷一八四均作「番」。 「春」,貴池本作「春」。 他本均作「春」。 查通典卷一九〇作「春」,新唐書卷二二一上党項

10

**福等擊破阿坦韋悉褒勒殭賴埋廝骨尾及其大首領連香李八薩王都統悉那埋摩侍御乞埋嵬悉逋** 

等族 此處人名族名,尚待查清,暫未標點。

3

(三) 仁喩 下文及本史卷六唐明宗紀、群史卷一三八外國傳、冊府卷九六七、卷九七二、五代會要卷

二八俱作「仁裕」。

[四] 鄭續 汲、殿、蜀、劉校本「續」作「績」,薛史卷一三八外國傳作「績」,五代會要卷二八作「質」。

(H) 神點沙 汪本、南昌本同,他本「點」作「樹」。

